


# RELATÓRIU ANUÁL 2024



PDHJ Timor-Leste



+670 3331030, 3331070, 3331071



[www.pdhj.tl](http://www.pdhj.tl)

## PREFÁSIU

---



Apresentasaun Relatório Anuál Provedór de Direitos Humanos e Justiça ba Parlamentu Nasional, em princípio, la'os de'it nu'udar obrigasaun legál ida, maibé mos nu'udar forma responsabilidade pública ida. Liu-liu entidade Estadu nian ne'ebé nia mandatu prinsipál atu tau-matan ba poder público sira nia prestasaun serbisu hodi ezekuta Estado nia obrigasaun ba sidadaun sira tuir Konstituisaun Repúblika Demokrática Timor-Leste haruka.

Katak, política pública sira ne'ebé jestor poder público sira tenki ho objetivu atu asegura sidadaun sira nia direitos humanos, liuliu hanesan Artigu 6 Konstituisaun haruka, no ezekusaun desizaun política sira tenki haktuir ba prinsípiu governasaun-di'ak nian, iha ne'ebé 'responsabilidade' sai nu'udar elementu prinsipál ida.

Hanesan relatório Anuál sira uluk, Relatório Anuál 2024 ne'e, aleinde apresenta ezekusaun atividade, ninia atinjimentu sira, inklui alokasaun orsamentu ba atividade sira ne'e, deskreve mos sasadik (desafio) no sasidi (obstáculo) sira ne'ebé PDHJ hasoru iha prosesu ezersísiu ninia kompeténsia no ezekusaun ninia mandatu sira.

Sasidik prinsipál ida ne'ebé tinan-tinan PDHJ hasoru mak limitasaun rekursu humanu no rekursu material ne'ebé kauza hosi limitasaun orsamentu. Tinan 2024, alokasaun orsamentu total hamutuk **US\$ 2,061.391.00 (dolar amerikanu millaun rua, rihun neen-nulu-resin-ida, atus tolu, sia-nulu resin-ida)**, montante ne'ebé dook husi planu estimativa Anuál PDHJ nian, **US\$ 3,102,277.45 (dolar amerikanu millaun tolu, rihun atus ida-resin-rua, atus rua, hitu-nulu-resin-hitu, sentavos haat-nulu-resin-lima)**.

Situasaun rekursu kuran ne'e hafraku mos kapasidade PDHJ nian atu ezerse nia mandatu hodi hatán ba ejijénsia público nian ho lais no satisfatóriu. Tinan 2024, PDHJ seidauk bele desentraliza nia prestasaun servisu ba munisípiu seluk aleinde Delegação Territorial (DT) 4 ne'ebé ezisti ona.

Planu desentralizasaun ne'e mosu hodi responde ba rezultadu levantamento kona-ba persepsaun público ne'ebé hatudu katak ema porcento 30 resin (30%) de'it mak hatene kona-ba Provedór Direitos Humanos e Justiça nia knaar. Seluk hosi desentralizasaun prestasaun servisu, mak capacidade de intervenção PDHJ nian sei kuran tebes iha supervizaun política pública poder público sira nian no kompeténsia atu halo fiskalizasaun tuir Artigo 150 no 151 Konstituisaun haruka. Atu bele halo intervensaun ida ho kualidade ba programa ka política pública entidade pública sira nian, PDHJ tenki iha kapasidade atu halo peskiza no análise

hodi produz rekomentasaun sira ne'ebé kredível no kompreensivu ba entidade relevante sira haktuir.

Realidade hatudu katak, maski Provedór de Direitos Humanos e Justiça iha mandatu konstitusional ne'ebé boot no importante tebes atu halo intervensaun ba asuntu sira ne'ebé implika violasaun direitos humanos no kontra prinsípiu governasaun-di'ak, maibé tanba rekursu humanu no material ne'ebé kuran, PDHJ labele satisfaz ejijénsia no espetativa públiku nian.

Tinan 2024, tinan komemorativu ba Provedór de Direitos Humanos e Justiça nu'udar orgaun independente Estadu nian, tanba legalmente ezisti tinan 20 ona. Ba ida ne'e, nu'udar responsável máximu ba orgaun ida ne'e, ha'u reitera ha'u nia apresiasaun kle'an ba Parlamentu Nasionál nu'udar orgaun lejislativu ne'ebé produz Lei No.7/2004, 26 de maio hodi aprova Estatutos do Provedór de Direitos Humanos e Justiça.

Tinan 2024 mós nu'udar tinan laloran sasidik nian. Prosesu eviksaun forsada, despejo administrativo ba komunidade sira iha kapital Dili, inklui envolvimentu militar iha prosesu eviksaun no despejo administrativo. Kazu 'despedida' kontratu servisu ba professor kontratadu na'in 4,000 resin ne'ebé hamosu manifestasaun no resulta iha detensaun arbitrária.

Kazu aimoruk-kuran (stock out) iha hospital nacionál no hospital referral sira, inklui mos 'despedida' kontratu servisu profissional saúde 2,000 resin.

Laloran kazu sira ne'e obriga intervensaun Provedór nian hodi sai lian ba komunidade vítima ka sidadaun sira ne'ebé afetadu hosi desizaun política teki-teki sira. Intervensaun ne'ebé hamosu mós opiniaun ema barak, inklui membru Parlamentu balun ne'ebé konsidera Provedór nu'udar opositor ba dezenvolvimentu. Provedór la'os opositor ba dezenvolvimentu, maibé opositor ba violasaun direitos humanos no violasaun ba prinsípiu governasaun-di'ak.

Provedór Direitos Humanos e Justiça hamutuk ho pessoal sira ne'ebé servisu iha Provedória dos Direitos Humanos e Justiça hakarak hato'o apresiasaun kle'an ba entidade pública respondente sira hotu nia serbisu hamutuk durante ne'e hodi tulun PDHJ alkansa nia meta sira iha 2024. Apresiasaun kle'an ba lou deputada no na'i deputadu sira hotu nia tulun, direta ka indireta, ba PDHJ. Ami nafatin hein na'i no lou sira nia apresiasaun krítica ba relatório ne'e.

Ami hein katak, ho apresentasaun relatório ne'e, liuliu haree ba situasaun rekursu ne'ebé kuran atu hala'o atividade, lou no na'i deputadu sira sei halo intervensaun hodi enkoraja governu aloka orsamentu ne'ebé suficiente ba PDHJ iha tinan 2026 mai.

Ami mós hein katak, Parlamentu Nacionál sei fo nafatin nia tulun ba Provedór de Direitos Humanos e Justiça hodi enkoraja entidade pública nu'udar respondente PDHJ nian, atu haktuir rekomentasaun sira ne'ebé PDHJ hato'o bazeia ba fiskalizasaun ka investigasaun ne'ebé hala'o tuir mekanismu PDHJ nian.

Ikusliu, ami husu ba lou deputada no na'i deputadu sira bainhira sani relatório buka konsentra iha konteúdu no kontekstu, tanba liafan tétum ne'ebé ami utiliza seidauk tuir loloos padraun Instituto Linguístico Nasional (INL) nian.

Ami disponível kualker momento atu hatan ka klarifika asuntu ruma relational ho konteúdu relatório ne'e.



**(Virgílio da Silva Guterres 'Lamukan')**

Provedór

## LIA MAKLOKEN

---

Nu'udar forma hosi responsabilidade Institutionál ba públiku no estadu tuir mandatu konstitusionál iha ámbitu protesaun direitus humanus no promosaun governasaun di'ak, tinan ne'e PDHJ produz no lansa nia relatóriu atividade tinan 2024.

Hanesan afirma ona iha Konstituisaun Repúblika Demokrática Timor-Leste, PDHJ kaer knaar estratéjiku nu'udar instituisaun independente ne'ebé iha autoridade atu simu, akompaña, no rekomenda solusaun ba violasaun direitus humanus no governasaun diak relaciona ho mal-administrasaun, inkopetensia, ses husi poder ka abuzu poder, nomós ilegalidade formal no/ka material hosi entidade públiku sira.

Nune'e, relatóriu ida-ne'e sai mós hanesan espasu ida ba reflesaun kona-ba atinjimentu, dezafiu sira, no pasu estratéjiku sira ne'ebé presiza foti hodi hametin efikásia servisu protesaun direitus humanus no promosaun governasaun diak iha futuru.

Iha implementasaun mandatu durante tinan 2024 tomak, PDHJ hasoru obstáculo institusionál oioin ho natureza estruturál no operasional. Orsamentu no rekursu humanu ne'ebé limitadu nu'udar fatór prinsipál ne'ebé limita servisu PDHJ nian, liu-liu hodi alkansa komunidade sira ne'ebé dook no grupu vulneravel sira hanesan feto, ema ho defisiénsia, no komunidade LGBTIQ+.

Alein-de ne'e, nivel koñesimentu públiku ne'ebé ki'ik kona-ba ezisténsia no kna'ar PDHJ nian hatudu katak estratéjia komunikasaun no edukasaun públiku ne'ebé instituisaun ne'e implementa sei fraku hela. Dezafiu ida-ne'e aumenta tanba laiha garantia formál sira kona-ba estatutu legál ba investigadór no fiskalizador sira PDHJ nian, ne'ebé afeta ba konsiderasaun no efikásia servisu instituisaun nian hodi hatán ba kazu sira iha terrenu.

Iha parte seluk, relatóriu ida-ne'e nota katak, número violasaun ba violasaun direitus humanus nafatin aas, ne'ebé komete hosi ofisiál estadu sira, barak liu mak membru Polisia Nasionál Timor-Leste (PNTL), liu-liu iha forma violasaun ba direitu integridade física no seguransa pesoál.

Alein-de ne'e, kazu barak kona-ba despeju administrativu no muda obrigatoriu, ne'ebé estadu hala'o lahó konsulta públika ka indiminizasaun ne'ebé justu no dignu, ne'ebé lori impaktu sosio-ekonómiku sira maka'as ba sidadaun afetadu sira.

Desigualdade iha asesu ba servisu públiku no práтика diskriminatóriu iha sistema burokrátiku públiku mós sai nafatin problema signifikativu, liuliu ba sidadaun sira ne'ebé laiha ligasaun política ka afiliasaun podér.

Hodi hatán ba dezafiu sira-ne'e, PDHJ hato'o ona rekomendasaun estratéjiku lubuk ida, inklui enkoraja ratifikasiasaun ba Konvensaun Internasional ba Protesaun Ema Hotu hosi Dezaparesimentu Forsadu (CPED), hametin estatutu jurídiku ba investigadór no fiskalizador sira, no

reforma sistema auditoria interna no fiskalizasaun iha instituisaun pública sira. PDHJ mós subliña importânsia sinerjia ho parlamentu, governu, no sosiedade sivíl iha formulasaun no implementasaun política pública bazeia ba prinsípiu direitus humanus no governasaun diak. Alein-de ne'e, edukasaun pública no estratéjia advokasia dijital presiza habelar atu hasa'e konxiénsia pública no hametin lejitimidade institusionál.

Liu-husi relatório ida-ne'e, PDHJ konfirma nia kompromisu atu la'ós de'it presente nu'udar fiskalizadór administrativu, maibé mós nu'udar motor ba transformasaun sistémika ba governasaun ne'ebé justu no transparente ne'ebé orienta ba kumpre direitu báziku sidadaun sira-nian.

Reforma institucionál, hadi'a política pública sira ne'ebé bazeia ba direitu, no hasa'e partisipasaun komunidade nian nu'udar pillar importante hodi harii Timor-Leste ida ne'ebé respeita no proteje direitus humanus, ho servisu público mak justu no efetivu.

Ba-oin, sidadaun sira nia direitus humanus protejidu no governasaun diak promovidu depende maka'as ba vontade política governu nian, apoiu lejizlativu, no envolvimento ativu husi elementu hotu-hotu iha sosiedade hodi realiza demokrasia substantiva ne'ebé fó apoiu ba direitu no interesse povu.

## ABREVIASAUN

Instituisaun Estadu no/ka Entidade Públiku	
CAC	Comissão Anti-Corrupção
CFP	Comissão da Função Pública
CNE	Comissão Nacional de Eleições
F-FDTL	Falintil - Forças de Defesa de Timor-Leste
IGE.EP	Instituto de Gestão de Equipamentos, Empresa Pública
MAE	Ministério da Administração Estatal
MAP	Ministério da Agricultura e Pescas
MEJD	Ministério da Educação, Juventude e Desporto
MF	Ministério das Finanças
MI	Ministério do Interior
MJ	Ministério da Justiça
MNEC	Ministério dos Negócios Estrangeiros e Cooperação
MPCM	Ministério da Presidência do Conselho de Ministros
MS	Ministério da Saúde
MSSI	Ministério da Solidariedade Social e Inclusão
PCIC	Polícia Científica de Investigação Criminal
PDHJ	Provedoria dos Direitos Humanos e Justiça
PJR	Procurador-Geral da República
PNTL	Polícia Nacional de Timor-Leste
RAEOA	Região Administrativa Especial de Oecusse-Ambeno
RDTL	República Democrática de Timor-Leste
SEPFOPE	Secretaria de Estado para Formação Profissional e Emprego

**Diresaun Traballu iha PDHJ**

DAF	Direção de Administração e Finanças
DAP	Direção de Assistência Pública
DFR	Direção de Fiscalização e Rekomendasaun
DI	Direção de Investigação
DJRH	Direção de Gestão de Recursos Humanos
DP	Direção de Promoção
DTB	Delegação Teritorial Baucau
DTM	Delegação Teritorial Maliana
DTS	Delegação Teritorial Same
GI	Gabinete de Inspeção
GSE	Gabinete de Secretario Executivo
RPCI	Relações Públicas e Cooperação Institucional
UAJAP	Unidade de Assisténsia Jurídica, Adminisitrativa e Pesquisa

**Instrumentu no Paktu Internasional Sira**

CAT	Convention Against Torture and Other Cruel, Inhuman or Degrading Treatment or Punishment
CEDAW	Convention on the Elimination of All Forms of Discrimination Against Women
CPED	Convention for the Protection of All Persons from Enforced Disappearance
CRC	Convention on the Rights of the Child
CRPD	Convention on the Rights of Persons with Disabilities
ICCPR	International Covenant on Civil and Political Rights
ICESCR	International Covenant on Economic, Social and Cultural Rights

ICERD International Convention on the Elimination of All Forms of Racial Discrimination

***Organizasaun Sosiedade Civil no/ka Servisus***

APFTL Alumni Parlamentu Foinsa'e Timor-Leste

CEPAD Centro de Estudos para a Paz e Desenvolvimento

E-CSM Electronic Complaint and Case Management

PFN Parlamentu Foinsa'e Nian (Parlemen Muda)

SISCa Servisu Integradu Saúde Komunitaria

UNDP United Nations Development Programme

# FIXA TÉNIKA

---

**TÍTULU:** Relatório Atividade PDHJ 2024

**RESPONSÁVEL JERÁL:**

**Virgílio da Silva Guterres 'Lamukan'**

Provedór de Direitus humanus e Justiça

**Maria Marilia X.C. de Oliveira da Costa**

Provedora Adjunta ba Asuntu Direitus humanus

**Rigoberto Monteiro**

Provedór Adjunto ba Asuntu Boa governasaun

**RESPONSAVÉL PRINSIPÁL:**

**Ambrosio Graciano Soares**

Sekretáriu Ezekutivu PDHJ

**ELABORADÓR:**

**Martinho Moniz**

Tekniku Espesializadu Programa no Planeamentu

**FOTO:** Média PDHJ

**FONTE INFORMASAUN:**

- Gabinete Sekretariu Ezekutivu
- Gabinete Inspesaun
- Gabinete Relasaun Publika no Koordenasaun Institusionál
- Diresaun Asistensia Publika
- Diresaun Investigasaun
- Diresaun Fiskalizasaun no Rekomendasau
- Unidade Asisténsia Jurídika, Adminsitrativa no Peskiza
- Diresaun Jestaun Rekursu Humanu
- Diresaun Adminsitrasaun Finansas
- Delegasaun Teritoriál Baucau
- Delegasaun Teritoriál Maliana
- Delegasaun Teritoriál Same
- Delegasaun Teritoriál RAEOA

**TINAN PRODUSAUN:** Maiu 2025

**IMPRESAUN NO AKABAMENTU:** Sylvia Printing

**KUANTIDADE PRODUSAUN:** 150 exemplár

# LISTA KONTEÚDU

---

PREFÁSIU .....	i
LIA MAKLOKEN .....	iv
ABREVIASAUN .....	vi
FIXA TÉKNIKA.....	ix
LISTA KONTEÚDU .....	x
PROGRAMA / ATIVIDADE NO ORSAMENTU PDHJ 2024 .....	1
<b>Programa no Sub-Programa Sira .....</b>	<b>1</b>
Programa 157: Direitus humanus e Boa Governação .....	1
Programa 510: Funcionamento e Desenvolvimento Institucional.....	3
<b>Orsamentu no Atividade Sira .....</b>	<b>4</b>
OBSERVASAUN TEMÁTIKA .....	10
Progresu no Dezafiu sira iha Dezenvolvimentu Direitus humanus no Boa Governasaun iha Timor-Leste.....	10
Observasaun PDHJ ba Kuadru Jurídiku sira haree hosi Perspetiva Direitus humanus no Boa Governasaun.....	14
REZULTADU SIRA IHA 2024 .....	17
<b>2.1. Servisu Protesaun .....</b>	<b>17</b>
2.1.1. Jestaun Keixa .....	17
2.1.2. Mídiaisaun no Konsiliaisaun .....	19
2.1.3. Investigasaun .....	19
2.1.4. Haree Tuir Rekomendasau.....	22
<b>2.2. Servisu Promosaun .....</b>	<b>24</b>
2.3.4. Edukasaun, Divulgasaun no Kampaña .....	24
2.3.5. Formasaun ba Entidade Publiqua.....	26
2.3.6. Realizasaun Eventu Nasionál no Internasionál.....	28
2.3.7. Partisipasaun iha Eventu Nasionál .....	41
2.3.8. Partisipasaun iha Eventu Internasionál .....	42
2.3.9. Mídia no Publikasaun Informasaun .....	58
<b>2.4. Servisu Prevensaun .....</b>	<b>61</b>
2.4.1. Vizita Prizaun.....	61
2.4.2. Vizita Sela Detensaun.....	63

2.4.3. Vizita Sentru Protesaun Sosial.....	64
2.4.4. Vizita Hospital, Sentru Saude, Postu Saude no Instituto Farmásia 66	
2.4.5. Fiskalizasaun no/ka Monitorizasaun Urjente Sira .....	69
<b>2.5. Servisu Supervizaun Polítika Pública.....</b>	<b>76</b>
2.5.1. Labarik iha Krime .....	76
2.5.2. Levantamentu kona-ba Nível Koñesimentu no esperensia servidor Estadu kona-ba pratika prinsípiu governasaun diak .....	78
2.5.3. Levantamentu persepsaun público kona-ba ezistensia PDHJ...	80
2.5.4. Monitorizasaun ba Implementasaun Planu Asaun Nasional Ema ho Defisiensia .....	81
2.5.5. Fiskalizasaun Konstitusionaldade.....	82
<b>2.6. Servisu Dezenvolvimentu Institucionál .....</b>	<b>85</b>
2.6.1. Servisu Planeamentu no Orientasaun Estratégiku .....	85
2.6.2. Servisu Inspensaun Interna .....	86
2.6.3. Servisu Apoiu Jurídiku .....	86
2.6.4. Servisu Planeamentu, Monitorizasaun no Estatística .....	87
2.6.5. Servisu Jestaun Rekursu Humanus.....	100
2.6.6. Servisu Parseria no Kooperasaun Institucionál .....	104
SASATAN NO ALTERNATIVA SOLUSAUN SIRA .....	106
MAKTAKAN .....	108
ANEKSU LISTA FORSA TRABALLU PDHJ .....	109

# **PROGRAMA / ATIVIDADE NO ORSAMENTU PDHJ 2024**

---

Iha tinan 2024 PDHJ nia servisu sira haleno ba servisu estratéjiku mak hatur ona iha planu estratéjiku PDHJ nian ba periodu 2024 – 2028, ne'ebé konfirma estratéjia servisu lima mak hanesan servisu supervizaun políтика pública, promosaun, prevensaun, protesaun nomós servisu dezenvolvimentu Institusionál, ne'ebé agrupa iha programa rua mak programa direitus humanus no boa governasaun, nomós programa Funcionamentu no Dezenvolvimentu Institusionál, Sub-Programa no atividade 23 hanesan deskreve iha parte tuirmai:

## **Programa no Sub-Programa Sira**

---

### **Programa 157: Direitus humanus e Boa Governação**

---

Programa ne'e aliña ho objetivu dezenvolvimentu sustentavel N. 16 kona-ba Paz, Justisa no Instituisaun ne'ebé efikaz, ne'ebé foku ba promove sosiedade pasífiwu no inkluzivu ba dezenvolvimentu sustentável, fó asesu justisa ba ema hotu no harii instituisaun sira ne'ebé efetivu, responsivel no inkluzivu iha nível hotu-hotu.

Nune'e Governu Timor-Leste nia Planu Estratéjiku Dezenvolvimentu (PED) iha setór Enkuadramentu Institusionál define objetivu tempu naruk ida ne'ebé afirma, harii Timor-Leste nia sistema justisa no hasa'e ninia kapasidade hodi kumpre ninia knaar no funsaun sira, nomós hakbi'it setór público iha Timor-Leste sai krítiku liu hodi harii konfiansa iha governu, ne'ebé sai pre-rekizitu ba konstrusaun NASAUN.

Hosi objetivu global no nacionál mak sita iha leten, iha PDHJ nia planu estratéjiku 2024-2028 define rezultadu esperadu (mediu prazu ne'ebé sukat ho periodu planu estratéjiku nian) hosi programa ida ne'e mak, to'o 2028 nia Rohan:

- a) 5% kazu violasaun direitus humanus husi autoridade pública sira hetan redusaun;
- b) 5% kazu violasaun ba prinsípiu governasaun di'ak iha instituisaun pública sira hetan redusaun;
- c) 5% Satisfasaun público ho servisu no kuidadu aumenta
- d) 80% Komprensaun público kona-ba servisu PDHJ nian aumenta
- e) Desizaun atu inkorpora direitus humanus no governasaun di'ak iha materiál ensinu no aprendizajen formal Rekomendasau'
- f) 80% ba implementasaun tratadu no konvensaun internasionál iha Timor-Leste konklui
- g) 5% Krime kontra umanidade iha sosiedade tun/menus;

h) 5% Keixa (ko'alia sai) husi komunidade sira hasoru autoridade pública aumenta;

Hodi atinje rezultadu hirak ne'e, ita iha Sub-Programa 6 kompostu hosi:

#### **1.1. Sub-Programa 15701: Investigação dos Direitos Humanos e Boa Governação:**

Liu hosi servisu ida ne'e mak PDHJ kobre estratéjia protesaun nian ne'ebé iha relasaun ho rezolve kazu violasaun direitos humanos no boa governasaun liu hosi servisu simu, rejista no avalia keixa, investiga ka halo Mídiaun no konsiliaun ba kaju, nomós haree tuir rekomendasau sira.

#### **1.2. Sub-Programa 15703: Fiscalização e Monitorização**

Sub-Programa ida ne'e hatan ba estratéjia servisu prevensaun ba violasaun direitos humanos no boa governasaun, ne'ebé foku ba monitorizasaun no fiskalizasaun regular sira, nomós monitorizasaun no fiskalizasaun urjente sira tuir PDHJ nia âmbitu servisu atuasaun no protesaun.

#### **1.3. Sub-Programa 15704: Recursos Humanos afetos a Prestação de Serviços**

PDHJ hakarak diskrimina kustu vensimentu entre kargu político sira, servisu profisionál, programatiku nomós servisu operasional. Nune'e iha Sub-Programa ida ne'e mak jestau PDHJ orsamenta salariu no vensimentu ba kargu político, kontratu termu sertu sira, nomós funsionariu público no ajente administrativaun sira ne'ebé hala'o knar iha diresaun programátiku sira hanisan Gabinte Relasaun Públíku no Kooperasaun Institusionál, Diresaun Fiskalizasaun no Rekomendasau, Diresaun Promosaun, Diresaun Investigasaun, Diresaun Asistensia Públíka, no Delegasaun Teritorial Baucau, Same, Maliana no RAEOA.

#### **1.3. Sub-Programa 15705: Estudos e Serviços Promoção**

Sub-Programa ida ne'e nu'udar operasionalizasaun hosi estratéjia promosaun direitos humanos no boa governasaun, ne'ebé kobre siervisu sira kona-ba formasaun, diálogo, seminariu, diskusaun, debate, nomós publikasaun inforsmasaun.

#### **1.4. Sub-Programa 15706: Supervisão e fiscalização do cumprimento CRDTL e tratados internacionais**

Konstituisaun RDTL artigu 150º no 151º fó mós knar ba PDHJ hodi halo fiskalzisaun abratau ba lei inan, nomós hato'o ba Tribunál Supremo Justisa nian atu verifika medida lejislativu ne'ebé latuir Lei-Inan nune'e bele konkretiza loloos norma sira Lei-Inan nian.

Servisu ida ne'e PDHJ tau hamutuk nu'udar parte ida hosi servisu supervizaun ba política pública, oinsa asegura lejislasaun sira hotu promove boa governasaun, nomós esensilamente sensivel ba direitos humanos.

### **1.5. Sub-Programa 15707: Promover administração eficiente**

Purtantu, Sub-Programa ida ne'e nu'udar parte hosi estratégia servisu supervizaun política pública nian, ne'ebé foku ba estudu no advokasia. Subprograma ida ne'e abranje servisu estudu ka peskia nian nakait ho asuntu tematiku sira ne'ebé iha ligasaun ho direitus humanus no boa governasaun.

### **1.6. Sub-Programa 15708: Promover Diálogo e Participação no Fórum Nacional e InterNacional**

Enkuantu, Sub-Programa ida ne'e mós nu'udar parte ida hosi estratégia promosaun nian, ne'ebé Sub-Programa foku liu ba realiza eventu nacionál no internasional, nomós partisipa iha eventu rai laran nomós rai liur sira.

## **Programa 510: Funcionamento e Desenvolvimento Institucional**

---

Programa ida ne'e mós hatabik tuir objetivu dezenvolvimentu sustentável N. 16, no setór enkuadramentu Institucional hosi PED. Enkuantu, program aida ne'e mós nu'udar estratégia servisu dalima kona-ba hakbiit kapasidade Institucional PDJK.

PDHJ konfirma rezultadu esperadu hosi programa ida ne'e mak PDHJ nia kapasidade Institucional forte no implementa príncípiu boa governasaun, sukat ho:

- a) 100% PDHJ laiha fraude no má administrasaun mak material;
- b) 90% ezekusaun orsamentu no meta PDHJ atinje tuir planu;
- c) Kuantidade no kualidade rekursu humanu PDHJ ne'ebé suficiente hodi hala'o programa no atividade sira mak planea ona tuir mandatu no/ka kompeténsia mak iha;
- d) Material, ekipamentu no/ka facilidade servisu mak suficiente hodi hatan ba PDHJ nia servisu;
- e) Sistema, enkudaramentu no/ka prosedimentu servisu mak appropriadu hodi ordena no kontrola PDHJ nia servisu, no/ka funzionamentu institucional.

Nune'e, hodi realiza rezultadu esperadu hirak ne'e, jestaun PDHJ operasional sira sira iha Sub-Programa tolu, mak hanesan:

### **2.1. Sub-Programa 51001: Funcionamento Institucional**

Sub-Programa ida ne'eobre asuntu planeamentu, dezenvolvimentu estratégiku no orientasaun política, nomós Inspesaun, fiskalizasaun no auditoria.

### **2.2. Sub-Programa 51002: Desenvolvimento Institucional**

Enkuantu, Sub-Programa ida ne'eobre servisu jestaun finanseira, administrasaun no lojística, planeamentu, monitorizasaun no estatística,


jestaurekur Humanus, nomós formaun no kapasitasaun rekursu humanu nian.

### 2.3. Sub-Programa 51003: Parcerias

Sub-Programa ida ne'e aborda servisu sira hodi estabelese aprosimasaun sektoral hodi koordena implementasaun planu atividade sira iha PDHJ ho eficiente no efikaz liu. Nune'e lius hosi subprogram aida ne'e PDHJ dezenvolve no organiza servisu parceria no koperasaun hodi tulun implementa PDHJ nia programa no atividade sira hodi atinje no/ka realiza indikador no meta sira mak define ona iha PDHJ nia planu estratéjiku.

### Orsamentu no Atividade Sira

Iha tinan 2024, PDHJ hetan orsamentu hamutuk **US\$ 2,061.391,00 (Dollares Amerikanu Milaun Rua, Rihun Neen-Nulu-Resin-Ida, Atus Tolu, Sia – Nulu – Resin - Ida)** ne'ebé klasifika ba kategoria orsamentu tolu, hanesan ilustra iha gráfiku tuirmai:



Orsamentu ne'e aloka hodi finansia atividade 23 nune'e bele realiza indikador dezempeñu no meta sira mak define ona iha atividade idaidak hanesan deskreve iha tabela tuimai:

#	Atividade	Indikadór Dezempeñu	Kustu Anuál	Diresaun Implementador
1.	Atividade 1570102: Gestão de casos e queixas [I: Indireta]	a) 85% Quiexas registados processados; b) 1 Revisão de Manuál gestão de queixas e investigação concluido	\$ 18,680	DAP, DTB, DTM, DTS, DT-RAEOA
2.	Atividade 1570103: Investigação e proteção [: Alargado]	100% Casos investigados	\$29,680	DI, DTB, DTM, DTS, DT -RAEOA
3.	Atividade 1570104: Mídiação de queixas e casos específicos [I: Indireta]	100% dos casos resolvidos	\$4.400	DAP
4.	Atividade 1570105: Acompanhamento e avaliação da implementação da recomendação [: Indireta]	100% Monitorização de recomendação realizados	\$8.800	DAP
5.	Atividade 1570303: Monitoramento, análise, recomendação e acompanhamento [: Indireta]	a)26 Celas de detenção fiscalizados regularmente b)3 Prisão fiscalizados regularmente c)3 Centro de proteção sociál fiscalizado regularmente d)8 Hospital e centro de saúde fiscalizado regularmente	\$47.880	DFR, DTB, DTM, DTS, DT-RAEOA

## Relatório Anual

PDHJ 2024

#	Atividade	Indikadór Dezempeñu	Kustu Anuál	Diresaun Implementador
6.	Atividade 1570304: Outra resposta de monitoramento (urgente) [I: Indireta]	100% Eventos urgente fiscalizados	\$3.220	DFR
7.	Atividade 1570401: Gestao de Recursos Humanos afetos a prestacao de servicos [I: Indireta]	100% de pagamento de salários e vencimentos no prazo	\$914.480	DJRH
8.	Atividade 1570501: Educação, Divulgação e Campanhas [I: Indireta]	<ul style="list-style-type: none"> <li>a) 500 Membros comunidades participados na sensibilização sobre direitos humanos, boa governação e papel do PDHJ</li> <li>b) 800 Estudantes participados na sensibilização sobre direitos humanos, boa governação e papel do PDHJ;</li> <li>c) 25 Lideres Artimarciais participados na sensibilização sobre direitos humanos, boa governação e papel do PDHJ</li> <li>d) 200 Mulheres, Crianças, Pessoas deficientes, LGBTIQ+ mak participados na sensibilização sobre direitos humanos, boa governação e papel do PDHJ</li> <li>e) 1 Rede de promoção de direitos digitais em Timor-Leste estabelecidos</li> <li>f) 2 Materiais informativos e educativos produzidos e publicados</li> <li>g) 3 Eventos nacionais e internacionais realizados</li> </ul>	\$72,372	DP, DTB, DTM, DTS, DT-RAEOA

#	Atividade	Indikadór Dezempeñu	Kustu Anuál	Diresaun Implementador
9.	Atividade 1570502: Advocacia, Estudo e Pesquisa [I: Indireta]	<ul style="list-style-type: none"> <li>a) 1 Resultados pesquisas temáticos de direitos humanos produzidos e publicados</li> <li>b) 2 Resultado do pesquisa/ Levantamento de percepção públicos sobre serviços do PDHJ produzidos e publicados,</li> <li>c) 1 Recomendação dirigidos aos poderes públicos relativa com reabilitação de crianças nos crimes, submetidos e apreciados</li> </ul>	\$240	UAJAP
10.	Atividade 1570503: Média e Publicação [I: Indireta]	<ul style="list-style-type: none"> <li>a) 2,000 Públicos acesso a informação no plataforma digital do PDHJ aumentado</li> <li>b) 1,200 Informações publicados na página do facebook PDHJ</li> <li>c) 480 Informações publicados no site do PDHJ</li> <li>d) 4 Talk show realizado e publicado</li> </ul>	\$9.800	RPCI
11.	Atividade 1570504: Formasaun ba entidades Pública [I: Indireta]	<ul style="list-style-type: none"> <li>a) 100 Membros FALINTIL-FDTL tem conhecimentos sobre direitos humanos, boa governação e papel do PDHJ;</li> <li>b) 100 Membros PNTL tem conhecimentos sobre direitos humanos, boa governação e papel do PDHJ</li> <li>c) 25 Guarda Prisional tem conhecimentos sobre direitos humanos, boa governação e papel do PDHJ</li> <li>d) 125 Lideres comunitarias tem conhecimentos sobre direitos humanos, boa governação e papel do PDHJ</li> <li>e) 400 Funcionarios públicos tem conhecimentos sobre direitos humanos, boa governação e papel do PDHJ</li> </ul>	\$26.210	DP

#	Atividade	Indikadór Dezempeñu	Kustu Anuál	Diresaun Implementador
		f) 142 Membros dos Parlamentu Foinsa'e tem conhecimentos sobre direitos humanos, boa governação e papel do PDHJ		
12.	Atividade 1570601: Fiscalização da constitucionalidade [: Indireta]	a) 4 Petição de verificação inconstitucionalidade por omissão para Tribunal de Recursos apreciados; b) 6 Petição de fiscalização constitucionalidade apreciados	\$240	UAJAP
13.	Atividade 1570701: Monitorização de implementação do programa e política do Governo [: Indireta]	1 Resultados Levantamento do boa governação produzidos e publicados	\$15.000	UAJAP
14.	Atividade 1570801: Diálogo e participação no evento Nacional [: Indireta]	24 Eventos nacionais participados	\$42.240	RPCI
15.	Atividade 1570802: Diálogo e participação no fórum interNacional [: Indireta]	7 Eventos internacionais participados	\$96.128	RPCI
16.	Atividade 5100108: Planeamento, desenvolvimento estratégico e orientação política [: Alargado]	16 Deliberação ou minutas produzidos através dos reuniões dos conselhos consultivo e direitivos, e reuniões gerais	\$12.300	RPCI
17.	Atividade 5100109: Inspeção, fiscalização e auditoria [: Indireta]	2 atividade auditoria realizados e resultados apreciados	\$10.400	GI

#	Atividade	Indikadór Dezempeñu	Kustu Anuál	Diresaun Implementador
18.	Atividade 5100202: Gestão Financeira, Administração e Logística [: Indireta]	a) 90% Orçamento do PDHJ executado efetivo, eficiente e resposaveis b) Relatório financeiro produzidos e submetidos aos entidades competentes	\$65.109	DAF
19.	Atividade 5100205: Planeamento, monitorização e estatísticas [: Indireta]	90% Programas / atividades implementam de acordo com os planos e antigir os objetivos com forma efetivos	\$18.080	GSE
20.	Atividade 5100206: Gestão de recursos humanos [: Indireta]	a) 6 Funcionários qualificados do PDHJ suficientes em território Nacional b) 100% Avaliação do desempenho e gestão contratos dos funcionários concluidos	\$409.833	DJRH
21.	Atividade 5100207: Formação e capacitação de recursos humanos [: Indireta]	3% - 5% Funcionários do PDHJ participaram na formação apropriada na melhora de prestação serviços	\$5.700	DJRH
22.	Atividade 5100211: Aprovisionamento e gestão de contratos [: Indireta]	100% qualidade e quantidade de bens e serviços de acordo com o tempo e especificação	\$249.849	DAF
23.	Atividade 5100301: Cooperação e parcerias [: Alargado]	2 Parceiros locais, nacionais, e internacionais estabelecidos e desenvolvidos	\$750	RPCI
<b>Total Orçamento</b>			<b>\$2,061.391</b>	

## OBSERVAUN TEMÁTIKA



**“**

Ita la kontra programa  
governu atu halo  
**ordenamentu** ba Kapitál Dili  
hodi sai sidade ida ne’ebé  
**dignu**, maibé labele haluha  
katak **sidade ida nia**  
**dignidade depende ba nia**  
**sidadaun sira nia dignidade.**  
Kapitál Dili bele nakonu ho otél  
boboot ho turista barak,  
maibé sei **la vale buat ida**  
**bainhira ita trata sidadaun Dili**  
**lahó dignu.**

Virgilio Guterres 'Lamukan'  
Provedor de Direitos Humanos e Justiça

### Progresu no Dezafiu sira iha Dezenvolvimentu Direitus humanus no Boa Governasaun iha Timor-Leste

Repúblika Demokrátika Timor-Leste habadak ba RDTL defini-an no hetan rekoñesimentu internasional nu’udar estadu direitu demokratiku iha tinan 2002. Dalan naruk ba hametin demokrasia, nomós hamentin kapasidade Institucionál hodi servi no proteje nia emar sira.

Nu’udar estadu foun, Timor-Leste hatudu ona progresu ne’ebé notavel, maibé kestaun estrutural nomós kapasidade operasional iha governasaun nafatin nu’udar sasatan boot iha dalan ba dezenvolvimentu no/ka prosesu lori povu ba prosperu.

Iha parte ida ne’e, ami hakarak apresenta analiza no/ka observasaun badak kona-ba realizasaun no dezafiu sira direitus humanus no governasaun di’ak nian ne’ebé nu’udar komponente importante iha konstrusaun sosiedade ne’ebé solidariu, justu no dame.

Timor-Leste iha kompromisu boot ba proteje direitus humanus, hatuur kellas iha Konstituisaun ne'ebé promove no proteje direitus humanus. Mandatu ne'e, ativamente Provedór de Direitus humanus e Justiça (PDHJ) hamutuk ho entidade estatal no sivil asegura liu hosi servisu supervizaun política publiqua, promosaun, prevensaun, nomós servisu protesaun.

Konsistentemente Timor-Leste hatudu kompromisu maka'as ba protesaun no promosaun direitus humanus, tantu iha nivel nacionál no internacionál. Manifestasaun konkreta ida hosi kompromisu ida-ne'e mak ratifikasioun ba konvensaun no tratadu internacionál prinsipál lubuk ida ne'ebé forma baze hosi sistema globál direitus humanus nian.

To'o agora, Konvensaun Internacionál kona-ba Direitus humanus sia (9) ne'ebé Nasoens Unidade adota, ualu (8) mak Timor-Leste ratifika ona, mak hanesan: Konvensaun internacionál kona-ba eliminasaun forma oi-oin husi diskrimisaun bazeia ba rasa (ICERD), Konvesaun Internacionál kona-ba direitu sivil no política (ICCPR), Konvesaun internacionál kona-ba direitu ekonomia, social no cultura (ICESCR), Konvensaun ba eliminasaun forma oi-oin husi diskriminasaun hasoru feto (CEDAW), Konvensaun direitu ba labarik (CRC), Konvensaun hasoru tortura no tratamentus sira (CAT), Konvensaun internacionál kona-ba protesaun direitu ba servisu imigrasaun no sira nia membru família no Konvensaun kona-ba Direitu Ema ho Defisiënsia (CRPD).

Timor-Leste mós ratifika ona protokolu opsonál oioin, inklui protokolu sira ne'ebé permite sidadaun sira atu hato'o keixa kona-ba violasaun direitus humanus ba órgaun sira ONU nian, hanesan Protokolu Opsonál sira ba ICCPR no CRPD. Ida-ne'e hatudu nasau nia abertura ba eskrutíniu internacionál no fornese asesu boot liu ba nia sidadaun sira hodi buka justisa ba violasaun direitus humanus.

Instrumentu sira-ne'e kobre aspetu fundamentál lubuk ida kona-ba direitus humanus, hahú hosi direitu sivil no político, direitu ekonómiku, sosiál no kulturál, to'o protesaun ba grupu vulnerável sira hanesan feto, labarik, ema ho defisiënsia, traballadór migrante no grupu minoria rasiál sira, ne'e nu'udar pasu signifikativu ida iha sistema legál no sosiál iha rai laran.

Konfirma katak, política no/ka programa barak ne'ebé promove igualdade no inkluzaun iha servisu baziku sira espesifikamente edukasaun inkruzivu, saude nomós apoiu ka seguransa sosial nian, hanesan habelar rede servisu saúde primária ba área remotas liu-hosi programa Servisu Integrado Saude Komunitaria (SISKA), ne'ebé kuaze liu 66% hosi populaun Timor-Leste mak asesu ba servisu kuidadu saúde primáriu.

Taxa matrícula iha eskola primária besik atinje 91%, no programa inkluzaun edukacionál ba ema ho defisiënsia sira hala'o daudaun iha munisípiu balu. Nomós servisu rejstu sivil hahu ona iha nível suku no aldeia hodi facilita komunidade asesu ba dokumentu identidade baziku (sertidaun moris, nomós billete identidade).

Entretantu, Povu Timor-Leste nia konfiansa ba prosesu demokrátiku ass tebes, indika ho eleisaun prezidensial no parlamentar ne'ebé la'o ho dame nomós partisipasaun aas. Governu hahu ona promove diálogu ho komunidade sira hodi envolve komunidade iha prosesu dezenvolvimentu nian maske ladauk masimu no/ka hala'o iha teritoriu nacionál tomak.

Abstante hosi progresu sira mak temi iha leten, Timor-Leste hasoru sasatan barak iha kontestu protesaun no promosaun direitus humanus nomós governasaun diak.

Instrumentu direitus humanus prinsipál ida ne'ebé Timor-Leste seidauk ratifika mak Konvensaun Internasional ba Protesaun Ema Lakon "desaparecimento" forsadu (CPED), nomós protokolu opsional relasiona ho tortura nian ne'ebé parlamentu seidauk ratifika.

Purtantu, importante tebes ba Timor-Leste atu ratifika konvensaun no protokolu refere hanesan forma respeitu ba Timor-Leste nia esperiénsia istórika, hametin protesaun legál hasoru prática dezaparesimentu forsadu, no garante katak direitu vítima no sira-nia família hetan rekoñesimentu no restaurasaun, nune'e mós kombate torturasaun no/ka tratamento laumana sira iha ita nia rai. Etapa ida-ne'e sei reforsa mós Timor-Leste nia kompromisu ba padraun direitus humanus internasional sira, komplementa ratifikasiacaun ba instrumentu sentral direitus humanus sira seluk, no hametin NASAUN nia kredibilidade hodi promove justisa, lia-loos no naun-repetisaun iha futuru.

Alein-de aspeitu legal, infraestrutura ladauk adekuadu no responsivu ne'ebé prejudika asesibilidade iha aspeitu sosial, ekonomia no/ka kultural.

Membru komunidade sira liliu feto, Ema ho Defisiente (EhD) no komunidade LGBTIQ+ hasoru nafatin diskriminasaun, estigma iha sosiedade inklui iha familia, nomós limitasaun asesu ba servisu. Tinan hira ikus ne'e PDHJ simu no rejista kazu violénsia psikososiál hasoru komunidade LGBTIQ+.

Menus rekursu humanu, PDHJ observa kestaun ne'e iha relasaun ho falla iha jestaun ba rekursu humanu. Polítika no/ka programa sira dala barak sai deit retorika no/ka dokumentu ne'ebé furak bainhira ita rona no lee, maibé implementasaun latuir no prejudika ema nia direitu.

Iha sorin seluk, kauza hosi rekursu sira sentralizadu, política no programa sira labele implementa hanesan 'igual' liliu iha area sira ne'ebé la'os kapital ka urbana.

PNTL no F-FDTL ne'ebé hola papel nu'udar protetor no promotor direitus humanus, maske PDHJ hamutuk ho entidade relevante sira fasilita bebeik ona formasaun kona-ba direitus humanus, maibé sira nia atuasaun dala barak nafatin kontra direitus humanus. PDHJ rejista kazu violasaun direitus humanus, barak liu komete hosi PNTL relasiona ho violasaun ba direitu integridade no seguransa.

Komunidade nafatin la hatan tratamento ne'ebé justu hosi entidade públiku, nomós dala barak susar no kleur tebes atu hetan justisa ba sira nia problema.

Evikasaun ka despeju administrativu nomós dezlokasaun forsadu ba komunidade sira ne'ebé akontese iha area urbana sira, observa no nota katak, estadu la halo konsultasaun, fo tempu no/ka prepara fatin adekuadu, nomós kompensasaun nune'e sira bele preparadu no iha kbiit hodi kontinua hatutan sira nia moris, maibé muda no/ka hasai obrigatoriu deit, ne'ebé prejudika sidadaun afetadu sira nia atividade sosial no ekonomia, efeitu violasaun ba direitus humanus.

Iha aspeitu dezenvolvimentu Institusionál nian, maske iha Transparénsia Internasional, tinan lima ikus ne'e hatudu Timor-Leste nia indise persepsaun korupsaun iha mudansa diak, maibé Timor-Leste sei nafatin iha eradikasaun korupsaun.

Kombate korupsaun la'os deit kona-ba implementasaun lei anti-korruptsaun ne'ebé rigorozu liu no estabelesimentu Komisaun Anti-Korruptsaun (CAC), maibé presiza haree mós kona-ba lei inklui regra sira kona-ba na'in ba rikusoin ne'ebé la justifikavel, regulamentu no kódigu étika ba setór públiku no setór privadu, nomós protesaun ba sasin no denunsianta sira ba kazu korruptsaun.

Iha tempu hanesan, Timor-Leste mós presiza hakbiit kapasidade instituisaun nian hodi bele funsiona ho efetivu liutan. Tanba transparénsia no responsabilizasaun iha servisu públiku nu'udar fundamentu iha kombate korupsaun, ne'e presiza influencia política no implementasaun legal mak sensivel ba direitus humanus no governasaun diak.

Servisu fiskalizasaun no/ka kontrolu interna iha entidade publika sira ladauk efetivu, liliu servisu inspesaun no auditoria interna, ne'ebé ladauk hala'a funsaun ho diak, relasiona ho avaliaun estratégiku sira kona-ba efikásia governasaun, jestau risku, no efetividade kona-ba implementasaun sistema kontrolu internu sira. Halo ezame tékniku no administrativu sira hodi asegura kumprimentu ba padraun no prosedimentu operasional, nomós regulamentu, nune'e asegura no harii responsabilizasaun, integridade, no efisiénsia iha implementasaun programa no utilizasaun rekursu.

Hosi asepeitu hirak ne'e hotu, konfirma katak, atu promove no proteje direitus humanus, presiza fortalese administraun publika ne'ebé banati ba prinsípiu sira governasaun diak nian. Tanba boa governasaun mak pré-rekizitu sira ba protesaun no promosaun direitus humanus, enkuantu bainhira direitu povu protejido sei hametin lejitimidade governasaun nian.

Purtantu, bainhria violasaun ba direitus humanus sei akontese, laiha governasaun ne'ebé inkluzivu no justu. Tanba ne'e, presiza política publika ne'ebé integra direitus humanus nu'udar xave mak sei realiza dezenvolvimentu sustentável iha Timor-Leste.

Povu Timor-Leste presiza dezenvolvimentu ne'ebé igual, hosi sidade to'o remotas. Nune'e presiza hametin no/ka hadiak jestau rekursus Humanus,

hametin mekanizmu responsabilizaun, inklui enkordaja transparénsia orsamentu estadu no auditoria abranjente ba instituisaun estadu nian.

Hakbiit grupu vulneravel sira, liu-hosi asegura protesaun legál no asesu hanesan ba servisu públiku sira. Integrasaun abordajen direitus humanus iha política pública, ho envolvimentu ativu sosiedade sivil no monitorizasaun independente. Promove diálogo entre parte interesada sira hodi kria estabilidade política ne'ebé inkluzivu no respeitu ba diversidade.

Timor-Leste hetan realizasaun signifikativu iha reforsu direitus humanus no governasaun di'ak. Maibé, dezafiu sira iha forma kapasidade institucionál, diskriminasaun sosiál, no korrupsaun presiza nafatin atu hetan resposta ho reforma política no aumenta partisipasaun komunidade nian.

Ami fiar no dejeda, analiza no perspetiva ida ne'e apresenta no/ka rekomenda sinerjia ne'ebé forte liu entre instituisaun direitus humanus no instituisaun governasaun hodi promove transformasaun sistémiku ne'ebé sustentável no ekuitativu. Hirak ne'e deit mak ita bele harii Timor-Leste ida ne'ebé respeita no proteje direitus humanus, nomós servisu públiku mak justu no efetivu. \*\*\*

### **Observasaun PDHJ ba Kuadru Jurídiku sira haree hosi Perspetiva Direitus humanus no Boa Governasaun**

Estadu Direitu nu'udar pilár fundamental ida ba lala'ok sira iha rai hirak ne'ebé implementa sistema demokrátiku. Sidadaun sira hili sira-nia reprezentante iha Parlamentu Nasionál no hosi Parlamentu ne'e mak Governu moris. Ukun-nain sira hala'o podér ne'ebé mak lei fó no lei rasik mós mak limita ezersísiu podér ne'e, atu nune'e labele mosu arbitrariedade. Labele iha podér ida ne'ebé mak laiha limite.

Iha Timor-Leste ejiste orgaun rua ne'ebé mak kria lei sira. Orgaun kriadór lei sira ne'e mak Parlamentu Nasionál no Governu. Norma jurídika sira ne'ebé mak orgaun lejizlativu sira ne'e hamosu, tenke respeita norma selseluk ne'ebé aas liu, tur ierarkia lei nian no hakruk mós ba prinsípiu jurídiku sira ne'ebé vigora iha ita-nia ordenamento jurídiku.

Bainhira norma jurídika ruma ne'ebé ninia nível ki'ik viola norma ka viola prinsípiu jurídiku ruma ne'ebé ninia nível aas liu, ne'e ita hanaran ilegalidade (karik mosu violasaun ba norma legál ne'ebé aas liu) ka inkonstitucionalidade (karik mosu violasaun ba norma konstitucionál).

Artigu 27 Konstituisaun, konjuga ho artigu 150 no artigu 151 Konstituisaun, liga mós ho Lei número 7/2004, Ioron 26 fulan-maiu, alteradu ona ho Lei número 8/2009, Ioron 15 fulan-jullu, fó kbiit ba Provedór Direitus humanus no Justisa atu halo knaar iha área haat: protesaun no promosaun direitus humanus, promosaun governasaun di'ak, reparasaun injustisa no salvaguarda. Estadu Direitu liu-hosi kontrolu legalidade no konstitucionalidade ba "atos" sira autoridade públika nian, ne'ebé inklui atos normativos, legislativos, regulamentares no administrativos.

Atos ruma ne'ebé mak autoridade pública halo, bele legál maibé kontra aspetu balu direitus humanus nian no kontra mós prinsípiu governasaun di'ak nian ruma. Bele iha mós lei ne'ebé mak la justu iha aspetu moris sosiál nian ka mosu prejuízo ruma ba sidadaun sira nu'udar konsekuénsia hosi aplikasaun lei. Kuadru jurídiku Timor-Leste nian fó kbiit ba Provedór Direitus humanus no Justisa atu haree ba situasaun sira nune'e, foti medida ne'ebé nesesáriu hodi defende no proteje sidadaun sira hasoru autoridade pública.

Orgaun lejizlativu sira bainhira atu foti iniciativa lejizlativa ruma, labele foka atensaun ba de'it kestaun restrita legalidade (pensamento legalista iha prosesu lejizlativu). Ne'e katak fiar liu ba karakter koersivu lei ne'e rasik ne'ebé impoin ninia kumprimentu ba ema hothotu no ignora tetu aspetu selseluk ne'ebé bele fó implikasaun negativa ruma ba standard/padraun sira ne'ebé mak rai sivilizadu sira kaer metin ona nu'udar sasukat ba atuasaun, funzionamentu ka organizasaun autoridade pública nian, iha sira-nia relacionamentu ho sidadaun sira.

Direitus humanus laiha fronteira! Tanba laiha fronteira ne'e mak akontesimentu violasaun direitus humanus iha rai ruma, ema iha rai seluk mós hato'o preokupasaun tanba direitus humanus ne'e vale universalmente. Iha rai sira ne'ebé ki'ak, sidadaun sira-nia vulnerabilidade ba violasaun direitus humanus barak liu. Tan ne'e, entidade sira ne'ebé haknaar-an ba protesaun no promosaun direitus humanus tenke preparadu hasoru dezafiu sira ne'ebé koloka direitus humanus iha risku nia laran. Timor-Leste ratifika ona instrumentu Direitu internasional oioin (Konvensaun, Tratadu no Paktu) iha área direitus humanus nian.

Tuir ita-nia sistema jurídiku, lei oan tenke hakruk ba instrumentu sira Direitu internasional nian ne'ebé mak ratifikadu ona. Tan ne'e, karik iha lei oan ruma ne'ebé mak la respeita prinsípiu balu direitus humanus nian, lei oan ne'e labele iha validade iha ita-nia rai tanba kontráriu ho norma Direitu internasional nian. Ita bele foti nu'udar exemplu ida ne'ebé relevante mak kestaun despeju administrativu sira ne'ebé mak Governu halo ona durante ne'e. Governu iha devér prepara kondisoin adekuadu ba sidadaun sira ne'ebé mak lakon sira-nia hela-fatin tanba despeju ne'ebé mak Governu implementa ne'e. Paktu Internasional Direitus Ekonómico, Sosiál no Kultural afirma katak ema hotu iha direitu ba hela-fatin ne'ebé adekuadu. Afirmasaun ne'e obriga Governu atu prepara kondisaun molok sobu sidadaun sira-nia hela-fatin.

Timor-Leste labele sai de'it kampiaun ba kuantidade ratifikasiun ba instrumentu Direitu internasional sira. Importante tebes halo esforsu atu kumpre duni obrigasaun hirak ne'ebé mak temi iha instrumentu Direitu internasional sira ne'ebé mak ratifika ona. Halo ratifikasiun signifika katak komprometidu duni atu halo-tuir obrigasaun sira Direitu internasional nian iha Direitu rai laran nian.

Prinsípiu sira balu governasaun di'ak nian, hanesan: transparénsia, responsabilizaun (accountability iha inglés) no partisipasaun bele

kontribui maka'as tebes ba redusaun korrupsaun. Tan ne'e, bainhira ita asegura katak iha Administraun Pública ita aplika prinsípiu sira governasaun di'ak nian, prestasaun serbisu públiku ba sidadaun sira sei di'ak liután no bele mós prevene komportamentu oioin ne'ebé mak bele hamosu krimé sira iha ezersísiu knaar públiku. Satisfasaun ba atendimento serbisu públiku nian bele sukat mós liu-hosi to'o iha ne'ebé mak entidade pública sira implementa prinsípiu sira governasaun di'ak nian.

Provedória Direitus humanus no Justisa (sigla iha lian-portugés: PDHJ) mosu atu fó apoio tékniku administrativu ba Provedór Direitus humanus no Justisa hodi tau matan ba sidadaun sira hasoru titular podér públiku sira ninia asaun ka omisaun, bainhira hala'o sira-nia knaar.

PDHJ tenke haree ba aspetu oioin bainhira hala'o ninia knaar. Iha Timor-Leste daudaun ne'e, kriasaun lei sira la tau konsiderasaun boot ba prinsípiu konstitusionál ne'ebé ejize atu fahe rekursu nasional ho forma justa. Klase ne'ebé mak privilejiadu liu iha estrutura Estadu nian hetan priviléjiu sira liu-hosi lei ne'ebé mak klase elite sira mak aprova. Ida-ne'e tau sidadaun baibain sira iha situasaun frájil tanba la konsege hetan kondisaun adekuadu atu hetan benefísiu ne'ebé mak sidadaun sira merese duni atu hetan, tanba ne'e direitu ne'ebé mak previstu iha kuadru jurídiku laran.

Entre prinsípiu sira governasaun di'ak nian, prinsípiu igualdade mós iha knaar importante tebes tanba liu-hosi igualdade mak obriga atu ema labele hola parte iha grupu ruma hodi favorese grupu ne'e ka prejudika fali grupu seluk iha aspetu balu.

Funzionamento Administraun Pública iha Timor-Leste ne'e sei influensiadu hosi sentimento pertensa ba grupu partidáriu. Partidu ne'ebé kaer ukun ninia ema mak okupa kargu importante sira iha Administraun Pública. Ida-ne'e akontese, liu-liu iha momentu Governu ida tun no Governu seluk sa'e fali, atu kaer ukun. Oras ne'e apartidarizmu la'ós fatór ida ne'ebé favoritu ba ema oioin atu aplika, bainhira mosu substituisaun Governu.

PDHJ konfirma katak, Timor-Leste tenke ba oin labele sai deit slogan iha elite política sira nia ibun, maibé presiza operasionaliza iha política no asaun sira. Purtantu, política hirak ne'e tenke sensivel ba direitus humanus, no asaun hirak ne'e hotu tenke banati ba prinsípiu governasaun diak. Nune'e, reforma justisa nu'udar prioridade governu nian, PDHJ husu atu halo mós avaliaun ba kuadru jurídiku sira hotu ne'ebé dala ruma eh dala barak entidade sira nia asaun kontra direitus humanus no governasaun diak, nomós hamosu kuadru jurídiku sira ne'ebé ladauk iha maibé importante hodi asegura no/ka proteje direitu no liberdade fundamental sidadaun nian ne'ebé define ona iha Konstituisaun. \*\*\*


## REZULTADU SIRA IHA 2024

### 2.1. Servisu Protesaun


Servisu protesaun nu'udar estratéjia ida iha PDHJ hodi haburas justisa nomós asegura protesaun no promosaun ba direitus humanus. Jestaun PDHJ operasionaliza estratéjia ne'e ho asaun sira mak simu, rejista no avalia keixa sira, Mídiasaun no konsiliasaun, investigasaun nomós haree tuir rekomendasau sira ne'ebé produz hosi investigasaun no/ka fiskalizasaun. Nune'e, iha parte ida ne'e, jestaun PDHJ hakarak apresenta ba ita kona-ba asaun no rezultadu sira ne'ebé PDHJ hala'o no atinje ona iha tinan 2024.

#### 2.1.1. Jestaun Keixa

Durante tinan 2024 entre janeiru to'o dezembru servisu atendimento público PDHJ simu no rejista ona keixa hamutuk 192, hosi membru komunidade Mane 122 no Feto 67, enkuantu keixa tolu hosi ema Anonimu, ne'ebé ema nain 131 apresenta direta, nain 57 mak apresenta liu hosi karta, nomós nain 4 apresenta liu hosi plataforma Whatsapp ba iha instalasaun PDHJ nian iha teritóriu nasional hanesan ilustra iha grafiku tuimai:




Keixa hirak ne'e rejista ona iha sistema élétronika jestaun keixa nian (E-CSM sigla Ingléz), ho nia klasifikasiun hanesan ilustra iha grafiku tuimai:




Grafiku iha leten, hatudu numeru keixa entre tinan 2023 no 2024 aumenta, enkuantu keixa kona-ba aktu kontra prinsípiu Boa Governasaun sai nafatin aktu violasaun ne'ebé bo'ot liu iha Timor-Leste.

Hafoin rejista keixa hirak ne'e, servisu atendimento público PDHJ hamutuk ho servisu investigasaun PDHJ halo ona avaliasaun no apresenta keixa 179 iha Komitee Jestaun Keixa, no ikus mai deside mekanizmu sira hodi prosesa kazu hirak ne'e hanesan ilustra iha grafiku tuirmai:



Nune'e, servisu asisténsia pública PDHJ distribui ona notifikasi saun dahuluk no daruak ba kesar na'in sira hodi hatene tuir progresu keixa nian, nu'udar apresenta iha grafiku anterior. Progresu distribuisaun notifikasi saun hanesan ilustra iha grafiku tuirmai:



Alein-de distribui notifikasi saun ba kesar na'in sira, PDHJ mós produz no distribui notisia krime hamutuk 13 ba Ministeriu Públíku Dili (6), Baucau (4), Bobonaro (1), Viqueque (1), no RAEOA (1). Produz no distribui mós karta 32 kompostu hosi karta loke refere 9 no karta taka haruka 23.

### 2.1.2. MídiaSaun no KonsiliaSaun

Iha tinan 2024, servisu asistensia pública PDHJ loke MídiaSaun no konsiliaSaun ba kazu 11, ne'ebé kazu rua rejistadu iha tinan 2022, kazu tolu rejistadu iha tinan 2023, no kazu neen ne'ebé rejista iha tinan 2024. Progresu hosi kazu hirak ne'e hanesan ilustra iha grafiku tuirmai:




Kazu neen ne'ebé rejista iha tinan 2024, tolu rejolvidu, ida tama ona iha prosesu pre-MídiaSaun no rua ladauk prosesa. Enkuantu, kazu tolu ne'ebé rejista iha 2023, ida rezolvidu, rua taka arkivu inklui kazu rua ne'ebé rejista iha tinan 2022.

Purtantu, hosi kazu haat ne'ebé rezolvidu, akordu sira ba kazu tolu nian mak implementa ona, enkuantu kazu ida ladauk, nune'e mós prazu ba implementasaun akordu ba kazu refere ladauk to'o.

### 2.1.3. Investigasaun

Haktuir desizaun komite jestau keixa nian iha 2024, hosi keixa sira ne'ebé mak tama, kuaze keixa 132 mak loke ba investigasaun, nune'e mós iha kazu <sup>1</sup>63 ne'ebé mak ladauk finaliza prosesu investigasaun iha tinan 2023. Nune'e, iha tinan 2024 Servisu Investigasaun PDHJ finaliza ona prosesu investigasaun ba kazu 101 iha munisípiu Dili, Bobonaro, Covalima, Manufahi, Manatuto, Aileu, Viqueque, Lautem, Baucau, Ermera no RAEOA. Ne'ebé produz no pública ona relatório badak 85, relatório rekomenadasaun 8 nomós relatório sujestau 8, nu'udar ilustra iha grafiku tuirmai:



<sup>1</sup> note: iha impresaun dahuluk ami temi kazu 43, hafoin komfirma fali dadus, iha kazu 63 mak rejista ona antes 2024

Hosi dadus iha leten konfirma katak, alein-de kazu sira mak deside iha 2025, servisu Investigasaun PDHJ presiza prosesa / investiga kazu <sup>294</sup> mak ladauk konklui iha tinan 2024.

Purtantu, hosi kazu sira mak investiga ona, servisu investigasaun konfirma katak, violasaun ba boa governasaun barak liu relasiona ho desviu poder, administrasaun ladiak no ilegalidade bazeia ba material hanesan ilustra iha tabela tuirmai:

KATEGORIA / SUB KATEGORIA VIOLASAUN	#	%
Administrasaun Ladiak (Ia iha Informasaun suficiente ka la Iha Partisipasaun)	31	50%
Ses Husi Poder (Uza Funsaun Públiku)	22	35%
Ilegalidade (Illegalidade Bazeia Ba Materia)	6	10%
Administrasaun ladiak (Difikuldade Asesu Ba Servisu)	1	2%
Administrasaun ladiak (Uza Propriadade Públiku)	1	2%
Ses Husi Poder (Uza Propriedade Públiku)	1	2%
<b>TOTAL</b>	<b>62</b>	

Aktu sira ne'e komete no/ka alega ba entidade estadu sira mak hanesan:

INSTITUISAUN	# KAZU	%
1) Ministerio da Administração Estatal (MAE)	17	27%
2) Instituto Gestão dos Equipamentos (IGE.EP)	1	2%
3) Ministerio da Agricultura e Pescas (MAP)	2	3%
4) Ministerio da Justiça (MJ)	2	3%
5) Ministerio da Presidencia do Concelho de Ministros (MPCM)	1	2%
6) Ministerio dos Transportes e Telekomunicação (MTC)	4	6%
7) Minitsterio Interior (MI)	2	3%
8) Ministerio da Solidariedade Sosial e Inclusão (MSSI)	4	6%
9) Ministerio Saude (MS)	1	2%
10) Secretario Estado dos Assuntos Veteranos	1	2%
11) Ministerio Educação Juventude e Desporto (MEJD)	10	16%

<sup>2</sup> Note: iha impresaun dahuluk ami temi 74, maibe komfirma fali dadus, iha kazu 94 mak ladauk konklui prosesu investigasaun iha tinan 2024

12) Polícia Científica e Investigação Criminal (PCIC)	1	2%
13) Comissão Nacional das Eleições (CNE)	1	2%
14) Comissão da Função Pública (CFP)	1	2%
15) Comissão Anti Corrupção (CAC)	1	2%
16) Ministério das Finanças (MF)	2	3%
17) Polícia Nacional de Timor-Leste (PNTL)	6	10%
18) FALINTIL - FDTL	3	5%
19) Presidente Auroéidade RAEOA	1	2%
20) Ministério dos Negócios Estrangeiros e Cooperação (MNEC)	1	2%

Enkuantu, natureza ka kategoria / sub kategoria violasaun direitus humanus mak PDHJ investiga ona iha tinan 2024, mak:

KATEGORIA / SUB KATEGORIA VIOLASAUN	#	%
Direito integridade no Segurança (TAKLU)	27	69%
Direito Propriedade (Interferência arbitrária ho emana propriedade privada)	1	3%
Direito onra no privasidade (Interferência arbitrária ba iha moris privadu ka familia)	2	5%
Direito ba Moris (Ameasa)	1	3%
Violência laek hasoru feto (Abuso sexual ba feto)	1	3%
Direito integridade no Segurança (Detenção arbitrária)	1	3%
Direito ba Moris (ameasa oho)	4	10%
Igualdade no Diskriminasaun-laek (Diskriminasaun bazeia ba razaun arbitráriu)	1	3%
Direito ba propriedade (Violasaun ba funsaun sosiál husi propriedade privada nian)	1	3%

Ne'ebé komete ka alega ba entidade estadu sira mak hanesan:

INSTITUISAUN	# KAZU	%
1) Ministério da Administração Estatal (MAE)	3	8%
2) Ministério Agricultura e Pescas (MAP)	1	3%
3) Ministério da Justiça (MJ)	1	3%

4) Minitsterio Interior (MI)	1	3%
5) Ministerio da Solidariedade Sosial e Inclusão (MSSI)	1	3%
6) Ministerio da Educação, Juventude e Desporto (MEJD)	2	5%
7) Polícia Cientifica e Investigação Criminal (PCIC)	1	3%
8) Policia Nacional de Timor-Leste (PNTL)	26	67%
9) FALINTIL-FDTL	2	5%
10) Instituto Politecnico da Betano (IPB)	1	3%

Konfirma katak, Policia Nacional Timor-Leste (PNTL) nu'udar entidade estadu ne'ebé komete violasaun direitus humanus bo'ot liu iha Timor-Leste.

#### 2.1.4. Haree Tuir Rekomendasau

PDHJ laiha poder desijoriu, nune'e rezultadu hosi investigasaun nomós rezultadu fiskalizasaun no monitorizasaun, hato'o ba entidade relevante no kompetente sira hodi implementa rekomendasau hirak ne'e, nune'e labele mosu tan violasaun mak hanesan iha tempu tuirmai.

Purtantu, iha tinan 2024, servisu asisténsia pública PDHJ haree tuir rekomendasau bazea ba Relatório Investigasaun Final (RIF) sia, ne'ebé haat produz iha tinan 2022, no lima seluk produz iha 2023. Hosi relatório sia ne'e, neen kona-ba violasaun direitus humanus, nomós tolu kona-ba violasaun ba prisípiu boa governasaun.

Progresu implementasaun rekomendasau hosi relatório hirak ne'e mak hanesan tuirmai:

- ♠ Rekomendasau sira kona-ba kazu C.1973/2022/DH, C1975/2022/DH, no C.2152/2023/DH mak hato'o ba PNTL implementa ona;
- ♠ Rekomendasau sira kona-ba kazu C.2089/2022/DH mak hato'o ba PNTL nomós Ministériu Interior (MI) implementa;
- ♠ Rekomendasau sira kona-ba kazu C.2092/2022/DH mak hato'o ba PNTL, Ministériu Interior (MI), nomós Prokurador Jerál Repúblika (PJR) implementa, enkuantu rekomendasau kona-ba kazu C.2156/2023/DH ne'ebé hato'o ba instituisaun tolu ne'e implementa ho parsial;
- ♠ Rekomendasau sira kona-ba kazu C.2129/2023/BG, no C.2117/2023/BG mak hato'o ba Ministeiru Administrasaun Estatal (MAE) implementa;
- ♠ Rekomendasau sira kona-ba C.2105/2023/BG mak hato'o ba Ministeriu Solidariedade Sosial no Inklusaun (MSSI) no Ministeriu Finansas (MF) implementa.

Nu'udar deskreve iha leten, rekomendasau nian sira ba kazu 7 mak hetan ona resposta eskrita hosi instituisaun respondente signifika implementa, no rekomendasau nian sira ba kazu rua seluk PDHJ hetan deit resposta verbal signifika implementa parsial.

Purtantu, relasionala ho relatóriu fiskalizasaun no rekomendasau nian, tinan ne'e servisu asistensia publiqua haree tuir rekomendasau bazea ba relatóriu fiskalizasaun rua, relasionala ho relatóriu ba asuntu tematiku rua mak hanesan:

1. Projeto Konstrusaun Postu Saude, uma ba Mediku no Parteira iha Suku Beiseuc, Administrativu Tilomar, Munisípiu Covalima. Rekomendasau ne'e apresenta ba Ministeriu Saude (MS) no Ajensia Dezenvolvimentu Nasionál (ADN);
2. Monitorizasaun Inan Partus (Tuur-Ahi) iha odamatan oin sala maternidade Sentru Saude Natarbora, Munisípiu Manatuto. Rekomendasau refere hato'o ba Ministeriu Saude (MS).

Rekomendasau sira hosi relatóriu rua ne'e, Instituisaun Respondente fo ona resposta verbal mai PDHJ (Sei hare no cross check lai ho Gabinete no iha tempu badak sei haruka resposta eskrita mai PDHJ, enkuantu to'o relatóriu ne'e publiqua, PDHJ ladauk hetan resposta eskrita relasionala ho rekomendasau hirak mak temi iha relatóriu rua refere). Nune'e rekomendasau rua ne'e, PDHJ konsidera instituisaun respondente implementa ho parsial.

## 2.2. Servisu Promosaun

PDHJ promove direitus humanus no boa governasaun liu hosi formasaun, diseminasaun, publikasaun informasaun, celebraun loran nacionál no internasionál, nomós partisipasaun iha eventu nacionál no internasionál sira. Nune'e, iha parte ida ne'e, apresenta mai ita kona-ba servisu promosaun ba direitus humanus no boa governasaun tinan 2024:

### 2.3.4. Edukasaun, Divulgasaun no Kampaña

Grupu Alvu	Planu	Realiza	Feto	Mane	% Atinjimentu
<b>Komunidade</b>	325	306	141	165	<b>94%</b>
<b>Estudantes</b>	500	549	254	293	110%
<b>Feto, Labarik, EhD, no Membru LGBTIQ</b>	200	211	49	162	106%
<b>Membru Parlamentu Foinsa'e Nian</b>	143	143	68	75	100%
<b>Lider Arte-Marsiais</b>	25	-	-	-	<b>#DIV/0!</b>

Tabela iha leten apresenta mai ita kona-ba númeru atinjimentu iha servisu divulgasaun no diseminasaun ne'ebé PDHJ liu hosi Diresaun Promosaun (DP) hala'o iha tinan 2024.


Atividade diseminsaun no/ka divulgasaun ne'e hala'o ba membru komunidade sira iha Suku Wenunuk postu administrativu Metinaro, Suku Dare, Munisípiu Dili, Suku Cotelau, Suku Fatisi, Suku Tohumeta postu administrative Laulara Munisípiu Aieli; Suku Asumano, Suku Lukulai, no Suku Vaviquenia Postu administrativu Liquiça - Villa, kona-ba Papel PDHJ, Governasaun Diak, Direitus humanus baziku, Direitu Labarik no Trafiku Umanu nomós Violensia Bazeia ba Jeneru.

Asuntu mak hanesan, divulga mós ba grupu vulneravel sira kompostu hosi Feto, Labarik, ema ho defisiente (EhD), no membru LGBTIQ, nomós Estudante. Diresaun promosaun halo mós disseminasaun ba membru Parlamentu Foinsa'e Nian (PFN) kona-ba direitus humanus, boa governasaun, no papel PDHJ.

**Enkuantu, diseminasaun no divulgasaun ba lider grupu arte marsiais nian la realiza tanba, iha tinan 2024 Governu suspende**

**hela atividade arte marsiais. Servisu promosaun mós la konsege estabelese rede direitu dijital nian hodi promove no proteje direitus humanus iha espasu dijital.**

Alein-de diresaun promosaun, delegasaun Teritorial sira mós halo diseminasaun ba komunidade no estudante sira, ho número partisipasaun hanesan ilustra iha gráfiku tuirmai:



Servisu Delegasaun Teritorial Baucau sosializa papel PDHJ ba membru komunidade suku Samalari, Laga no Suku Uma Kiik, Viqueque, nune'e mós servisu Delegasaun Teritorial Same realiza diseminasaun kona-ba papel PDHJ, direitus humanus no boa governasaun ba membru komunidade no Autoridade lokal iha Suku Liurai, Postu Administrativu Turiscai, no Suku Suru Craik, Ainaro Vila.

Servisu Delegasaun Teritorial Maliana hala'o mós diseminasaun kona-ba papel PDHJ, Direitus humanus, Boa Governasaun ba membru komunidade no membru konsellu suku Labarai, postu administrativu Suai-Vila, membru komunidade iha suku Saburai, Posto Maliana Vila, nomós autoriedade no membru konsellu suku Ponilala, Hatulia A.

Enkuantu servisu Delegasaun Teritorial RAEOA halo mós diseminasaun ba membru komunidade Suku Bobometo, Oesilo kona-ba Direitus humanus, boa governasaun nomós Papel PDHJ. Asuntu mak hanesan divulga mós ba lideransa komunitaria no membru komunidade Suku Usi Tasae, Oesilo. Delegasaun Teritorial RAEOA hamutuk ho ONG Lokal MANEO, ONG Lokal Uma ba PAZ OE-KUSSE (UPO) sensibiliza informasaun iha aldeia Oeson - suku Costa, no aldeia Oelkaem, suku Taiboko.

Alein-de sosializasaun no diseminasaun ba membru komunidade no autoriedade local sira, delegasaun Teritorial sira mos hala'o diseminasaun no divulgasaun ba estudante no professor sira iha, Eskola Sekundaria Jerál

Baguia no Venilale, Eskola Sekundaria Tékniku Vokasional Aileu-Vila, Eskola Sekundaria Tékniku Vokasional Dotik, Ensinu Baziku Sentral Fatumea, Covalima, Eskola Sekundariu Jerál Lebutu, Hatolia A, Ermera, Ensinu Baziku Sentral Tunu Bibi, Maliana, Ensinu Tekniku Vokasional Industria São João Paulo II Passabe, Ensinu Tékniku Vokasional Palaban, Eskola Sekundaria Jerál Pública Leobeno, Oesilo, ESGP Haubeno, Nitibe.

### 2.3.5. Formasaun ba Entidade Pública

Iha tinan ida ne'e mós, PDHJ liu hosi servisu promosaun kontinua fasilita formasaun ba lider komunitariu, Memburu PNTL, Memburu F-FDTL, Guarda Prizional no Funzionariu Pública sira, nia atinjimentu hanesan ilustra iha tabela tuirmai:

Grupu Alvu	Target	Realiza	%
Lider Komunitariu	120	194	162%
Memburu PNTL	100	96	96%
Memburu F-FDTL	100	92	92%
Guarda Prizional	25	24	96%
Funzionariu Pública	700	653	93%

#### 1. Formasaun ba Lideransa Komunitariu Sira



**Foto 1:** Provedór Adjuntu Boa Governasaun Rigoberto Monteiro foto hamutuk ho autoriedade no partisipante no formador sira hafoin sesaun arberura atividade formasaun ba lideransa komunitaria sira iha Liquiça

Servisu promosaun reliza ona formasaun ba lideransa komunitaria sira iha Liquiça, Gleno, Ermera, no Baguia kona-ba Papel PDHJ, direitus humanus, boa governasaun, direitu labarik, no trafiku humanu.

## 2. Formasaun ba Membru PNTL no F-FDTL



**Foto 2:** Provedora Adjunta Direitus humanus foto hamutuk ho autoriedade no partisipante no formador sira hafoin sesaun arberura atividade formasaun konaba Direitus humanus nian ba UPF sira iha RAEOA (22-07-2024)

Servisu Promosaun realiza ona formasaun ba Membru PNTL iha Dili, Covalima, no RAEOA, nomós membru F-FDTL hosi komponente terrestre postu destakadu Ermera no Liquiça, Naval Hera, nomós Unidade Polisia Militar Dili, kona-ba knaar F-FDTL no Direitus humanus.

## 3. Formasaun ba Guarda Prizional Sira



**Foto 3:** Provedór de Direitus humanus e Justiça hasai foto hamutuk ho autoridade, formador no partisipante sira hafoin halo abertura ba iha formasaun Kona-ba Prevensaun Tortura ba Guarda Prizional sira (21-08-2024)

PDHJ liu hosi Servisu Promosaun fasilita mós formasaun ba Guarda prizional iha prizaun Becora – Dili kona-ba prevensaun tortura.

#### 4. Formasaun ba Funcionariu Públiku sira:



**Foto 4:** Provedór Adjunto Boa Governasaun halo Enseramento ba atividade Formasaun kona-ba Boa Governasaun ba Funcionariu Ministeriu Agrikultura, 31-7-2024

Funcionariu públiku iha Ministeriu Agrikultura, Pekuaria, Peskas no Floresta (MAPPF), Sekretariu Estadu Polítika, Formasaun Profesional no Empregu (SEPFOPE), RAEOA, Liquiça, no Bobonaro mak partisipa ona iha formasaun kona-ba governasaun diak no direitus humanus. Atividade ne'e finansia mós hosi Programa Dezenvolvimentu Nasoens Unidas (UNDP sigla Inglés).

#### 2.3.6. Realizasaun Eventu Nasionál no Internasional

##### 1) Selebrasaun aniversariu Ioron PDHJ ba dala XX



**Foto 5:** Provedór no estrutura Provedória fotohamutuk ho vice-presidente PN, deputado, moderador no orador sira ba semináriu naciona iha ámbitu selebrasaun aniversáriu PDHJ ba dala XX, datada 24.05.2024.

Hafoin Asembleia Konstituente aprova Konstituisaun RDTL iha 2002, iha 2004, Parlamentu Nasionál kria Lei nº 7/2004, de 26 de Maio hodi aprova estatutu Provedór de Direitus humanus e de Justiça hodi hala'o misaun promosaun no protesaun direitus humanus, promosaun boa governasaun, no kombate korupsaun. Enkuantu, mosu Lei Númeru 8/2009, Ioron 15 fulan jullu hodi Kria Komisaun Anti Korupsaun, nune'e hasai PDHJ nia kompetensia kona-ba servisu investigasaun kona-ba korupsaun.

Purtantu, Ioron publikasaun Lei n.º 7/2004 ne'e, PDHJ moris nu'udar entidade estadu ida ne'ebé hala'o knaar sira tuir mandatu konstitusional no legal sira hodi promove no asegura sosiedade Timor-Leste ida ne'ebé proteje no respeita direitus humanus, ho servisu públigu mak justu no efetivu.

Tinan 2024, PDHJ selebra dekade rua eziste nu'udar orgaun estadu ida, le'ut tasan iha promosaun, prevensaun no protesaun direitus humanus no promosaun boa governasaun.

Mudansa sira akontese hosi períodu ida ba períodu seluk, husi Provedór ida ba Provedór seluk kontinua luta ba servisu públigu ida ne'ebé bele Iori no/ka fó satisfasaun ba sosiedade.

Durante dekade rua ne'e PDHJ hala'o knaar prinsipál sira hanesan atendimento ba keixa, investigasaun, Mídiasaun no konsiliasaun ba kazu sira, monitorizasaun no fiskalizasaun prizaun, sela detensaun no eventu públigu sira, promosaun ba direitus humanus no boa governasaun no hato'o rekomendasaun ba orgaun estadu relevante no kompetente.

Hosi esforsu sira hotu durante tinan 20, PDHJ konsiente katak, ladauk fó assistensia ne'ebé efetivu ba sosiedade relaciona ho direitus humanus. Nune'e, iha ámbitu celebraun tinan 20, PDHJ halo reflesaun ida hodi konsolida nia estratéjia sira hodi garante minimu posivel asegura asesibilidade no satisfasaun sosiedade nian ba PDHJ nia servisu.

Tema ba celebraun tinan 20 ne'e mak **PDHJ ba Futuru**. Motivu hosi tema ida ne'e mak atu loke reflesaun públigu ida kona-ba oinsa servisu protesaun no promosaun direitus humanus ida ne'ebé efetivu iha Timor-Leste, nune'e mós boa governasaun.

Nune'e, PDHJ organiza seminariu nasional ida, hodi halore ba malu kona-ba espiritu konstituisaun RDTL kona-ba PDHJ, inisiu dezenvolvimento PDHJ, papel Parlamentu nasional ba asegura direitu no liberdade fundamental sidadaun, esperativa ba sosiedade nian ba futuru, no estratéjia sira ba PDHJ ida diak liu.

Semináriu Nasional ne'e realiza iha Salaun Delta Nova, datada 24 maiu 2024, ne'ebé Partisipa hosi ema 499 kompostu husi mane 308 no feto 192.

Iha semináriu ne'e, orador no parsipante sira apresenta no diskute kona-ba lala'ok PDHJ nian nomós situasaun direitus humanus no boa governasaun iha Timor-Leste, ne'ebé konfirma, iha 2005, entidade ida ne'e hahú-an hosi kondisaun infraestrutura no rekursu ne'ebé mínimu, dezenvolve-an neneik nu'udar instituisaun independente ida ho mandatu

luan inklui halo monitorizasaun ba política pública, proteje direitos humanos, no promove boa governasaun.



Figura 1: Banner Seminário nacional iha ámbitu selebrasaun tinan XX ezisténsia PDHJ

To'o periodu ida ne'e, konfirma katak, PDHJ hasoru dezafiu lubuk ida: koñesimentu público ne'ebé ki'ik (30–33% de'it mak hatene kona-ba PDHJ), rekursu umanu no orsamentu ne'ebé limitadu, no difikuldade atu to'o iha área remota sira. Supervizaun ba ofisiál sira ho pozisaun aas no instituisaun boot sira mós nu'udar difikuldade tanba falta salvaguarda institucionál (fiscalizador, investigador sira ho estatutu funzionáriu público).

Entretantu, hodi hatan ba dezafiu no obstaklu sira ne'e, PDHJ iha estratégia ba futuro ne'ebé hakerek ona iha planu estratégiku PDHJ período 2024 – 2028, estratégia hirak ne'e mak hanesan, servisu supervizaun ba política pública, promosaun, prevensaun, protesaun, nomós hakbi'it kapasidade Institucionál PDHJ.

Estratégia servisu hirak ne'e nu'udar tranzisaun hosi foku servisu PDHJ nian, ne'ebé durante tempu naruk foku ba jestaun keixa, PDHJ hakarak hahu kedas hosi política pubblica. PDHJ hanoin katak, bainhira política pubblica sensivel ba direitos humanos no boa governasaun, kazu violasaun direitos humanos no boa governasaun sei menus tinan ba tinan.

Purtantu, sosiedade sivil iha esperansa ba PDHJ, estratégia servisu hirak ne'e bele harii fali konfiansa pubblico no hadi'a edukasaun direitos humanos, liuliu ba ema sira ne'ebé halo política. Entretantu, Vise Primeiru-Ministru no Ministro Coordenador ba Asuntu Social no Ministro Desenvolvimentu Rural no Habitasaun Komunitária **Eng. Mariano Assanami Sabino** subliña katak direitos humanos nu'udar fundasaun ba dezenvolvimentu nasional, no fó apoiu ba fortalecimento PDHJ nu'udar fiscalizadór independente.

Entretantu, hosi diskusaun interativu ne'e, hamosu deklarasaun ida hanesan tuirmai:

**Deklarasaun Seminariu Nasionál**  
**PDHJ Tinan XX**

Konsidera progresu mak atinji ona, dezafiu sira mak enfrenta hela nomós progresu no dezafiu mak sei mai, iha ámbitu selebrasaun ezisténsia Provedór de Direitus humanus e Justiça ba dala XX, Provedória organiza semináriu nasionál hodi ko'alia kona-ba PDHJ BA FUTURU. Iha forum ida ne'e, parte hotu deklara:

- 1) Vontade poder público sira nian sai nu'udar dezafiu prinsipál ba proteje direitus humanus no promove boa governasaun;
- 2) PDHJ tenke kontinua hamrik metin ho integridade, tuir kompetensia mak hatur ona iha konstituisaun RDTL;
- 3) Governu no parlamentu nasionál presiza asegura independensia PDHJ relasiona ho servisu nomós orsamentu;
- 4) Parlamentu nasionál presiza ratifika konvensaun ema lakon, nu'udar komprimisiu estadu nian ba proteje sidadaun sira hodi buka sidadaun sira ne'ebé lakon iha tempu okupasaun nomós labele iha tan ema lakon ohin ba oin;
- 5) Parlamentu nasionál presiza kria lei kona-ba protesaun ba sasin sira, lei sibernetika, lei radiofuzau nian hodi proteje no promove direitus humanus;
- 6) Direitus humanus protejido no boa governasaun promovidu bainhira instituisaun estadu sira dezempeña ho diak no lori satisfasaun ba público;
- 7) PDHJ tenke haforsa komunikasaun ho parlamentu nasionál nomós governu, hodi apresenta PDHJ nia averiguasaun sira, hodi toma medida adekuada, nune'e prevene violasaun ba boa governasaun no direitus humanus, inklui partisipa ativa iha prosesu elaborasaun no/ka konsultasaun projetu no/ka proposta lei hosi Parlamentu Nasional no/ka Governu;
- 8) PDHJ presiza no tenke bebeik atu hakbesik ba poder público sira hodi informa kona-ba prinsípiu no valores direitus humanus mak konsagra ona iha Konstituisaun RDTL hodi proteje no promove direitus humanus, boa governasaun, nomós hametin integridade institusionál iha estadu direitu demokrativu Timor-Leste;
- 9) PDHJ serbisu hamutuk ho sosiedade sivil atu Institusionáliza instituisaun sira ba proteje sasin sira;
- 10) PDHJ presiza estabelese koperasaun no/ka parseria ho entidade hotu-hotu hodi produz política publika eh aktu hotu sensivel ba boa governasaun no direitus humanus;
- 11) PDHJ presiza sensibiliza, polítiku na'in sira nomós makaer ukun sira kona-ba direitus humanus no boa governasaun;

- 12) PDHJ presiza Servisu hamutuk ho sosiedade sivil hodi sensibiliza sosiedade sira kona-ba direitus humanus no boa governasaun hodi promove sosiedade ida ne'ebé tane-aas valor no prinsípiu demokratiku, hodi proteje direitus humanus nomós promove governasaun diak;

Delta Nova, Dili, 24 maiu 2024

Iha ámbitu selebrasaun tinan 20 ezistensia PDHJ, alein-de halo seminariu, PDHJ mós halo vizita ba jardim herois da patria Metinaro datada 25 Maiu 2024, no dia 26 maiu 2024 PDHJ realiza Jantar fraternal inklui lansa relatório Anuál 2023, relatório kontas 2023, planu estratéjiku 2024 – 2028, nomós atribui sertifikadu apresiasaun ba funzionáriu sira ne'ebé presta ka dedika sira nia vida profesional iha PDHJ liu ona tinan 10, nomós eis lideransa PDHJ nian.

## 2) Selebrasaun Ioron Internasionál Direitus humanus iha Timor-Leste



Foto 6: iha ámbitu selebrasaun Ioron internasionál direitus humanus 10.12.2024 iha Timor-Leste PDHJ organiza diskusaun interativu quadrilateral entre PDHJ, CFP, IGE nomós CAC kona-ba administraisaun públiku ne'ebé efetivu no responsivu haree ba progresu no dezafiu.

PDHJ liu hosi servisu hamutuk ho USAID / Timor-Leste Accountability and Integrity Mechanism hodi realiza diskusaun interativu hodi diskute kona-ba **"Administraisaun Públiku ne'ebé efetivu no Responsivu"** iha ámbitu selebrasaun Ioron internasionál direitus humanus ba dala 76. Orador iha diskusaun interativu ne'e mak Presidente Komisaun Funsaun Publiko, Provedora Adjunta Direitus humanus, Inspetor Jerál Estadu, no Komisariu Komisaun Anti Korupsaun.

Tema global ba selebrasaun Ioron internasionál ne'e mak **"Ita nia Direitu, Ita nia Futuru, Agora"**. Konfirma katak, padraun no prinsípiu direitus humanus nian fornese valor sira oinsa orienta governu, autór político no

sosiál sira seluk nia serbisu, inklui fornese padraun dezempeñu nian ne'ebé maka autór sira-ne'e bele responsabiliza hodi respeita, proteje no hakonu ema nia direitu.

Purtantu, konteúdu sira iha prinsípiu direitus humanus informa mós kona-ba esforsu governasaun di'ak nian relaciona ho dezenvolvimentu kuadru lejizlativu sira, política sira, programa sira, dotasaun orsamentál no medida sira seluk, ne'ebé ezije responsabilidade estadu nian hodi promove no proteje dirietus Humanus iha dalan ne'ebé sustentavél.

Direitus humanus nia implementasaun depende ba ambiente ida ne'ebé permite no konduzivu, relaciona ho enkuadramento legál sira, fortaleimento Institucionál, procesu político, jestau no administrasaun ne'ebé responsivu no akuntavel hodi hatán ba direitu no nesidade populasaun.

Konseitu hirak ne'e hatudu, direitus humanus no governasaun diak nakait ba malu no interdependénsia, ne'ebé ezije instituisaun público sira haloko kultura demokratiku, banati ba valór sira direitus humanus nian, estabelese mekanizmu no/ka fasilita espasu ba ema hotu hodi hola parte iha elaborasaun política Institucionál, no/ka foti desizaun, hakbi'it mekanizmu kontrolu, responsabilizasaun no transparénsia, ferramenta política sira ne'ebé sensivel ba kultura atu asegura katak servisu sira asesivel no aseitavel ba ema hotu.

Alein-de dezenvolvimentu Institucionál, ezije mós prestasaun servisu ba público oinsa makaer ukun no kna'ar na'in público sira esforsu hodi hadi'a ka eleva kapasidade estadu nian atu kumpre ninia responsabilidade, ba hakonu direitu atu hetan tratamento no atendimento ne'ebé justu, direitu ba edukasaun, saúde no direitu ba ai-han.

Timor-Leste nu'udar estadu membru ONU nian, ne'ebé nia sistema governancia tane aas ema hotu nia partisipasaun, nu'udar elementu prinsipál ba respeita no proteje direitus humanus.

To'o periodu ida ne'e, Timor-Leste ratifica ona konvensaun no tratadu internasionál ualu kompostu hosi Konvensaun Internasionál kona-ba Direitu Sivil no Política, Konvensaun Internasionál kona-ba Direitu Ekonómiku, Sosial no Kulturál, Konvensaun Internasionál kona-ba Halakon Forma Hotu-Hotu Diskriminasaun Rasial nian, Konvensaun Kontra Tortura no Tratamento ka Kastigu Kruel, Dezumanu no Degradante, Konvensaun kona-ba Halakon Forma Hotu-Hotu Diskriminasaun ba Feto, Konvensaun kona-ba Direitu Labarik, Konvensaun Internasionál kona-ba Protesaun Direitu Traballador Migrante sira no membru Familia sira, no iha Janeiro 2023, Estadu Timor-Leste ratifica tan Konvensaun kona-ba Direitu Ema ho Defisiénsia.

Maske iha progresu servisu mak Timor-Leste rejista relaciona ho indise dezenvolvimentu demokrásia no direitus humanus nian, ezize mós atu nafatin rekoñese katak iha dezafiu oi-oin ne'ebé perturba eh ameasa direitu no liberdade fundamental ema nian iha Timor-Leste. Sei mukit iha

asesu ba servisu públiku sira hanesan saude, justisa, estrada, eletrisidade, bee mos, edukasaun, hetan serbisu ho salariu ne'ebé justu, no seluk tan.

Nune'e, iha diskusaun interativu refere, orador no partisipante sira aseita katak, servisu públiku ida ne'ebé justu no efetivu mak bele hakonu sidadaun sira nia direitu no liberdade fundamental.

Diskusaun interativu ne'e hala'o iha Suai Room, Timor-Plaza, Dili, Timor-Leste, datada 10 dezembru 2024, no hetan partisipasaun hosi ema 235.

### 3) Enkontru SEANF iha Timor-Leste

Fórum Nasionál Direitus humanus Sudeste Aziátku (SEANF) harii iha Iorón 28 fulan-Juñu tinan 2007, liu-hosi Deklarasaun Kooperasaun ne'ebé asina hosi instituisaun nasionál direitus humanus haat (NHRIs) hosi nasau Indonézia, Malázia, Filipina, no Tailândia. Iha tinan 2010 Timor-Leste hola parte nu'udar membru SEANF nian.

SEANF opera bazeia ba nia Regra Prosedimentu (Regra)—ne'ebé altera ikus liu iha 2017—no orienta hosi Planu Estratéjiku sira (2012–2016 no 2017–2021). Ninia atividade sira koordena liu-hosi enkontru tékniku rua no enkontru anuál ida kada tinan, ho opsaun atu hala'o enkontru adisionál ka espesiál tuir nesesidade.

Atende enkontru SEANF nian nu'udar membru permanente oferese ba Timor-Leste vantajen xave oioin, inklui aumentu vizibilidade rejionál,abilidade atu forma ajenda SEANF nian, asesu ba kapasitasaun no aprendizajen entre maluk membru SEANF sira, troka informasaun ne'ebé di'ak liu, rede rejionál ne'ebé forte liu, no aumenta rekoñesimentu no apoiu ba ninia esforsu sira kona-ba direitus humanus.

Iha sorin seluk bainhira, la atende ka partisipa enkontru hirak ne'e bele hamenus PDHJ nia influénsia, fó sinál falta kompromisu, ne'ebé resulta lalon oportunidade sira ba envolvimentu, integrasaun, no dezenvolvimentu político iha kuadru direitus humanus rejiāun nian. Partisipasaun ne'ebé konsistente esensiál ka importante atu mantein relevânsia no kontribui ho signifikativu ba kolaborasaun rejionál direitus humanus nian.

Iha tinan 2024, Provedór de Direitus humanus e Justiça (PDHJ) **Virgílio da Silva Guterres ‘Lamukan’** hala'o mandatu estratéjiku nu'udar Presidente Forum Instituisaun Nasionál Direitus humanus iha Sudeste Aziátku (SEANF), ne'ebé enkontru grupu téknika dala rua nomós enkontru Anuál SEANF nian tinan 2024 hala'o iha Timor-Leste.

Iha Timor-Leste nia responsabilizasaun, servisu teknika hotu koordena husi Provedora Adjunta ba Asuntu Direitus humanus **Maria Marilia Ximenes Castro de Oliveira da Costa**, hodi prepara konseitu, mobilizasaun rekursu no superviziona implementasaun ba atividade formál sira SEANF nian relasionala ho organiza enkontru grupu traballu tékniku dala rua no konferénsia anuál.



Foto 7: Provedór de Direitus humanus e Justiça hamutuk ho Provedora Adjunta, Sekretariu Ezekutivo, Ofisial Senior Profesional Boa Governasaun hamutuk ho delegadu sira hosi Instituisaun Nasionál Direitus humanus nian mak hamahan-an iha SEANF foto hamutuk iha enkontru tékniku grupu traballu SEANF ba dahuluk iha hotel Ramelau.

Purtantu, Enkontru Tekniku Grupu Traballu (TWG) SEANF iha 2024 dahuluk ho tema "**Human Rights for All, Especially in Southeast Asia: Respected, Protected, and Enjoyed Equally by All**" katak direitus humanus ba Ema Hotu, Liuliu iha Sudeste Aziátku: Respeitadu, Protejido, no hanesan hosi Ema Hotu-hotu hala'o iha hotel Ramelau, Dili, Timor-Leste, durante Ioron rua entre data 3-4 Abril 2024 ne'ebé lidera hosi Provedór de Direitus humanus e Justiça **Virgílio da Silva Guterres 'Lamukan'** nu'udar Chairman SEANF tinan 2024.

Enkontru ne'e halibur parte interesada sira hosi nasaun membru SEANF neen hanesan Indonézia, Malaysia, Myanmar, Philippine, Thailand no Timor-Leste, organizasaun sosiedade sivil nacionál, rejionál, no parseiru internasional sira.

Eventu ne'e loke husi Chairman SEANF – 2024, Provedór de Direitus humanus e Justiça **Virgílio da Silva Guterres 'Lamukan'** 'Lamukan' iha nia intervensaun subliña importânsia solidariedade entre instituisaun nacionál direitus humanus sira iha Sudeste Aziátku hodi hasoru dezafiu rejionál sira hanesan tráfiku umanu, laiha estadu, no diskriminasaun transnasionál.

Ajenda enkontru hahú ho atualizasaun husi instituisaun ida-idak kona-ba sira-nia atividade estratéjiku hafoin konferénsia anuál SEANF-2023. Hafoin ne'e, diskusaun foku ba prioridade haat iha Planu Estratégiku SEANF 2022-2026 mak hanesan:

1. Direitus humanus resposta ba COVID-19, apresenta hosi Commission on Human Rights of Philippines (CHRP);
2. Envolvimentu setór emprezariál nian iha práтика direitus humanus ne'ebé responsavel, apresenta hosi Myanmar National Human Rights Commission (MNHRC);

3. Kompromisu atu prevene tortura no promove ratifikasioun OPCAT liu-hosi formasaun, peskiza no inspesaun ba fatin detensaun sira, apresenta hosi National Human Rights Commission of Thailand;
4. Importânsia atu hametin estrutura SEANF liu-hosi avaliaoun no revizaun ba Rejimentu organizaoun nian, apresenta hosi SUHAKAM Malázia.

Alein-de prioridade sira iha leten, Timor-Leste liu hosi Centro Nacional Chega!IP no AJAR fahe esperiênsia sira relaciona ho kazu "Labarik Lakon" ne'ebé to'o agora sei haketak-an husi família no hela iha Indonézia, toka mós kestaun fronteira ne'ebé fó impaktu ba sidadaun nia direitu ba identidade, edukasaun no ekonomia.

Asuntu direitu dijital mos diskute iha enkontru refere, relaciona ho protesaun ba direitu ba privasidade no liberdade espresaun iha espasu dijital. Aleinde ne'e, CHRP esplika importânsia atu proteje direitus humanus ba idozu sira iha kuadru ONU nian liu-hosi Grupu Traballu Abertu kona-ba envellesimento (OEWGA).

Antes finaliza Enkontru Tekniku Grupu Traballu SEANF-2024 dahuluk ne'e, hamosu akordu ida kona-ba planu/atividade konjunta sira antes enkontru tekniku grupu traballu SEANF nian ba daruak nomós konferénsia anuál SEANF nian.

Planu/atividade hirak ne'e inklui festival direitus humanus husi Komnas HAM iha Belitung no Festivál Kultural Fronteira iha Timor-Leste. SUHAKAM, NHRCT, no CHRP ida-idak sei hala'o forum temátiku hodi hametin estratéjia no koordenasaun SEANF nian.

Hodi taka enkontru ne'e, Provedór de Direitus humanus e Justiça Virgílio da Silva Guterres 'Lamukan' nu'udar mos Chairman SEANF-2024, hato'o ninia apresiasaun ba parte hotu-hotu nia kontribuisaun no espíritu kolaborativu. Lamukan fiar espíritu no rezultadu husi diskusaun ne'e bele enkoraja hametin papél SEANF nian, hamutuk proteje no avansa direitus humanus ne'ebé sustentavel iha Sudeste Aziátiku.



Foto 8: Provedór de Direitus humanus e Justiça hamutuk ho Provedóra Adjunta, Provedór Adjunto, Sekretariu Ezekutivo no kargu xefia sira iha PDHJ hamutuk ho delegadu sira hosi Instituisaun Nasional Direitus Humanus nian mak hamahan-an iha SEANF foto hamutuk iha enkontru tékniku Grupu Traballu SEANF ba daruak iha Hotel Timor, Dili.

Purtantu, enkontru Tékniku Grupu Traballu SEANF-2024 ba daruak hala'o iha Hotel Timor, Dili durante loron rua entre data 10 -11 jullu 2024 ho tema mak hanesan.

Partisipa iha enkontru tekniku ne'e mak membru SEANF hanesan Komnas HAM (Indonézia), SUHAKAM (Malaysia), MNHRC (Myanmar), CHRP (Philippine), NHRCT (Thailand) no PDHJ (Timor-Leste) nuudar chair ka uma nain hodi organiza no lidera forum ne'e durante tinan 2024 iha Timor-Leste. Partisipa mós hosi parte interesada nasional no internasional sira hanesan Civil Society Organization Rede ba Rai and The Asian NGO Coalition for Agrarian Reform and Rural Development (ANGOC), FORUM-ASIA/ANNI, The ASEAN Intergovernmental Commission on Human Rights (AICHR) Thailand no AICHR Indonézia.

Commission on Human Rights of Philippines (CHRP), Myanmar National Human Rights Commission (MNHRC), National Human Rights Commission of Thailand, nomós SUHAKAM Malázia hanesan co-lead kontinua atualiza progresu servisu ka programa ne'ebé relasiona prioridade haat iha Planu Estratégiku SEANF 2022-2026 ne'ebé apresenta ona iha enkontru tékniku grupu traballu SEANF dahuluk, relasiona ho *Ensure human rights are central in a COVID-19 environment, Protect and promote human rights in business, Prevent torture and other cruel, inhuman, degrading treatment or punishment, Strengthen SEANF as a credible, independent and effective institution*, ne'ebé maioria membru SEANF sujere katak proposta sira-ne'e tenke apresenta ba Chair NHRI ida-idak nian ba diskusaun no aprovasaun internu. Membru NHRI rekomenda SUHAKAM atu hala'o enkontru ida antes konferénsia anuál.



Foto 9: Provedór de Direitus humanus e Justiça nu'udar Chairman of SEANF – 2024 foto hamutuk ho Provedora Adjunta, Dirijente no ekipa tekniku Instituisaun Nasional Direitus humanus iha Sudeste Aziátiku mak hamahan-an iha SEANF Hafoin konklui konferénsia anuál SEANF ba dala 21 iha Hotel Novo Turismo, Dili.

Iha loron 18 -20 Novembru 2024 realiza enkontru Anuál ba dala 21 SEANF iha Novo Turismo, Dili, Timor-Leste, lidera husi Prezidente SEANF-2024, Provedór de Direitus humanus e Justiça (PDHJ) **Virgílio da Silva Guterres 'Lamukan'**. Iha nia intervensaun, Provedór hato'o benvindu ba membru SEANF hotu-hotu ne'ebé partisipa tantu direta no online. Provedór subliña tema krítiku sira kona-ba Proteje, Respeita, no Kumpri ema nia direitu hodi destaka importânsia hosi diskusaun sira kona-ba direitu ekonómia, sosiál, no kultural iha area fronteira.

Virgílio da Silva Guterres 'Lamukan' subliña nesesidade ba esforsu kolaborativu sira ne'e atu rezolve dezafiu úniku sira ne'ebé komunidade marjinalizadu sira hasoru, no enkoraja delegasaun sira hodi foka ba prioridade sira ne'ebé trasa iha Planu Estratégiku SEANF 2022-2026. Provedór afirma importânsia hosi igualdade jéneru, hakbiit feto no labarik-feto sira, no prevensaun hasoru tortura, espresa otimizmu katak konferénsia sei produz rezultadu sira ne'ebé bele provoka asaun ba avansu direitus humanus iha rejiaun tomak.

Enkontru anuál ne'e kontinua diskute kona-ba implementasaun planu estratégiku SEANF 2022 – 2026 relaciona ho prioridade haat ne'ebé diskute ona iha enkontru tékniku dala rua, ne'ebé:

1. Rekoñese esforsu husi membru SEANF sira hodi asegura no konsiderasaun direitus humanus nu'udar sentru ba resposta nacionál hasoru no/ka durante periodu pandemia COVID-19. Forum reafirma atu kontinua monitoriza no mitiga impaktu sosiál, ekonómiku, no direitus humanus husi pandemia, partikularmente ba komunidade marjinalizadu sira.
2. Hamatan ba esbosu relatório ne'ebé submete ona hosi M NHRC iha 2023 relaciona ho importânsia krítiku direitus humanus nian iha negósiu. MNHRC kontinua atualiza no finaliza relatório refere ne'ebé sei opta iha konferensia anuál SEANF nian tuirmai. Membru SEANF sira sei tau matan ba implementasaun hosi relatório refere inklui konkorda atu MNHRC organiza atividade hamutuk entre membru SEANF sira kona-ba asuntu temátiku sira-ne'e.
3. SEANF afirma nia compromisu atu prevene tortura no tratamento kruél, dezumanu, ka degradante. SEANF apresia inisiativa husi NHRCT ne'ebé implementa planu asaun no atividade hodi hasa'e konxiénsia no hametin mekanizmu monitorizasaun nian hodi asegura prevensaun tortura nian ne'ebé efetivu.
4. Relaciona ho Strengthen SEANF as a credible, independent and effective institution, ne'ebé lead hosi Komnas HAM, seidauk iha aprovasaun ba asuntu ne'e. Nune'e membru SEANF konkorda sekretariadu SEANF sei tuir prezidensia. Komnas HAM sei prepara

esbosu matadalan ida ba serbisu SEANF nian hodi garante jestauñ ida ne'ebé efetivu no memória institusionál sekretariadu nian.

5. SUHAKAM aprezenta alterasaun ba *Rules of Procedures* (RoP) ba aprovasaun husi chairperson sira. Perante enkontru ne'e mosu konsesus katak alterasaun *article 1* no intrega ona ba RoP foun. SEANF sei kontinua halo diskusaun ba posibilidade alterasaun iha enkontru sira tuir mai ne'ebé sei lead hosi SUHAKAM
6. Enkontru ne'e konkorda hodi adopta no/ka apresia ba asuntu tematiku sira mak hanesan:
  - a) Kolaborasaun SEANF ho AICHR
  - b) *Cross border human rights issue* relaciona ho statelessness, trafiku umanu, direitu komunidade sira iha fronteira.
  - c) Digital Rights ne'ebé sei kontinua diskute iha enkontru tékniku tuirmai;
  - d) International Transfer of prisoners (ITOP). SEANF apresia ba esforsu SUHAKAM no husu ba membru sira atu halo diskusaun obstaklu iha cross border prisoner transfer no esplora dalan atu promove kooperasaun.
  - e) SEANF apresia konvite sei partisipa eventu kona-ba Rights Con ne'ebé sei hala'o iha Taipei organiza hosi NHRC Taiwan.
  - f) SEANF apresia CHRP nia esforsu hodi tau matan ba asuntu ferik ho katuas sira no fahe informasaun importante sira kona-ba apoio ferik ho katuas.
  - g) Forum apresia kona-ba esforsu CHRP nian kona-ba Statelessness, ne'ebé ba futuru nu'udar mós SEANF nia komprimisiu.
  - h) Kontinua servisu hamutuk hodi implementa planu estratéjiku SEANF nian 2022 – 2026
  - i) Direitu ba ema hotu-hotu iha rejiāun sudeste aziátiku inklui maibé la limita ba ferik ho katuas no ema ne'ebé laiha sidadania;
  - j) Hametin parseria SEANF ho órgaun internasionál no rejionál sira hanesan AICHR, GANHRI, APF, UNHRC nian hodi hasa'e vizibilidade servisu SEANF nian. Inklui troka práktika dí'ak entre NHRI iha rejiāun hodi garante katak SEANF la'ós de'it efetivu iha nia mandatu doméstiku sira maibé mós iha esforsu direitus humanus rejionál no global.

Iha enkontru Anuál ne'e mós xamada ba asaun “Call for Action” atu kontinua envolve iha diálogu, fahé práтика d'ak liu no partisipa iniciativu kolaborativu sira ne'ebé promove no proteje direitus humanus ema hotuhotu nian iha sudeste aziátku.

SEANF Enkoraja NHRI hotu-hotu atu hametin sira nia enkuadramento direitus humanus nasional, envolve ativamente, ho autoridade governu nian no sosiedade sivíl hodi promove no proteje direitus humanus. Enkuantu forum tinan oin – 2025, Forum ne'e sei lidera hosi Komnas HAM Indonezia.



Foto 10: Hodi loke Semináriu Internasional kona-ba Direitu Ekonómiku, Sosiál no Kulturál (ESCR) iha Área Fronteira sira Sudeste Aziátku nian, Prezidente Republika José Ramos-Horta subliña, semináriu ne'e importante tanbá krize refugiadu globál ne'ebé aumenta, hodi hasa'e nesesidade ba komunidade internasional atu hametin ninia kompromisu protesaun ba populaçau sira ne'ebé dezlokadu no rezolve kauza prinsipál sira hosi migrasaun forsada, Novo Turismo, Dili, 20.11.2024

Iha ámbitu konferensia anuál SEANF iha Timor-Leste, realiza mós semináriu Internasional kona-ba Direitu Ekonómiku, Sosiál no Kulturál (ESCR), ne'ebé hala'o iha loron 20 Novembru 2024, loke ka halo abertura direta hosi Sua Exelénsia Prezidente Repúblika **Dr. José Ramos Horta** hodi reafirma kompromisu NASAUN nian atu proteje direitu komunidade vulneravel sira nian iha área fronteira sira.

Semináriu refere nu'udar espasu importante ba akadémiku sira, ofisiál governu nian, sosiedade sivíl, no Instituisaun Nasionál Direitus humanus iha Sudeste Aziátku hodi diskute dezafiu direitus humanus iha inklui kona-ba migrasaun forsadu, tranzasaun transfronteirisu ilegal no impaktu sira ba direitu baziku komunidade sira iha fronteira. Orador sira iha semináriu ne'e mai hosi PDHJ, Ministériu Negósiu Estranjeiru, akadémiku nasional, no delegadu NHRI husi Malázia, Myanmar, Tailândia, Filipina, no Indonézia.

Hafoin realiza atividade ne'e, Provedora Adjunta hamutuk ho ekipa PDHJ halo avaliaisaun, konfirma katak 97% atividade sira implementa ho susesu, enkuantu 50% husi orsamentu utiliza tuir planu, kuaze 22% orsamentu uza latuir planu no 28% hosi orsamentu mak la gasta.

PDHJ lidera SEANF-2024 la'ós de'it marka Timor-Leste nia envolvimentu iha promosaun direitus humanus nian iha nível regional, maibé mós hatudu kapasidade téknika, koordenativa no substantiva hosi instituisaun nacionál sira hodi promove valór universál sira, liu-husi knaar no asaun estratéjiku ne'ebé hala'o ho esforsu koletivu.

### 2.3.7. Partisipasaun iha Eventu Nasionál



Foto 11: Provedór de Direitus humanus e Justiça foto hamutuk ho organizador no partisipante sira iha selebrasaun Iorom International Kontra Homophobia, Biphobia no Transphobia (22-05-2024)

Durante tinan 2024, ho lideransa Provedór de Direitus humanus e Justiça **Virgilio da Siliva Guterres** promove PDHJ nia papél nu'udar instituisaun ne'ebé dinámiku no kolaborativu, ho abordajen inkluzivu no proativu, partisipa iha fórum importante oioin tantu iha nível internasional, nacionál, no iha nível lokal, husi kestaun diplomátiku to'o plataforma komunitária nian, Provedór koloka PDHJ nu'udar autor prinsipál hodi hametin direitus humanus no governasaun di'ak.

Sai orador iha fórum estratéjiku oioin, hodi diskute asuntu kompleksu sira hahú hosi direitu vítima violasaun seksual iha pasadu, despeju forsadu, to'o protesaun ba komunidade sira ne'ebé vulneravel hanesan labarik no komunidade LGBTIQ+, progresu direitus humanus inklui prinsípiu justisa sosiál, inkluzau, demokrasia, ema ho defisiénsia, nomós direitu dijital liu hosi mídia, semináriu público, no formasaun iha baze.

Alein-de hola parte iha eventu estratéjiku sira relasiona ho promosaun direitus humanus no governasaun diak, hola parte mós iha eventu informal sira hanesan audiénsia ho membru komunidade no prezensa iha misa no serimónia estadu nian nu'udar papél PDHJ nia atu besik liu ba povu.



Foto 12: Provedór Direitus Umanus no Justisa, Virgílio da Silva Guterres 'Lamukan,' hato'o diskursu iha komemorasaun Loron Mundial ba Ema ho Defisiénsia iha Liquiça, ho tema *Hakbiit Ema ho Defisiénsia Liu-husi Implementasaun Planu Asaun Estratejia Nasional ba Ema ho Defisiénsia 2021-2030 hodi Alkansa Dezenvolvimentu Inkluzivu no Sustentável iha Timor-Leste,*"

PDHJ tau importansia no/ka preokupasaun boot ba edukasaun jerasaun foin-sa'e sira-nian, oinsa promove formasaun anti-korrupsaun, no literasia dijital. Vizaun ne'ebé fahe la'ós de'it inkliu reforma sistémiku, maibé mós transformativu kulturalmente hasa'e konxiénsia kona-ba responsabilidade sosiál no étika servisu públiku nian.

PDHJ kontinua hola parte iha atividade estratéjiku oioin iha Timor-Leste, ne'ebé reflete PDHJ nia aprosimasaun abranjente hodi promove protesaun direitus humanus, hametin governasaun di'ak, no hasa'e koñesimentu públiku kona-ba prinsípiu konstituisaun públiku nian ne'ebé proteje no promove direitus humanus.

### **2.3.8. Partisipasaun iha Eventu Internasional**

Iha parte ida ne'e sei dekreve kona-ba partisipasaun Provedór Direitus humanus no Justisa (PDHJ) nian iha eventu internasional oioin durante tinan 2024, liuliu iha nível ASEAN no Ázia-Pasífiku.

PDHJ presente iha forum sira hanesan Diálogu Direitus humanus ASEAN, SEAOF, konferénsia direitus humanus ambientál, nomós enkontru anti-korrupsaun no konferénsia inkluzau jéneru, hodi hasa'e vizibilidade, habelar rede rejonal sira, fahe esperiénsia no apoia iniciativa kolaborativu sira hodi promove protesaun direitus humanus, transparénsia, iha nível rejional.

PDHJ nia partisipasaun habelar Timor-Leste nia influénsia iha diskusaun estratéjiku sira kona-ba asuntu prioridade sira hanesan direitu traballadór migrante sira, protesaun ambientál, prevensaun tortura, no eradikasaun korrupsaun. Iha parte seluk, envolvimentu ida-ne'e fornese oportunidade ida ne'ebé iha valór ba PDHJ atu atualiza ninia mekanizmu servisu, aliňa padraun nacionál sira ho práтика di'ak internasional sira, no hametin solidariedade ho instituisaun rejonal sira direitus humanus nian. Liuhusi aprosimasaun ida-ne'e, PDHJ la'ós de'it kontribui ba avansu direitus humanus iha nacionál, maibé mós ajuda forma diresaun política rejonal iha âmbitu direitus humanus.

PDHJ nia envolvimentu ativu refleta Timor-Leste nia kompromisu forte atu avansa ajenda direitus humanus no integrasaun rejonal, enkuantu enrikesé mós PDHJ nia kapasidade institusionál. Eventu internasional hirak ne'ebé PDHJ partisipa durante tinan 2024 mak hanesan tuirmai ne'e:

### **1. Diálogu Dahuluk ASEAN nian Kona-ba Direitus humanus no Polisiamentu**



Foto 13: Delegadu sira hosi Instituisaun Direitus Humanus mak *partisipa iha Diálogu Dahuluk ASEAN nian kona-ba Direitus Umanus no Polisiamentu*, ne'ebé hala'o iha Bali, 2-3 Dezembru 2024) hasai foto hamutuk iha sesaun fotografia nian

Ho koordenasaun hosi AICHR Indonézia, Provedór de Direitus humanus e Justiça (PDHJ) reprezenta husi Adjuntu Provedór **Rigoberto Monteiro** akompaña hosi Diretora Asistensia Publiqua partisipa iha Diálogu ASEAN ba dahuluk kona-ba Direitus humanus no polisiamentu ne'ebé hala'o iha Bali, Indonézia datada 2-3 dezembru 2024.

Diálogu ne'e hanesan plataforma rejionál ida ne'ebé importante hodi integra prinsípiu direitus humanus iha práтика polisiamentu nian iha estadu membru sira ASEAN nian, ho énfaze ida iha ekilíbriu entre seguransa pública no protesaun ba direitu no liberdade individuál.

Iha forum ne'e, PDHJ esplika esperénsia institucionál iha tinan lima liubá relasiona ho hasa'e kapasidade polísia nacionál, inklui esforsu atu hasa'eabilidade liu-hosi formasaun, simu keixa o hadi'a hahalok membru Polisia Nacionál Timor-Leste (PNTL).

Prezensa PDHJ nian iha diálogu ne'e fó benefísiu estratéjiku iha forma asesu ba práтика di'ak liu iha nível rejionál, aumenta kooperasaun kona-ba asuntu polisiamentu transfronteirusu, hametin vizibilidade institucionál, no apoio ba proseso reforma polísia nacionál.

Aleinde ne'e, envolvimentu ida-ne'e hametin konfiansa público nian iha esforsu aplikasaun lei bazeia ba direitus humanus. Partisipasaun ativu iha atividade sira-ne'e konsidera hanesan importante atu mantein PDHJ nia pozisaun iha dinámika diskusaun rejionál sira, habelar rede kooperasaun sira, no apoia transformasaun institucionál iha ámbitu protesaun no promosaun direitus humanus iha Timor-Leste.

## 2. AICHR Special Meeting



Foto 14: Provedór Adjunto Boa Governasaun partisipa iha Special Meeting 2/2024 of the ASEAN Intergovernmental Commission on Human Rights (AICHR) in Luang Prabang, Laos (14-15 Nov 2024)

PDHJ, liu-hosi Provedór-Adjunto **Rigoberto Monteiro**, partisipa iha Enkontru Espesiál AICHR 2/2024 ne'ebé hala'o iha Iorom 14–15 Novembru 2024 iha Luang Prabang, Lao PDR. Enkontru ne'e lidera husi Embaixadór **Yong Chantha** husi Laos, ne'ebé ko'alia kona-ba asuntu xave sira iha rejiāun ASEAN hanesan direitu ba ema ho defisiénsia, direitu feto no labarik, negósiu no direitu umanu, nomós práтика polisiamentu.

Iha enkontru refere, Adjuntu Provedór **Rigoberto Monteiro** hato'o apresiasaun ba Laos nia lideransa ne'ebé efetivu nu'udar Prezidente AICHR 2024 no reafirma Timor-Leste nia dedikasaun hodi hametin inisiativa rejionál sira iha área direitus humanus.

Adjuntu subliña importânsia hosi envolvimentu organizasaun sosiedade sivil sira hodi hatán ba dezafiu sira direitus humanus nian, liu-liu kona-ba situauna iha Myanmar.

PDHJ kontinua hametin Timor-Leste nia relasaun ho ASEAN, hasa'e vizibilidade iha nível rejionál, habelar ninia rede diplomacia direitus humanus, no enrikese Timor-Leste nia prontidaun ba partispasaun ativu liután iha mekanizmu ASEAN nian iha futuru.

### **3. The Southeast Asian Ombudsman Forum (SEAOF) and the SEAOF Seminar on Good Governance**



Foto 15: Provedór Adjuntu Boa Ggvernsaun hamutuk ho komitiva partisipa iha **Southeast Asian Ombudsman Forum and Good Governance Seminar** (Jakarta, 12-14 Nov 2024)

Nu'udar membru permanente SEAOF, PDHJ iha obrigasaun atu atende enkontru Senior Officer Meeting (SOM) nomós enkontru prinsipál sira SEAOF nian, ne'ebé halibur hamutuk reprezentante Provedór husi Sudeste Aziatiku hodi diskute asuntu xave sira hanesan promove governasaun di'ak, transparensia, no akuntabilidade iha administrasaun publiqua.

Provedór Adjunto Boa Governasaun **Rigoberto Monteiro** reprezenta Provedór de Direitus humanus e Justiça lidera delegasaun PDHJ nian hodi partisipa iha Forum Provedória Sudeste Aziatiku no Seminarii Governasaun

Di'ak, ne'ebé organiza husi Ombudsman Repúblika Indonezia (ORI) iha Jakarta datada 12 – 14 fulan novembru 2024.

Iha enkontru refere, reprezentante PDHJ hamutuk ho omologu sira husi Indonezia, Filipina, no Tailandia, aborda dezafiu komun sira no esplora oportunidade sira ba kooperasaun rejional.

Enkontru sira ne'e foka liu ba reforsa instituisaun Provedór no hasa'e sira nia kna'ar hodi promove direitus humanus no protesaun servisu públiku ne'ebé efetivu.

Sekretariu Ezekutivo - PDHJ, **Ambrosio Graciano Soares**, apresenta "Dilema Valor" no "Divulgasaun ba Públiku", ne'ebé destaka PDHJ nia esforsu mak la'o daudaun hodi harii konfiansa públiku, hadi'a mekanizmu keixa sira, no rezolve dezafiu hirak ne'ebé Proveddor no Provedória hasoru iha prosesu hala'o no/ka kumprimentu ba nia mandatu.

Iha enkontu SEAOF ne'e PDHJ iha oportunidade valiozu ida atu envolve iha diálogu nível ass ho omólogu rejional sira kona-ba asuntu urjente sira hanesan governasaun di'ak, transparénsia, no responsabilizaun.

Partisipasaun iha eventu ne'e permite PDHJ atu fahe práтика di'ak, iha rezolve dezafiu komun no esplora dalan ba kooperasaun rejional hodi hametin knaar Provedór nian. Diskusaun sira iha eventu ne'e kontribui mos ba hasa'e kapasidade institusionál, promove direitus humanus, no hadia prestasaun servisu públiku sira. Alein-de ne'e PDHJ nia kontirbusuaun ativu liu husi apresentasaun sira iha enkontru refere hatudu PDHJ nia komprimisu ba governasaun di'ak no konfiansa públiku, reforsa mós ninia papél lideransa iha komunidade Provedór iha nível rejional.

#### 4. ASEAN Regional Dialogue on Environmental Rights



Foto 16: Provedóra Adjunta Direitus Humanus partisipa iha Diálogo Rejional ASEAN nian kona-ba Direitu Ambiental mak hala'o iha Jakarak, 7-8 Novembru 2024

PDHJ reprezenta hosi Provedora-Adjunta ba Direitus humanus **Maria Marilia Ximenes Castro de Oliveira da Costa**, partisipa iha Diálogu Rejionál ASEAN kona-ba Direitu Ambientál ne'ebé hala'o iha Iorón 7 - 8 Novembru 2024 iha Sekretariadu ASEAN, Jakarta, Indonézia.

Partisipa iha diálogu ne'e mak parte sira hosi governu, organizasaun direitus humanus, no peritu ambientál sira husi rejaun ASEAN hodi diskute kona-ba integrasaun prinsípiu direitus humanus iha dezenvolvimentu político ambientál.

Iha forum ne'e, PDHJ hato'o Timor-Leste nia hanoin kona-ba importânsia atu garante direitu ambiente ne'ebé seguru, saudavel no sustentável nu'udar parte ida atu proteje direitus humanus.

Liu hosi eventu sira hanesan ne'e, PDHJ kontinua hatuur no Iori Timor-Leste nia kompromisu ba apoia iniciativa rejionál sira hodi harii enkuadramento legál ambientál ne'ebé bazeia ba direitus humanus nomós kolaborasaun ho estadu membru ASEAN sira iha ámbitu protesaun ambiente.

##### 5. The 6th ASEAN Human Rights Dialogue



Foto 17: Provedóra Adjunta Direitus Humanus akompaña hosi Oficial Señior Profesional Boa Governasaun partisipa iha diálogu Direitus Humanus ASEAN mak hala'o iha Jakarta, 5.11.2024

Timor-Leste reprezenta hosi Provedora-Adjunta Direitus humanus **Maria Marilia Ximenes Castro de Oliveira da Costa**, hamutuk ho Senior Professional ba Boa Governasaun - PDHJ **Aureo Jose Antonio Savio**, no Inspector Jerál Ministeriu Justisa **Florindo Jose da Costa** partisipa iha Diálogu Direitus humanus ASEAN ba dala VI iha Jakarta, Indonézia ne'ebé hala'o iha Iorón 5 Novembru 2024.

Iha diálogo ne'e estadu membru ASEAN, AICHR, NHRI, no organizasaun sosiedade sivil sira hasoru malu hodi diskute dezafiu direitus humanus no progresu iha rejaun.

Iha forum ne'e, delegasaun Timor-Leste apresenta progresu nacionál iha integrasau prinsípiu direitus humanus iha política dezenvolvimentu, no subliña importânsia kooperasaun rejionál hodi rezolve kestaun sira kona-ba diskriminasaun, laiha estadu no protesaun ba grupu vulneravel sira.

PDHJ nia partisipasaun kontribui ba hametin kolaborasaun ASEAN nian iha âmbitu direitus humanus, habelar rede diplomasia direitus humanus Timor-Leste nian, no hasa'e vizibilidade no kredibilidade nasau nian iha mekanizmu rejionál sira.

## 6. AICHR-SEANF Regional Meeting in Bangkok focuses on Migrant Workers Right and Business Accountability

Advokasia ba política publiqua nu'udar estratéjia servisu PDHJ nian hodi nune'e bele no/ka oinsa mak poder política no/ka lejislasau sira mak produz sensivel ba direitu no liberdade fundamental ema nian, nune'e mos elabora mekanizmu no/ka aprosimasaun implementasaun nia ne'ebé sensivel ba prinsípiu governasaun diak.

Nune'e, iha tinan ida ne'e, PDHJ ne'ebé reprezenta hosi Senior Professional Governasaun Di'ak **Aureo Jose Antonio Savio** hamutuk ho Diretora Delegasaun Teritorial Baucau **Joanita da Costa** partisipa iha enkontru Rejionál AICHR-SEANF ne'ebé hala'o iha Bangkok, Tailândia, datada 24 Setembru 2024, nu'udar pasu importante ida iha servisu advokasia liliu relasiona ho traballadór migrante sira-nia direitu, enrikese komprensaun kona-ba intersetesaun entre negósiu no direitus humanus, no habelar oportunidade ba kolaborasaun transnasionál ba protesaun grupu vulneravel sira.

Enkontru ne'e foka liu ba diskusaun kona-ba protesaun ba traballadór migrante sira-nia direitu no responsabilidade korporativa iha âmbitu Prinsípiu Orientadór ONU nian kona-ba Negósiu no Direitu Umanu (UNGP).

Iha sorumtu ne'e, PDHJ kontribui ba diskusaun kona-ba nesesidade ba mekanizmu ne'ebé efetivu hodi proteje direitu traballadór migrante sira iha rejaun ASEAN.

## 7. Towards Integrity: Regional Dialogue in Kuala Lumpur Tackles Corruption and Human Rights Challenges

Provedór Adjuntu Boa Governasaun **Rigoberto Monteiro** hamutuk ho delegadu sira husi CAC, SEII, no AJAR Timor-Leste, partisipa iha Diálogo Rejionál kona-ba Korrupsaun no Direitus humanus iha Kuala Lumpur, Malázia mak hala'o iha Iorom 1 - 2 Outubru 2024 hodi diskute kona-ba kombate korrupsaun no protesaun direitus humanus iha rejaun ASEAN.

Iha atividade ne'e, PDHJ fahe esperiênsia sira kona-ba importânsia atu harii integridade institucionál nu'udar parte ida husi esforsu sira atu proteje

direitus humanus, nune'e mós fó apoiu ba aprosimasaun kolaborativu entre nasaun sira hodi rezolve korrupsaun ho efetivu.

Partisipasaun ne'e hametin Timor-Leste nia pozisaun iha rede rejonál anti-korrupsaun no direitus humanus, enrikesa estratégia nasional, no hametin kompromisu ba governasaun ne'ebé transparente, efetivu nomós responsivu.

#### **8. The 29th Anuál General Meeting of the Asia Pacific Forum (APF) of National Human Rights Institution**



Foto 18: Provedór Adjunto ho komitiva partisipa iha enkontru jerál Anuál Forum Azia Pasífiku Instituisaun Nasional Direitus humanus ba dala 29 mak hala'o iha Bangkok, 24-25.09.2024

Enkontru Jerál Anuál Forum Ázia Pasífiku (APF) ba dala 29 ne'ebé hala'o iha Bangkok, Tailândia datada 24 Setembru 2024 nu'udar espasu no/ka oportunidade importante ida ba hametin solidariedade no kooperasaun entre instituisaun nasional direitus humanus iha rejaun Ázia-Pasífiku, ne'ebé diskute kona-ba promove igualdade jéneru, hametin kapasidade institucionál, no dezafiu kontemporáneu sira iha protesaun direitus humanus.

PDHJ reprezenta hosi Provedór Adjunto Boa Governasaun **Rigoberto Monteiro** hodi partisipa iha eventu refere, nu'udar pasu importante iha prosesu hametin Timor-Leste nia kredibilidade internasional, enrikesa estratégia nasional ba protesaun direitus humanus, no habelar rede profisionál sira iha nível rejonál.

#### **9. The International Conference on Gender Inclusion in National Human Rights Institutions (NHRIs)**

PDHJ iha kompromisu ba promove igualdade jéneru, enrikesa prática nasional sira, no harii kooperasaun internasional hodi hasoru dezafiu jéneru iha promosaun direitus humanus.

Nune'e PDHJ reprezenta hosi Provedora-Adjunta ba Direitus humanus, **Maria Marilia Ximenes Castro de Oliveira da Costa** partisipa iha Konferénsia Internasionál kona-ba Inkluzau Jéneru iha Instituisaun Nasional Direitus humanus nian ne'ebé hala'o iha Kathmandu, Nepal datada 3-5 Setembru 2024, hodi diskute no buka maneira oinsa aselera integrasaun perspetiva jéneru nian iha política no operasaun sira hosi instituisaun nasional direitus humanus nian (NHRIs).



Foto 19: Provedora Adjunta hamutuk ho komitiva partisipa iha konferensia interiNasionál kona-ba jéneru no inkluzaun iha Instituisaun Nasional Direitus humanus mak hala'o iha Kathmandu, Nepal, 3-5.09.2024

Durante konferénsia, PDHJ kontribui ba diskusaun sira kona-ba estratéjia sira atu hasa'e sensibilidade jéneru iha Instituisaun Nasional Direitus humanus nomós hametin protesaun ba feto no labarik-feto sira.

#### **10. The ASEAN Dialogue on Realizing Southeast Asia as a Torture-Free Region**



Foto 20: Provedora Adjunta partisipa iha ASEAN Dialogue on Realising Southeast Asia as a Torture-Free Region (Banten, 20-21 Agosto 2024)

PDHJ kontinua buka ka esforsu hodi hametin kapasidade institusionál iha prevensaun tortura, hametin kooperasaun rejionál, no afirma kompromisu Timor-Leste nian ba norma direitus humanus internasional sira.

Nune'e, PDHJ reprezenta hosi Provedora-Adjunta ba Direitus humanus **Maria Marilia Ximenes Castro de Oliveira da Costa**, partisipa iha Diálogo ASEAN kona-ba *Realizing Southeast Asia as a Torture-Free Region* ne'ebé hala'o iha loron 20–21 Agosto 2024 iha Indonézia.

PDHJ hola papél ativu iha diskusaun sira kona-ba mekanizmu nasional ba prevensaun tortura, nune'e mós fahe práтика di'ak sira husi esperiênsia Timor-Leste nian. Diálogo ne'e organiza hosi AICHR no SEANF, ho apoiu hosi parseiru internasional sira, hodi hametin esforsu koletivu hodi prevene tortura iha rejaun.

### 11. The AICHR Special Meeting 1/2024



Foto 21: Provedór Adjunto partisipa iha enkontru espesial 1/2024 the ASEAN Intergovernmental Commission on Human Rights (AICHR) nian iha Vientiane, Lao PDR. (23–26July 2024)

Timor-Leste iha mehi no esfrosu maka'as atu adere-an iha rede no komunidade regional sira inklui ASEAN.

Nune'e PDHJ nia envolvimentu iha dinâmika regional direitus humanus nian, atualiza informasaun kona-ba política direitus humanus no governasaun diak, nu'udar afirmasaun NASAUN nia-prontidaun atu hametin integrasaun ho mekanizmu ASEAN nian iha futuru.

Purtantu, iha tinan ida ne'e, PDHJ reprezenta hosi Provedór Adjunto Boa Governasaun no Diretora Promosaun hamutuk ho reprezentante husi Ministériu Negósiu Estranjeiru no Kooperasaun (MNEC) no Ministeriu Justisa, partisipa nu'udar observadór iha Enkontru Espesiál AICHR 1/2024 ne'ebé hala'o iha Vientiane, Laos.

Enkontru ne'e ko'alia kona-ba dezenvolvimentu regional sira kona-ba direitus humanus, atualizasaun kona-ba programa prioridade sira AICHR nian, no ASEAN nia planu estratéjiku.

## 12. Festival Hak Asasi Manusia (HAM)

Provedór ba Direitus humanus no Justisa **Virgílio da Silva Guterres 'Lamukan'**, partisipa iha Festivál Direitus humanus ne'ebé hala'o iha Bitung, Sulawesi Norte, Indonézia iha loron 29-31 fulan-Jullu tinan 2024.

Festivál ne'e kombina workshop no diálogo nakloke sira ne'ebé envolve governu lokál, líder relijiozu, no komunidade sira hodi hametin partisipasaun públiku nian iha foti desizaun kona-ba asuntu direitus humanus nian.

PDHJ nia partisipasaun iha eventu sira hanesan ne'e hodi fahe esperiénsia sira kona-ba oinsa promove no hasa'e envolvimentu komunidade lokál hodi avansa direitus umanu, hametin kooperasaun institusionál. Aproveita biban ne'e, Provedór halo interasaun ho Komisaun Nasionál Direitus humanus Indonézia hodi diskute kona-ba kontinuasaun implementasaun Nota Entendimentu (MoU) entre instituisaun rua ne'e.

## 13. 1st ASEAN Forum on Freedom of Peaceful Assembly



Foto 22: Provedór de Direitus humanus e Justiça partisipa no hato'o intervensaun iha the first ASEAN Forum on Freedom of Peaceful Assembly iha Banten, Indonesia, 15-16 July 2024

Nu'udar papel PDHJ nian atu asegura avansa padraun direitu sivil no políтика iha nível nasional no regional liu hosi hametin implementasaun direitu ba liberdade reuniaun pasífika iha estadu membru ASEAN tuir Deklarasaun Direitus humanus ASEAN, nune'e Provedór de Direitus humanus e Justiça **Virgílio da Silva Guterres 'Lamukan'**, partisipa 1º Forum ASEAN kona-ba Liberdade ba Reuniaun Pasífika ne'ebé hala'o iha loron 15-16 Jullu 2024 iha Banten, Indonézia.

Perante forum ne'e, PDHJ hato'o Timor-Leste nia komprimisu relasiona ho habelar espasu sivil ne'ebé inkluzivu no garante liberdade espresaun no reuniaun ba sidadaun hotu-hotu.

#### 14. International Anti-Corruption Conference (IACC) XXI

Provedór de Direitus humanus e Justiça **Virgílio da Silva Guterres 'Lamukan'**, partisipa iha XXI Konferénsia Internasional Anti-Korrupsaun (IACC) hodi fahe esperiénsia, dezafiu no inovasaun iha esforsu atu halakon korrupsaun.

Liu hosi forum ida ne'e PDHJ haforsa nia aprosimasaun hodi hadia approximasaun sira oinsa bele harii governasaun ne'ebé transparente no akuntavel iha Timor-Leste. Partisipasaun ne'e mós enrikes PDHJ nia rede kooperasaun internasional, habelar asesu ba práтика di'ak liu-liu iha esforsu anti-korrupsaun, no hametin kompromisu ba integridade institusionál.

Konferensia ne'e hala'o iha Vilnius, Lituániane'ebé datada 18–20 Juñu 2024, ne'ebé halibur nasaun liu 150.

#### 15. 39th AICHR Meeting in Jakarta, Indonézia



Foto 23: Provedór Adjuntu Boa Governasaun Rigoberto Monteiro partisipa nu'udar observador iha enkontru ba dala 39 AICHR nian ne'ebé hala'o iha Jakarta, 19-22.05.2024

Provedór Adjuntu Boa Governasaun partisipa iha Sorumtu AICHR ba dala 39 ne'ebé hala'o iha Jakarta, Indonézia hodi ko'alia kona-ba dezenvolvimentu lejizlasaun direitus humanus, programa prioridade AICHR, no mós tópiku sira hanesan direitu defisiénsia, direitu feto no labarik, dezinformasaun, no relasaun entre negósiu no direitus humanus iha rejiaun ASEAN.

Partisipasaun iha eventu ne'e nu'udar pasu importante ba hametin Timor-Leste nia advokasia relasiona ho adezaun tomak ba ASEAN no afirma país nia envolvimentu ativu iha dinámika direitus humanus rejjionál. Nune'e,

perante oportunidade ne'e, PDHJ subliña Timor-Leste nia progresu ne'ebé signifikativu iha ámbitu direitus humanus no demokrasia, nomós reafirma nia kompromisu atu dezenvolve indikadór nacionál direitus humanus.

#### **16. The 13th General Assembly and the World Conference of the International Ombudsman Institute (IOI)**



Foto 24: Provedór partisipa iha asembleia jeral no konferensia mundial International Ombudsman Institute (IOI) iha Haia, Netherlands, 18.05.2024

Provedór de Direitus humanus e Justiça, **Virgílio da Silva Guterres 'Lamukan'** ho nia komitiva partisipa iha Asembleia Jeral no Konferénsia Mundial Instituto Provedór Internasional (IOI) ba dala 13 ne'ebé hala'o iha Haia, Olanda datada 12–17 Maiu 2024, ne'ebé levanta kona-ba “Act together for our tomorrow” hodi diskute kona-ba dezafiu globál sira hanesan mudansa klimática, étika servisu públiku, no papél instituisaun ombudsman nian relasiona ho protesaun direitus humanus.

Konferensia mundial ne'e fó oportunidade ba membru IOI hotu-hotu no delegasaun 200 husi nasaun 60 inklui Timor-Leste, fahe esperiénsia nacionál sira, haforsa kapasidade hodi haree ba asuntu trans-setórial, nomós hametin kooperasaun.

#### **17. GANHRI Annual Meeting 2024**

Provedór de Direitus humanus e Justiça **Virgílio da Silva Guterres 'Lamukan'** ho ekipa Provedória dos Direitus humanus e Justica partisipa iha Enkontru Anuál GANHRI-2024 ne'ebé hala'o iha Jenebra, Suisa, iha Palasiu / Eskritóriu ONU nian, datada 6–8 Maiu 2024, ne'ebé halibur instituisaun nacionál direitus humanus husi mundu tomak hodi fahe práтика di'ak no hametin solidariedade globál nune'e proteje direitus humanus.

Iha forum ne'e, PDHJ partisipa iha diskusaun temática, inklui sesaun kona-ba responsabilidade emprezariál hasoru direitus humanus. Envolvimentu ida-ne'e hametin PDHJ nia pozisaun iha rede Instituisaun Nasional Direitus humanus nian (NHRI) iha nível globál nia laran, enrikese aprosimasaun

nasionál ba protesaun direitus humanus, no hatudu kompromisu Timor-Leste nian atu tane ho konsistente padraun direitus humanus internasional sira.



Foto 25: Provedór de Direitus humanus e Justiça hamutuk ho Provedora Adjunta Direitus humanus, Diretora Promosaun partisipa iha enkontru anuál GANHRI 2024 iha Genebra, 08.05.2024

### 18. Meeting with Portuguese Justice Ombudsman

Timor-Leste iha relasaun historika nomós lian ne'ebé nakait tebtebes ho Portugal. Nune'e iha loron 8 Maiu 2024 Provedór de Direitus humanus e Justiça **Virgílio da Silva Guterres 'Lamukan'** ho nia komitiva, hala'o enkontru bilateral ho Provedora de Justiça Portugal nian iha Portugal.

Sorumtu ne'e hanesan parte ida atu hametin kooperasaun institusionál entre nasaun rua ne'ebé liga ho prinsípiu direitu públíku. Iha hasoru malu ne'e, Provedór rua troka informasaun no práтика sira iha ámbito promosaun direitus humanus no justisa, nomós oportunidade ba kolaborasaun iha futuru. PDHJ konfirma, enkontru refere la'ós de'it hametin relasaun bilaterál, maibé mós fó asesu adisionál ba PDHJ atu aprende husi Portugal nia esperiénsia hodi hametin mekanizmu protesaun direitus humanus.

### 19. Meeting with Association Prevention of Torture (APT)

Provedór de Direitus humanus e Justiça **Virgílio da Silva Guterres 'Lamukan'** ho ekipa enkontru ho asosiasaun prevensaun tortura (APT) iha loron 6 maiu hodi reintera kontinuasaun kooperasaun servisu iha futuru entre PDHJ ho APT.

APT apoiu ona PDHJ hodi dezenvolve módulu kona-ba prevensaun tortura ba guarda prisionál. Nune'e iha sorumtu ne'e Provedór atualiza progresu servisu sira ne'ebé mak atinji ona, no oinsa liu husi kooperasaun ne'e PDHJ bele apoiu formasaun ba guarda prisional.

Provedór mós atualiza progresu servisu sira ne'ebé mak atinji ona, no oinsá liu husi kooperasaun ne'e PDHJ bele apoi formasaun ba gurda prisionál inklui PNTL no Falintil-FDTL.

Enkontru ne'e atu hameting parseria entre PDHJ no APT, avalia progresu husi inisiativa konjunta sira, no esplora meius atu habelar formasaun direitus humanus iha ajénsia aplikasaun lei sira iha Timor-Leste.

## 20. AICHR Consultation on Human Right Index

PDHJ reprezenta hosi Provedór Adjuntu Boa Governasaun **Rigoberto Monteiro**, partisipa iha Konsultasaun AICHR kona-ba Índise Direitus humanus ne'ebé hala'o iha Iorom 29–30 Abril 2024.

Konsultasaun ne'e AICHR introdús abordajen ida hodi dezenvolve Índise direitus humanus rejjonál ne'ebé bele aplika no adapta hosi Estadu membru ASEAN sira, inklui iha kontestu levantamento no indikadór nacionál.

Eventu ne'e fó kontribuisaun estratéjiku ba dezenvolvimentu sistema nacionál monitorizasaun direitus humanus nina, no hametin relasaun téknika no substantiva ho AICHR no NHRI rejjonál sira seluk.

## 21. Regional Workshop on Land Conflict Monitoring



Foto 26: Provedór de Direitus humanus e Justiça partisipa no nu'udar co-host iha kolokiu rejjonal kona-ba conflict monitoring ne'ebé realiza husi ANGOC for agrarian reform and rural development iha Jakarta, Feb 2024.

PDHJ nu'udar co-host iha Regional Workshop on Land Conflict Monitoring ne'ebé organiza husi Asian NGO Coalition for Agrarian Reform and Rural Development (ANGOC), Land Watch Asia no the Konsortium

Pembaharuan Agraria (KPA) pareria ho Komisaun Direitus humanus Filipina (CHRP).

Iha workshop ne'e apresenta no diskute rezultadu no rekomendasau husi relatório monitorizaun konflitu rai, identifika area asaun prinsipál sira iha nível regional hodi resolve konflitu rai no esplora pareria ho parte interesada sira seluk iha rejaun Asia.

Provedór de Direitus humanus e Justiça ho delegasaun partisipa mak partisipa iha workshop refere. Iha intervensaun Provedór hato'o Timor-Leste mós iha problema ba rai liu-liu iha kultura patriarkal ne'ebé maka poder mane boot liu kompara ho feto sira.

Ne'ebé maka oan mane maka sai nain ba rai kompara ho oan feto sira. Alende ne'e konflitu rai hanesan mos problema ba direitus humanus. Iha sesaun enserramento regional workshop ne'e, **Virgílio da Silva Guterres 'Lamukan'** husu membru hotu ne'ebé maka hamahan-an iha ANGOC atu luta makas hodi buka solusaun nune'e rezolve konflitu sira kona-ba rai.

## 22. PDHJ Partisipa iha Komemorasaun tinan 50 Provedór de Justiça de Portugal



Foto 27: Mesa-redonda "o Provedor de Justiça na transição e consolidação democráticas no espaço Iusófono" no âmbito comemoração do 50.º aniversário da instituição do Provedor de Justiça de Portugal.

Tenkinu Espesializada Jurídika **Helena Madeira** reprezenta Provedór de Direitus humanus e Justiça (PDHJ) hodi partisipa iha Comemorações do 50.º aniversário da instituição do Provedor de Justiça de Portugal iha loron 26 Setembru 2024.


PDHJ nia partisipasaun iha selebraun aniversariu ba dala 50 ne'e nu'udar oportunidade atu hametin relasaun bilaterál, fahe koñesimentu, hasa'e kapasidade institusionál, nomós promove kooperasaun rejonál.

### 2.3.9. Mídia no Publikasaun Informasaun

Iha 2024, PDHJ halo saltu signifikativu ida hodi hametin ninia vizibilidade institusionál no envolvimentu públiku liuhosi estratéjia xave sira mídia no komunikasaun nian. Tinan ne'e marka faze transformativu ida ba PDHJ nia divulgasaun ba mídia, ne'ebé fomenta hosi inovasaun, inkluzividade, no espansaun multi-plataforma.

Alein-de plataforma Facebook no website, PDHJ diversifika nia prezensa dijital hodi lansa no jere ho ativu konta mídia sosiál foun sira, inklui TikTok, Instagram, LinkedIn, Flickr, no YouTube. Diversifikasiacaun ida-ne'e permite instituisaun atu abranje audiénsia ne'ebé luan liu, partikularmente utilizadór no profisionál foinsa'e sira.


#### Content Evolution



**46 VIDEOS**

**94 WEBSITE POSTS**  
(up from 54)

#### Audience Impact



**506.500+**  
VIDEO VIEWS

**161.600 → 342.300**  
PAGE REACH



Foto 28: Provedór akompanha hosi Sekretario Ezekutivu nomós Xefe Gabinete enkontru ho mídia "meet the press" hodi apresenta observasaun PDHJ relaciona ho atuasaun Governu iha ámbitu vizita Papa Francisco mai Timor-Leste

Formatu konteúdo nian mós hetan evolusaun substansiál. Husi publikasaun ho forma tradisionál, PDHJ introduz konteúdo ho formatu sira ne'ebé amigavel ba mídia sosiál, produz infografika, vídeo badak, no konteúdo ne'ebé envolve ho vizuál ne'ebé adapta ba padraun espesífiku sira plataforma nian. Iha totál, PDHJ produz konteúdo hamutuk 453, inklui vídeo 46, kompara ho 2023 ne'ebé iha konteúdo 273. Atividade website mós aumenta maka'as, ho publikasaun 94 iha 2024, sa'e hosi 54 iha tinan anteriór.

Atu promove inkluzividade, PDHJ introdús interpretasaun lian jestuál iha ninia materiál vídeo sira, hodi halo konteúdo asesivel liután ba ema sira ho defisiénsia tilun. Adisionalmente, 2024 marka introdusaun ba konteúdo iha lian Inglés iha PDHJ nia mídia sosiál no website, hodi hasa'e asesibilidade ba públiko no parseiru internasional sira.

Ekipa mídia nian foti aprosimasaun ida ne'ebé bazeia ba dadus hodi analiza didi'ak algoritmu plataforma nian no hahalok audiénsia nian, hodi permite produsaun konteúdo ne'ebé responsivu no relevante liu ne'ebé aliña ho interesse audiénsia nian no tendénsia emergente sira.

Provedór, Provedór-Adjuntu sira no Kargu Xefia, envolveativamente ho mídia durante tinan tomak. Sira partisipa iha talk show oioin no entrevista sira iha kanais nasional sira hanesan RTTL.EP, Rádiu Liberdade, Independent TV, Tatoli Online, Gardamor TV, MFTV, no TVET. Hamutuk, sira hasai Press

Statement 25 no hala'o eventu "Meet the Press" haat, hodi reforsa PDHJ nia kompromisu ba transparénsia no diálogu ho público.



Foto 29: Provedor de Direitos Humanos e Justiça, Sr. Virgílio da Silva Guterres 'Lamukan' 'Lamukan' marca prejensa iha estudiu Radio Liberdade Dili - FM 95.8 Mhz, hodi priense programa HADEER hodi koalia kona-ba Poder Policial liga ho papel PDHJ ba proteje direitos humanos no promove governasaun diak

Impaktu husi esforço sira-ne'e sai evidente iha rezultadu sira ne'ebé bele sukat. Facebook nia seguidor sira (followers) aumenta 60.89%, sa'e hosi 16,778 iha 2023 ba 26,995 iha 2024. Conteúdo vídeo nian hetan ona vista liu 506,500, no totál pájina nian aumenta liu dala rua hosi 161,600 iha 2023 ba 342,300 iha 2024, indikasaun ida ne'ebé klaru iha interesse público no aumentu engajamento.

Iha rezumu, tinan 2024 hanesan tinan ida ne'ebé iha progresu signifikativu ba PDHJ nia servisu mídia no komunikasaun nian. Espansaun ba plataforma, formatu publikasaun, lian, no prática inkluzivu sira ne'ebé estabelese ona fundasaun ida hodi hametin instituisaun ida ne'ebé vizivel liu, asesivel no responsivu.

## 2.4. Servisu Prevensaun

### 2.4.1. Vizita Prizaun

Nº	Prizaun	Ema dadur			Juvenil		Estranj.		Pena prizaun	Prizaun Prev.		
		Sexu			Sexu		sexu					
		Total	M	F	M	F	M	F				
1	Becora	421	421		35	0	7	0	347	74		
2	Gleno	102	79	23	1	2	1	1	96	6		
3	Suai	120	120	0	4	0	0	0	98	22		
<b>Sub Total</b>		<b>643</b>	<b>620</b>	<b>23</b>	<b>40</b>	<b>2</b>	<b>8</b>	<b>1</b>	<b>541</b>	<b>102</b>		

Tabela 1: Tabela ne'e, hatudu katak ema ne'ebé agora daudauk dadur iha prizaun sira iha Timor-Leste hamutuk ema nain 643, dadur mane nain 620 no dadur feto 23, inklui bebe feto 1, alen-de ne'e iha dadur Juvinil hamutuk 40, mane 38 é feto 2, ema dadur ne'ebe hetan ona pena Prizaun 541, preventiva 102, nune'e mós ema dadur estranjeiru nain 9, feto ida mane 8, nain 7 husi nasau Indonézia, 2 husi Nigeria.

Durante tinan 2024, PDHJ vizita ona prizaun tolu iha Timor-Leste, Becora, Gleno no Suai. PDHJ halo vizita ba fatin hirak ne'e hodi haree kondisaun iha prizaun sira tuir padraun direitus humanus no garante katak dadur sira hetan tratamentu ne'ebé adekuadu. Relatório vizita prizaun 2024 ne'e produz no sei publika iha aniversariu PDHJ nian datada 26 maiu 2025. Purtantu, iha parte ida ne'e, ami apresenta sumáriu hosi servisu refere hanesan tuirmai:

- Ω PDHJ konfirma katak, prizoneiru iha prizaun Becora barak liu, ne'ebé kapasidade bloku/sela la natoon atu akumula prizoneiru sira. Nune'e prizoneiru sira obrigatoriu toba iha sala, no balu la toba iha kolxaun.
- Ω Prizaun sira enfrenta problema kona-ba ventilasaun, dapur no haris fatin ne'ebé ladiak, saneamentu no fornesimentu bee-moos ne'ebé la estavel.
- Ω Prizoneiru/a ho Deficiente Mental hela hamutuk iha sela ida ho prizoneiru sira ne'ebé la'os moras mental. Prizoneiru sira iha moras tuberkuloze no hipertensaun, enkuantu iha prizaun sira laiha pesoál médiку ne'ebé suficiente hodi atende moras sira.
- Ω Detidu barak mak hetan akompañamentu hosi advogadu iha deit momentu audiénsia dahuluk no la hetan tan asisténsia legál, nomós barak la hatene kona-ba progresu ba sira nia kazu.

- Ω Porsaun hahan ba prizoneiru la adekuadu ka la natoon, nomós dala barak la tuir padraun nutrisaun nian. Konsumu na'an nebe la tasak, prizoneiru sira tenke habai no han fila-fali. Fornesimentu hahan la tuir kontratu.
- Ω Guarda Prizional falta ekipamentu seguransa nian hanesan aljema, ai-tonka no ekipamentu seluk ba ofisiál sira.
- Ω Agresaun fizika ba prizoneiru sira kontinua akontese, liuliu bainhira foin tama iha prizaun. Purtantu, laiha mekanizmu ne'ebé efetivu atu relata no trata kazu violénsia ba prizoneiru sira.

Hamatan ba pontu sira iha leten, PDHJ hato'o ba entidade hotu-hotu atu hola medida sira hanesan tuirmai:

- ⌚ Aloka orsamentu ba konstrusaun no reparasaun prizaun, liu-liu atu rezolve sobrekapasidade. Aselera establesimentu Prizaun Produtiva Weberek no Sentru Reabilitasaun Juvenil Tibar hodi haketak kategoria dadur sira bazeia ba idade, jéneru no tipu krimé.
- ⌚ Asegura katak detidu hotu-hotu hetan asistnsia legal ne'ebé adekuadu to'o prosesu legal remata, nune'e presiza hadi'a koordenasaun entre tribunál sira hodi aselera julgamentu ba detidu sira ho estatutu pré-julgamentu.
- ⌚ Koloka pesoál médiku barak liután no hadi'a facilidade saúde iha prizaun sira. Asegura disponibilidade ai-moruk no ekipamentu médiku iha prizaun sira.
- ⌚ Asegura distribuisaun ai-han tuir padraun nutrisaun, oráriu nomós espesifikasiasaun ne'ebé define ona iha kontratu.
- ⌚ Asegura no/ka dezenvolve sistema seguransa ne ebé di'ak liu, inklui instalasaun CCTV no ekipamentu seguransa ba guarda prizional sira.

Relatório ne'e konfirma katak kondisaun iha prizaun balun iha Timor-Leste to'o agora seidauk tuir padraun direitus humanus nian. Problema prinsipál sira ne'ebé hasoru maka sobrekapasidade, facilidade saúde, ijiene ne'ebé ladi'ak, no laiha asesu ba asisténsia legál. PDHJ husu ba governu atu foti pasu konkretu hodi hadi'a kondisaun iha prizaun laran, hodi nune'e bele garante tratamentu ne'ebé diak no umanu ba dadur sira.

## 2.4.2. Vizita Sela Detensaun



Foto 30: Ekipa Fiskalizasaun PDHJ nacionál halo monitorizasaun ba detensaun iha komandu munisípiu Manatuto, datada 27.08.2024

Iha tinan 2024, servisu fiskalizasaun no rekomendasau vizita ona sela detensaun 48 kompostu hosi sela detensaun iha komando PNTL 10, nomós sela detensaun iha eskuadra PNTL 38.

Monitorizasaun no/ka fiskalizasaun ne'e hodi haree kondisaun sela detensaun nian, atendimento ba detidu sira nomós situasaun no kondisaun jerál PNTL nian iha komando no/ka eskudara idaidak. Relatório vizita sela detensaun komandu no eskudara tinan 2024 ne'e produz no sei publika iha aniversariu PDHJ nian datada 26 maiu 2025, nune'e iha parte ida ne'e sei apresenta sumáriu kona-ba rezultadu hosi servisu refere.

Hosi servisu monitorizasaun no fiskalizasaun ne'e konfirma, kondisaun sela detensaun sira iha Timor-Leste ladauk adekuadu no sei dook hosi padraun direitus humanus nian, hanesan define tuirmai:

- ♠ Kondisaun infraestrutura edifisiu komandu no eskuadra PNTL sira ladauk adekuadu. Ne'ebé kuaze iha sela detensaun balun mak laiha ventiladora nune'e menus naroman, sanitasaun ne'ebé ladauk adekuadu, inklui laiha sumaxu, esponza no/ka biti, nomós laiha uniforme ba detidu sira. Purtantu, la'os sela detensaun hotu iha Timor-Leste mak iha bee moos nomós eletrisidade. Enkuantu iha sela detensaun balu mak la utiliza hodi detein detidu no uza ba tau sasan nomós fatin deskansa / kazerna ba membru PNTL sira;
- ♠ Supeitu sira balu hetan agresaun fizika (baku, tebe, sama) hosi autoriedade seguransa sira iha prosesu kapturasaun. Purtantu maioria detidu sira mak la hetan asistensia médica, asesu ba hahan nomós protesaun legal ne'ebé appropriadu. Ne'ebé detidu barak mak laiha defensor no/ka apoiu legal nian, konsulta médica no apoiu saude ne'ebé la disponivel regularmente.
- ♠ Sela detensaun barak mak laiha sistema seguransa nian hanesan CCTV. Enkuantu moru protesaun iha edifisiu PNTL barak mós mak

aat, no balun laiha, menus ekipamentu no material operasional hanesan alzema, lampra, kareta ba patrullamentu nian, kamera, gravasaun, nomós membru PNTL sira nia farda ne'ebé tuan no balu dodok/nakles ona.

Hosi averiguasaun hirak ne'e, hato'o mai ita, nesesita duni aumenta orsamentu ba rehabilitasaun sela detensaun sira nomós manutesaun no kompleta fasilidades baziku sira. Kompleta material no ekipamentu operasional ba PNTL hodi ezekuta lei no ordem ho profesional.

Fomenta servisu kontrolu relaciona ho atendimento no tratamento ba detidu sira, hodi serteja detidu idaidak hetan asesu ba nesesidade baziku hanesan hahan, bee moos, no sanitasaun ne'ebé adekuadu. Asegura katak, detidu sira hetan asesu ba tratamento saude, fornese asistensia mediku ne'ebé diak no regular, nomós asisténsia legal. Aktu sira ne'e deit mak bele asegura laiha violasaun direitus humanus iha detensaun laran.

PDHJ nia esperativa, resultadu ida ne'e nu'udar fundamento ba entidade hotu-hotu hodi hola desizaun no/ka define estratégia nune'e bele melloria kondisaun sira iha sela detensaun, nomós asegura protesaun ba direitus humanus.

#### 2.4.3. Vizita Sentru Protesaun Sosial



Foto 31: Ekipa Fiskalizaun PDHJ Halo observasaun direta ba beneficiáriu no traballadór iha Sentru Apoiu Saúde, São João de Deus, Laclubar-Manatuto. (Foto – Januário dos Santos Pereira, Ofisial Monitorizaun PDHJ, 06/04/2024).

To'o tinan 2024 nia rohan, PDHJ halo vizita regular ba Uma Mahon Sentru Esperansa ba Feto (CET) iha Salele, Tilomar, Covalima, Uma Mahon Casa Vida iha Bidau, Dili, Uma Mahon FOKUPERS iha Dili, Sentru Rehabilitasaun Klibur Domin iha Tibar, Liquiça, Sentru Apoiu Saúde São João de Deus iha Laclubar, Manatuto, no Sentru Protesaun Sosial Topo Honis Kutete iha Pante

Makassar, RAEOA. Fatin hirak ne'e mak sentru protesaun sosial nian, ne'ebé fornese resposta sosial ba vitima violasaun bazea ba jéneru, orfonatu, ema ho defisiensia nomós moras sira.

PDHJ nia vizita ba fatin hirak ne'e hodi haree atendimentu mak sentru hirak ne'e fornese ba vitima sira, labarik, ema ho defisiensia fizika, ema ho defisiensia mental nomós moras sira hanesan TBC.

Resultadu hosi servisu ida ne'e, PDHJ produz no produz no sei publika iha aniversariu PDHJ nian datada 26 maiu 2025. Nune'e iha parte ida ne'e, sei apresenta sumáriu kona-ba resultadu hosi servisu ne'e hanesan tuirmai:

### **1) Asisténsia Sosial ba Vitima Violensia Bazea ba Jéneru**

Asisténsia no rehabilitasaun ba vitima violensia domestika no violensia seksual importante tebes. Feto no labarik feto sira ne'ebé enfrenta violasaun hirak ne'e, sira hela iha situasaun vulneravel, nune'e presiza hetan protesaun hosi estadu. Konfirma katak, vitima barak nafatin hetan estigma iha sosiedade, nomós hetan rejeisaun hosi familia.

Nune'e, sentru hirak ne'e fasilita asistensia liu hosi programa akonsellamentu, formasaun, nomós apoiu sira hodi kontinua sira nia estudu, liu-liu sira ne'ebé frekuenta hela estudu iha ensinu baziku nomós sekundáriu.

Sentru ka uma mahon hirak ne'e esforsu oinsa vitima sira bele sai hosi situasaun trauma, lakon esperansa, no sai ema ne'ebé fiar-an no independente hodi hala'o moris.

Purtantu, sentru hirak ne'e enfrenta problema estrutural sira hanesan, prosesu judisial ba vitima sira nia kazu kleur, nomós apoiu legal ne'ebé minimu. Kazu barak kona-ba violénsia seksuál hasoru labarik sira pendente hela iha tribunál, hodi difikulta justisa ba vítima sira, nomós esforsu familia no/ka autor nian hodi taka kazu antes prosesa tuir dalan legal.

Enkuantu, sentru no uma mahon hirak ne'e enfrenta mos problema operasional hanesan menus orsamentu, ne'ebé implika ba facilidade báziku sira hanesan kolxaun, roupa no material hijine no sanitasaun nian. Kapasidade akomodasaun nian dalabarak la suficiente, nune'e vítima sira tenke toba hamutuk iha fatin ne'ebé ki'ik ka Kloot.

Maioria sentru no uma mahon hirak ne'e dependente ba orsamentu hosi governu liu hosi Ministeriu Solidariedade Sosial no Inkluzau (MSSI), ne'ebé dala barak transfere osan tarde. Enkuantu, iha sentru no uma mahon balun persiza buka apoiu hosi parseiru ka doador sira seluk hodi asegura funzionamentu organizasaun.

### **2) Asistensia Saude no Rehabilitasaun ba Ema ho Defisiensia Fizika no Mental**

Sentru Klibur Domin no Sentru Apoiu Saúde São João de Deus ne'ebé fornese asistensia ba moras sira, nomós rehabilitasaun ba ema ho defisiente fizika, enfrenta problema sira mak hanesan, menus médiку espesializadu,

fasilidades rehabilitasaun nian, nomós ekipamentu fisioterapia, aimoruk ba ema ho defisiente mental nafatin susar atu asesu, ne'ebé tipu aimoruk balun mak presiza importa hosi nasaun liur hanesan Portugal, prejudika atendimento mak diak ba moras sira.

#### **Hosi rezultadu iha leten, hakarak rekomenda ba entidade hotu-hotu, atu:**

- ⌚ Fó apoiu finanseira no/ka aumenta tan apoiu finanseira ba sentru hirak ne'e hodi fornese asistensia ne'ebé adekuadu no kualidade ba sira nebe presiza.
- ⌚ Fó protesaun legál ne'ebé di'ak liu ba vítima sira atu nune'e sira labele hetan intimidasaun ka presaun husi autor ka família, nomós aselera prosesu legál ba kazu violénsia seksuál no violénsia bazeia ba jéneru atu nune'e vitima sira bele hetan lalais justisa.
- ⌚ Prepara no/ka fornese professional saude, nomós fasildade rehabilitasaun nian ba ema defisiente fiziku no mental. Asegura disponibilidade aimoruk ba pasiente mental nomós TB.

Relatório ida-ne'e subliña papél importante hosi sentru protesaun sosiál ba grupu vulneravel sira iha Timor-Leste, nomós dezafiu sira ne'ebé sira hasoru, partikularmente kona-ba finansiamentu, fasildade no protesaun legál. PDHJ realsa presiza atensaun barak liu tan husi governu no parte oin-oin hodi hadia kondisaun sentru sira ne'e atu nune'e bele kontinua fo atendimento ne'ebé dignu no efetivu ba vitima no pasiente sira ne'ebé presiza.

#### **2.4.4. Vizita Hospital, Sentru Saude, Postu Saude no Institutu Farmásia**



Foto 32: Fotografía Uza Sala Laboratoriu hodi fo partus ba Inan ne'e, Sala Klot no tau deit kama partus ida deit laiha espasu atu pasient book-an no movimentu familia nian, nune'e mos kama refere uza kleur no ferujen ona, iha CS Luro

Provedória dos Direitos Humanos e Justiça (PDHJ) liu hosi servisu fiskalizasaun no rekomendasau halo ona monitorizaun no/ka fiskalizasaun iha HNGV, Hospital Refereal Maubisse, Baucau no RAEOA, Servisu Saude Municipal lima, Institutu Nasional Farmásia no Produto Médiku iha nasional no munisípiu rua, sentru saúde komunitaria no sentru saúde internamento 37,

nomós postu saúde neen, hodi haree ka observa disponibilidade aimoruk, rekursu Humanus, kondisaun no/ka facilidade iha sala maternidade nomós laboratorium.

Relatório ba servisu ne'e ekipa produz produz no sei publika iha aniversariu PDHJ nian datada 26 maiu 2025, enkuantu, iha parte tuirmai, sei apresenta sumariu kona-ba rezultadu no rekomendasaun sira hosi servisu refere, hanesan tuirmai:

### **Ω Aimoruk iha estabelesimentu saude sira la Natoon hodi hatan ba moras sira**

Disponibilidade aimoruk esencial, vital no nesesáriu iha hospital to'o iha postu saude balu menus tebtebes, ne'ebé kauza hosi servisu kontrolu no/ka supervizaun ba jestau aimoruk liu hosi sistema M-Supply ladauk maximu, dependensia ba sistema jestau aimoruk ne'ebé Manuál, nune'e prejudika prosesu enkomenda no/ka distribuisaun aimoruk, nomós planeamentu ba aimoruk la presizu.

Estabelesimentu saúde balu ladauk asesu no/ka uza sistema sira ba kontrolu no notifikasiacaun ba nesesidade sira ai-moruk nian mak organizadu. Ne'ebé PDHJ deteta, iha fatin balu iha ai-moruk barak hela, enkuantu iha fatin seluk aimoruk menus, no/ka laiha. Transporte no apoiu lojistika ne'ebé la kondisiona nu'udar mós kauza prinsipál ba distribuisaun aimoruk tarde hosi nível nasional ba municipal to'o iha instalasaun saude sira iha area remotas.

Konfirma mós, orsamentu ne'ebé aloka ba akizisaun aimoruk ki'ik ka menus hosi padraun mak rekomenda hosi WHO, afeta ba falta/menus estoke aimoruk iha teritoriu nasional. Enkuantu, prosesu aprovisionamento ba medikamentu dala barak tarde kauza administrativu afeta ba laiha estoke ba tempu naruk.

### **Ω Rekursu Humanu ne'ebé la Natoon**

Iha estabelesimentu saude barak mak pessoal saude la to'o inklui médiku, enfermeiru, parteira, farmasista no analista sira iha laboratorium. Iha sentru saude balu iha deit médico ida ne'ebé responsabiliza no/ka fornese atendimento ba sidadaun sira hahu hosi emergencia to'o iha konsulta ba inan isin rua sira.

Enkuantu, iha momentu ne'ebé estabelesimentu saude sira menus rekursu humanu, pessoal saude barak mak nia kontratu la kontinua, ne'ebé prejudika tebtebes fornesimentu asistensia saude no/ka mediku ba sidadaun sira ne'bé presiza.

**Ω Kondisaun Infraestrutura no Ekipamentu Médiku ne'ebé Ladiak**

Foto 33: Fotografia ekipamentu/material balun iha laboratorium ne'ebé aat

Hospital, sentru saude no postu saude barak mak kondisaun infraestrutura ne'ebé la adekuadu. Sala laboratori, sala maternidade no sala internamento balu laiha ekipamentu no/ka la suficiente hodi fornese

atendimentu mediku ne'ebé optimu. Enkuantu, iha estabelesimentu saude balu mak laiha bee mos no eletrisidade mak estavel.

Hosi averiguasaun hirak iha leten, nesesita no urjentemente atu entidade sira hotu tau atensaun no hola medida sira ne'ebé adekuadu hanesan tuirmai:

- ⌚ Aumenta orsamentu ba akizisaun medikamentu tuir padraun WHO, ka tuir pedidu hosi INFPM;
- ⌚ Melloria no/ka fortalese sistema rekrutamento pesoál médiку atu nune'e labele iha fatin mamuk ne'ebé difikulta servisu saúde. Enkuantu presiza hanaruk/mantem kontratu ba pessoal/profesional saude sira, koloka iha fatin sira ne'ebé sei presiza;
- ⌚ Halo rehabilitasaun no/ka manutensaun ba fasiliade saude ne'ebé ladiak ona;
- ⌚ Fomenta kordenasaun servisu entre INFPM, Hospital no Sentru Saude sira hodi minimiza no/ka kombate laiha ka menus aimoruk;
- ⌚ Asegura sistema distribuisaun ai-moruk ne'ebé eficiente liu atu evita falta estoke iha área remotas
- ⌚ Fornese treinamentu kontinua ba pesoál saude sira hodi hasa'e kualidade servisu.
- ⌚ Asegura disponibilidade fasiliade báziku sira hanesan bee-moos, eletrisidade no ekipamentu médiку ne'ebé adekuadu iha estabelesimentu saúde hotu-hotu.

Relatório ne'e revela katak sistema saúde iha Timor-Leste hasoru nafatin dezafiu boot, partikularmente kona-ba disponibilidade ai-moruk, pesoál médiку no kondisaun infraestrutura fasiliade saúde nian. Nune'e presiza hetan atensaun sériu husi governu no parte sira ne'ebé iha kompetensia atu rezolve problema ida ne'e, nune'e bele garante servisu saúde ne'ebé adekuadu ba komunidade tomak.

#### 2.4.5. Fiskalizasaun no/ka Monitorizasaun Urjente Sira

Alein-de halo monitorizasaun no/ka fiskalizasaun regular ba asuntu tematiku sira nu'udar deskreve iha pontu sira anterior, servisu fiskalizasaun no rekomendasau mós halo monitorizasaun no fiskalizasaun urjente ba asuntu hirak ne'ebé presiza konfirma no observa urjentemente hodi prevene no/ka identifika violasaun rumu ne'ebé akontese.

Nune'e, durante tinan 2024, servisu fiskalizasaun no rekomendasau urjentemente monitoriza asuntu sira relaciona ho edukasaun, saude, administraun no atendimentu públiku, protesaun no asistensia sosial, ambiente no infraestrutura, fronteira no seguransa, nomós ekonomia no apoiu subsidiu.

## 1. Servisu Edukasaun

PDHJ konfirma, professor kontratadu sira ne'ebé Ministeriu Edukasaun la hanaruk ka kontinua kontratu afeta ba menus professor nune'e prejudika prosesu aprendizajem, nomós professor permanente sira aumenta karga serbisu adisional. Relasiona ho la kontinua kontratu, atuasaun polisia ba eix professor kontratadu hirak ne'ebé halo manifestasaun ba Ministeriu Edukasaun la tuir prinsípiu direitus humanus.

Alein-de kona-ba professor la to'o, aktu violensia hosi Profesor sira ba estudante iha eskola kontinua akontese. Tinan ne'e PDHJ observa akontesimentu aktu violensia ne'ebé professor iha STM Becora halo hasoru estudante, PDHJ husu Ministeriu Edukasaun kontrola implementasaun polítika zero violensia iha eskola.

Enkuantu, programa Merenda eskola ne'ebé nu'udar parte integrante hodi hasa'e nutrisaun estudante nian, maibé iha implementasaun kualidade hahan no menu la tuir espesifikasi, la tuir calendariu distribuisaun nian, nomós konfirma katak, entidade kompetente sira ladun iha kontrolu. Kestaun ne'e PDHJ nota no konfirma iha EBC Diligencia, Malushun, Kotalala, Letefoho, Same, Manufahi.



Foto 34: Ekipa fiskalizaun Delegasaun Teritorial Same hasoru malu ho Diretora Edukasaun Munisípiu Manufahi hodi konfirma no apresenta kestaun sira relasiona ho merenda eskola nian

## 2. Servisu Saude



Foto 35: Provedór de Direitus humanus e Justiça Virgílio da Silva Guterres 'Lamukan' 'Lamukan' hamutuk ho tékniku PDHJ halo monitorizaun ba Hospital Nasional Guido Valadares (HNGV) hodi observa no enkontru ho responsável másimu HNGV nian. 4.06.2024

Iha setór saude, PDHJ konfirma katak, servisu no infraestrutura barak la appropriadu no adekuadu. Konstrusaun postu saude ida iha Beiseuc, Tilomar, Covalima ne'ebé konstrui hosi empreza Caramé Unip.Lda la tuir padraun nune'e labele utiliza.

Relaciona ho atendimentu, Inan ida hahoris iha odamatán (liur) sentru saude Natarbora nian, ne'ebé la hetan asistensia hosi profesional saude sira tanba ladauk tama serbisu.



Foto 36: Diretor Delegasaun Territorial Maliana hamutuk ho ekipa fiskalizador DT Maliana nian no Autoriedade no komunidade suku Beiseuc, Tilomar observa hela kondisaun Uma ba Doutor no Postu Saude ne'ebé la-utiliza tanba kualidade konstrusaun la garantidu

PDHJ mós identifika akontese aktu ilizitu ne'ebé funzionariu Hospital Referal Maliana ida ense kombustivel hospital nian ba nia transporte privadu. Funzionariu ne'e rekoñese no selu fali mina ne'ebé nia uza ona. PDHJ husu entidade kompetente sira atu kontrola no foti medida adekuadu ba aktu ilizitu sira ne'ebé prejudika funzionamentu no/ka servisu públiku.

Alein-de ne'e, PDHJ konfirma katak, prosesu hapara Pessoal limpezador iha Hospital Referal Maliana la justu, hafoin PDHJ halo konfirmasaun, parte kompetente kontrata fali pessoal hirak ne'e no kontinua halo serbisu.

### **3. Administrasaun no Atendimento Públiku**

Iha ita nia rain, nafatin akontese pratika adiministrasaun ne'ebé ladiak nomós konflitu iha lideransa lokal.

PDHJ konfirma katak, Ministeriu Administrasaun Estatal (MAE) ladauk rezolve polemika kona-ba Xefe Aldeia Pataba, Suku Bairo Pite, Dili ne'ebé lakon iha eleisaun maibé simu posse no lidera aldeia refere.

Iha parte seluk, relasiona ho administrasaun no atendimento públiku, komunidade nafatin preokupa ho atendimento iha Diresaun Nasional Rejistru Sivil, ne'ebé iha pratika nepotismu, kleur, menus blanko Billete Identidade (BI) nomós kaderneta passaporte.

### **4. Protesaun no/ka Asistensia Sosial**



Foto 37:Provedór de Direitus humanus e Justiça Virgílio da Silva Guterres 'Lamukan' akompña hosi Provedór Adjuntu no Provedora Adjunta hamutuk ho komunidade afetadu eviksaun Altarak-Laran realiza konferénsia imprensa relasiona ho SEATOU nia atuasaun ba komunidade sira.

Atuasaun estadu nian relasiona ho despezu administrativu iha Bidau Akadiru-hun, Bidau Santa Ana no Ai-tarak laran ne'ebé ladauk halo indemnizasaun nomós la prepara fatin hodi muda komunidade sira,

hamosu violasaun direitus humanus, nomós insatisfasaun no deskonfiansa ba servisu públiku.

Iha sorin seluk, relasiona ho aktu Xefe Suku Bebonuk nian, PDHJ konsidera, aktu Xefe Suku nian hodi kastigu foinsa'e nain hitu haruka hakneak no kontinensia Bandeira iha sede suku ne'e nu'udar aktu tratamenu la umanu no/ka degradante.

PDHJ mós akompaña no fiskaliza akontesimentu membru Servisu Nasionál Intelijensia (SNI) tiru joven ida no halo agresaun fiziku hasoru ema ho defisiente iha Aldeia Wetaba, suku Beiseuc, Covalima ne'e nu'udar aktu violasaun direitus humanus nune'e presiza halo investigasaun no toma medida adekuadu.

Alein-de aktu sira iha leten, iha tinan ida ne'e PDHJ facilita Mídiasaun ba labarik foto ho idade tinan 16 ne'ebé iha konflitu ho familia, hodi reintegra ba nia familia.

## 5. Ambiente no infraestrutura

Iha tinan 2024, PDHJ observa Projeto infraestrutura mak abandonadu no hamosu problema iha sosiedade. Empreza China Harbour foin mak instala lixeira iha fatin / SLEP 400, ne'ebé tuir planu instala iha fatin 1,122. Maioria fatin mak ladauk instala kauza komunidade la fó fatin, no balu kona komunidade nia uma. Enkuantu, PDHJ observa, iha kontentor barak mak aat no la utiliza. Alein-de kona-ba lixeira, PDHJ konfirma katak, Governu ladun iha planu ordenamento urbanu ida mak integradu nune'e projeto sira hanesan eviskaun iha Tasitolu no alargamentu estrada iha Dili laran tomak hamosu no halo boot problema sosial. Iha ne'ebé membru komunidade barak lakon fatin, lakon servisu, nomós iha oan sira ne'ebé lakon eskola.

## 6. Seguransa no fronteira



Foto 38: Ekipa Fiskalizasaun PDHJ Delegasaun Teritorial Maliana halo vizita ba postu imigrasaun Salele, Tilomar hodi observa kondisaun no servisu imigrasaun nian

PDHJ hakbesik ba komunidade sira iha Naktuka, RAEOA hodi konfirma, estaka 76 ne'ebé tidin hosi Governu Indonezia no RDTL iha Naktuka,

hamosu polemika, no halo komunidade preokupa tanba bele lakon rai agrikultura, prejudika vida ekonómia no sosio kultural.

Aleinde kestaun Naktuka, PDHJ mós vizita ba postu imigrasaun Salele, Batugade no Tunubibi, konfirma katak, menus pessoal iha postu hirak ne'e, limitasaun fasilidades operasional sira, nune'e presiza atensaun hosi minsiteriu interior.

## 7. Ekonomia no Subsidiu Sosial

Governu liu-hosi Ministériu Koordenasaun Asuntu Ekonomia (MCAE) asina kontratu ho empreza nacionál lima hanesan Perisos Unip. Lda, Creative Furak, Alfa Dili, Lisun, no Jusibel Unipesoal hodi distribui foos ho folin subsidiadu, hodi responde folin foos ne'ebé sa'e ka aumenta mundialmente iha tinan 2023 nia rohan. Nune'e liu hosi subsidiu ne'e governu asegura presu foos iha merkadu, bele asesivel nomós responde kapasidade kompra komunidade vulneravel sira nian.

Purtantu, PDHJ konfirma katak, distribuisaun fos subsidiu la justu, kualidade fos ladiak, nomós menus kontrolu hosi governu. La konsisténsia iha prosesi distribuisaun ne'ebé foos la sempre disponivel tuir tempu, komunidade barak mak la asesu. Kualidade foos la tuir padraun konsumu nian kauza produtu tuan no la ijene. Folin ne'ebé la konsistente, tuir kontratu foos kg 20 fa'an ho US\$ 9.00, maibé komunidade asesu iha merkadu ho folin US\$ 10.00 to'o US\$ 12.00.

PDHJ nota katak problema ne'e akontese kauza falta mekanizmu komunikasaun, koordenasaun no/ka supervizaun nian hosi governu. Ne'ebé governu la serteza subsidiu atinji alvu 'se mak simu no se mak la simu', nomós distributor sira fa'an foos iha merkadu ho folin tuir padraun nacionál.



Foto 39: Diretor Fiskalizaun no Rekomendasau **Bartolomenu Gonçalves** vizita membru familia **Elisabeth Soares Oliveira** nu'udar komunidade Usubemasu, Beloi, Ataúro ho kondisaun defisiente fizika ne'ebé lakon direitu subsidiu apoiu defisiénsia nian tanba kestaun Sistema bankáriu nian.

Problema ne'e lori impkatu sosial ba sosiedade, ne'ebé komunidade sira la sente benefísiu husi subsídui, lakuna entre rejiaun sira iha asesu ba ai-han sai boot liután, nomós possibilidade boot ba kria oportunidade ba korrupsaun iha distribuisaun lojística no subsidiu.

Iha parte seluk, pagamentu subsidiu ba ema ho deficiente nomós idozu sira ladauk diak. Dadus la loos no/ka la kompletu, ne'ebé ema balu ne'ebé merese hodi benefisia ba subsidiu refere la hetan. Enkuantu, relaciona ho asuntu ne'e PDHJ hakarak hato'o agradese ba Instituto Nasionál Seguransa Sosial (INSS) ne'ebé responde no ezekuta rekomendasau hosi PDHJ hodi fornese asistensia ba ema ho deficiente nomós idozu sira ne'ebé tempu naruk la hetan subsidiu hosi estadu nu'udar direitu ida.



Foto 40: Ekipa PDHJ DT RAEOA akompana ekipa pagamentu BNCTL no INSS halo pagamentu direita ba beneficiariu lao labele iha sira nia residensia. Foto PDHJ DT RAEOA (Neof Metan, 19.07.2024)

## 2.5. Servisu Supervizaun Polítika Pública

PDHJ organiza servisu supervizaun política pública liu hosi estudu no advokasia ba asuntu temátiku sira relaciona ho direitus sivil, política, sosial, cultura no ekonomia, nomós estadu nia omisaun no/ka inkonstitucionalidade iha protesaun ba sidadaun sira nia direitu no promosaun ba governasaun diak. Nune'e, iha parte ida ne'e, sei apresenta ba ita rezultadu no materia sira kona-ba servisu estudu no peskiza, fiskalizasaun no verifikasiadaun konstitucionalidade ba lei sira.

### 2.5.1. Labarik iha Krime

Labarik sira (ema ho idade 18 mai kraik) nu'udar esperansa no/ka kontinuador nasau nian, nune'e estadu tenke proteje labarik sira. Nu'udar deskreve iha Konstituisaun RDTL artigo 18º, labarik sira iha direitu ba protesaun espesiál husi família, comunidade, nomós estadu, liu-liu hasoru hahalok hotu hanesan la tau-matan, diskriminasaun, violénsia, opresaun, abuzu seksuál no explorasaun.

Timor-Leste nia lei inan enfaze, labarik sira hetan direitu hotu-hotu ne'ebé mundu rekoñese, hanesan direitu sira-ne'ebé hakerek ona iha konvensaun internasional, ne'ebé estadu aprova ona ka ratifika filafila. Labarik hotu-hotu ne'ebé moris iha kazamentu nia laran ka lae, iha direitu hanesan kona-ba protesaun sosiál.

Purtantu, hafoin dekade rua, minoridade barak pratika hahalok krime, furtu, droga, omísidu simples, agravadu no negligente, infantísido, ofensa ba integridade fizika, tratamentu aat, inkapás, konjuje, menor, tráfiku, explorasaun seksuál, prostituisaun infantil, pornografia infantil, abuzu seksuál, no seluk tan.

Envolvimentu minoridade (ema ho idade 17 mai kraik) iha krime nu'udar preokupasaun sosial iha sosiedade Timor-Leste, relaciona ho ordém pública, moral, justisa nomós protesaun direitus humanus.

Iha tinan 2024, PDHJ liu hosi servisu asisténsia jurídica, administrativa no peskiza (UAJAP) hala'o estudu literatura kona-ba kestaun ne'e, liu hosi halibur dadus no halo analiza jurídica ba dadus sira hosi Tribunál Rekursu, Tribunál Premeira Instânsia Dili, Prokuradoria Jerál Repúbliga nian, Prokudoria Repúbliga Primeira Instânsia Dili, Defensór Públiku, Polisia Nasionál Timor-Leste, Prizaun Becora, no dadus balun hosi Judicial System Monitoring Programme (JSMP) relaciona ho menor sira iha krime.

UAJAP hetan dadus, tinan lima ikus ne'e (2019 – 2024), labarik minoridade sira ne'ebé envolve iha krime ne'e kuaze ema 2,173. PDHJ ladauk eh la konsege agrega ka klasifika dadus refere tui tipu krime mak sira komete iha kategoria idade idaidak, maibé, estatistikamente envolvimentu ka partisipasaun minoridade sira nian iha krime ne'e eziste iha Timor-Leste no kada tinan aumenta.

Nune'e, estadu presiza tau atensaun sériu ba kestaun ne'e oinsa proteje labarik sira, no organiza ka fornese approximasaun legal no/ka tratamentu judisiaria ne'ebé apropiadu no adekuadu ba labarik sira ne'e durante prosesu no/ka periodu rekoperasaun ba sira ne'ebé envolve ona iha krimé, no halo asaun preventiva hodi antesipa kazu krimé ne'ebé envolve labarik idade menor bele ultrapasa.

Iha estudu ne'e, konfirma parte balun ne'ebé kontribui ba labarik ho idade menor envolve iha krimé mak kurau atensaun no protesaun maximu husi inan-aman, no familia.

Ohin loron, ita tama iha sosiedade ida ne'ebé livre no nakloke tebtebes, laiha limitasaun ba asesu no/ka tama iha espasu dijital sira, nune'e bainhira ladun iha atensaun hosi familia, halo labarik sira hela iha situasaun ida ne'ebé vulneravel liu no fasil atu hadaet buat ne'ebé ladiak ba sira. Tanba labarik iha grau ne'ebé seidauk bele kuida sira-nia-an husi buat ne'ebé ladiak inklui krimé, ne'ebé bele implika ba sira-nia mentál, no efeitu ba vida ida ladun diak iha futuru.

Iha sorin seluk, estadu mós ladun tau prioridade iha facilita protesaun ba labarik sira. Kestaun ne'e bele haree hosi política no lejiskaun sira. Nune'e estadu presiza tebtebes atu kria lei justisa juvenil nomós fatin ba reabilitasaun ba menor sira ne'ebé envolve iha krimé.

Hosi estudu ne'e, brevemente, PDHJ hakarak rekomenda ba entidade kompetente sira:

- 1) Timor-Leste presiza iha Detensaun Juvenil ka Sentru Rehabilitasaun Juvenil hodi rehabilita labarik sira ne'ebé envovle iha krimé, limita sira nia liberdade maibé hasa'e sira nia koñesimentu noabilidade sosial no ekonomiku, no bainhira remata iha periodu detensaun refere sira iha kapabilidate atu ordena sira moris iha sosiedade ne'ebé dame no harmonia;
- 2) Investe no hakbiit kapasidade rekursu umanu iha área dezenvolvimentu psikolójiku labarik no foin sa'e sira nian, serbisu sosiál, kreatividate no inovasaun hodi facilita asisténsia ba labarik sira iha sentru detensaun juvenil refere.
- 3) Investe no hasa'e koñesimentu autoridade seguransa sira nian hodi komprende no atua labarik minoridade sira ne'ebé envolve iha krimé tuir konseitu no mekanizmu diversaun nian, iha aspeitu la'ós haree sira nu'udar kriminozu, maibé nu'udar ema ne'ebé presiza tulun (reabilitasaun);
- 4) Nesesidade tebes atu halo revizaun ba artigu 20 Kódigu Penál kona ba iniputabilidade tanba razaun otas, hodi hamenus limite idade atu responsabiliza ema kriminál ida;
- 5) Presiza mós estudu kle'an ida atu identifika estratéjia sira ne'ebé di'ak liu ba labarik no foin-sa'e sira, ne'ebé reflete duni nesesidade no kultura timor nian;

- 6) Estadu Timor-Leste, presiza mós hamenus karik diak liu halakon fatór risku sira hanesan:
- b) Violénsia doméstica no sosiál;
  - c) Labarik noadolensente sira asesu livre ba tua no sigaru;
  - d) Toleránsia ba violénsia iha sosiedade, no
  - e) Laiha limitasaun ba adolesente sira-nia asesu no espozisaun ba fatór risku sira ne'ebé kontribui ba hahalok anti-sosiál;

Rekomendasau hirak ne'e hotu PDHJ elabora haree hosi aspeitu direitus humanus, nomós hakbiit kapasidade instituisional estadu nian atu hala'o nia funsaun sira tuir objetivu estadu nian mak hakerek ona iha artigu 6º Konstituisaun RDTL, espesifikamentu investe iha dezenvolvimentu setór justisa, hadia kualidade edukasaun hodi hasai povu hosi obskurantismu sosial nune'e sira bele hases-an hodi kiak material nian.

### **2.5.2. Levantamento kona-ba Nível Koñesimentu no esperensia servidor Estadu kona-ba pratika prinsípiu governasaun diak**

Governasaun diak nu'udar elementu prinsipál iha dezenvolvimentu Institucionál ne'ebé nu'udar mós prioridade nasional. Purtantu, kuaze tinan 15 ona, PDHJ hamutuk ho entidade governamental nomós sosiedade sivil facilita formasaun no sensibilizasaun kona-ba prinsípiu governasaun diak ba funzionariu públiku, servidor estadu nomós komunidade sira. Nune'e, iha tinan 2024, PDHJ halo levantamento ida atu hatene kona-ba koñesimentu no esperiensia servidor estadu (kargu Diretor no xefia iha instituisaun públika) sira nian kona-ba pratika prinsípiu governasaun diak.

PDHJ servisu hamutuk ho Centro do Estudo para à Paz e Desenvolvimento (CEPAD) hodi halo levantamento refere, ne'ebé foti informasaun liu hosi entrevista direta no online uza mahusuk (questioner), hafoin klasifika no halo agrupamentu ba informasaun sira no analiza uza métodu analiza kuantitativu deskritivu.

Levantamento ne'e hala'o iha entidade Estadu 80 no konsege entrevista ema hamutuk 231, kompostu hosi Feto 73 no Mane 158. Respondente hirak ne'e okupa kargu ka nu'udar vogal, ofisial, kordenador, xefe departamentu, Xefe Unidade, Defe Gabinete, Diretor rekursu Humanu, Defensor Públiku Jerál, Sekretariu Ezekutivu, Diretor Servisu Korporativu, Inspetor Jerál, Vise Presidente, Presidente, Diretor Ezekutivu, Diretor Nasionál, Diretor Finansas no Operasional, nomós Diretor Jerál, ne'ebé toma responsabilidade nu'udar dirijente masimu, ka responsável ba servisu planeamentu, jestau finansa, lojística, no/ka rekursu humanu.

Purtantu relatório refere apresenta mai ita kona-ba servidor Estadu sira nia kuñesimentu no esperiênsia relaciona ho prinsípiu governasaun di'ak iha funsionalizmu públiku.

Purtantu, rezultadu hatudu, mekanizmu no/ka maneira operasionaliza prinsípiu governasaun diak iha funsionalizmu públiku sei variavel tebes, situasaun ne'e bolu atensaun ba entidade hotu oinsa foti asaun konkretu ida atu harii perspetiva komún kona-ba governasaun di'ak hodi promove administrasaun públika ne'ebé di'ak no efetivu.

Tempu la'o ba oin, Timor-Leste nia adminsitrasaun públika hakat do'ok ona, maibé presiza haree hikas le'ut sira be liu ona, hodi hadia sira ne'ebé ladauk diak no mantein hirak ne'ebé diak ona.

Nune'e, PDHJ hakarak apresenta pontu xave balun ba entidade hotu-hotu hanesan tuirmai:

- Hakbi'it kapasidade institusaun estadu sira liu hosi define planu/programa, fortalese estrutura, padraun no prosedimentu sira ne'ebé apropridadu hodi kontribui ba objetivu institusionál;
- Sosializa no/ka promove partisipasaun ema hotu-hotu nian relasiona ho servisu Institucionál hodi garante komprensaun komum ba servisu Institucionál no konkista rezultadu koletivu;
- Garante sustentabilidade servisu, promove meritokrasia hodi liberta funsaun públika hosi interesse grupu ka parte ida de'it;
- Eleva koñesimentu servidor estadu, funzionáriu no ajente adminsitrasaun públika hosi nível aas to'o iha nível baze kona-ba prinsípiu governasaun diak hodi promove adminsitrasaun publika ida ne'ebé moos, demokrátiku no efetivu;
- Kontinua halo avalisaun ba prestasaun servisu nível Institucionál, diresaun ka departementu to'o pessoal sira, no fó apresisaun ba hirak ne'ebé dezempeña diak, no rekomendasaun ba hirak ne'ebé ladauk dezempeña masimu;

### 2.5.3. Levantamento persepsaun públiku kona-ba ezistensia PDHJ

# RELATÓRIU

## LEVANTAMENTU PERSEPSAUN PÚBLIKU KONA-BA EZISTÉNSIA, KOMPETÉNSIA NO SERVISU PDHJ



Figura 2: kapa apresentasaun relatóriu levantamento persepsaun públiku kona-ba ezistensia, kompeténsia no servisu PDHJ

Legalmente PDHJ estabelese iha tinan 2004 liu hosi lei Númeru 7/2004, loron 26 fulan Maiu (Estatutu PDHJ) no nia alterasaun dahuluk ho Lei Númeru 8/2009, loron 15 fulan jullu hodi Kria Komisaun Anti Korupsaun.

Administrativamente PDHJ funsiona iha 2005, hafoin Parlamentu Nasional hili Provedór dahuluk, no funsiona nia sekretariadu. Nune'e PDHJ eziste ona durante tinan 20, hodi hala'o nia misaun sira ba proteje no promove direitus humanus nomós promove governasaun diak.

Nune'e tinan ida ne'e, PDHJ servisu hamutuk ho Alumni Parlamentu Foinsa'e Timor-Leste (APFTL), apoiu hosi Programa Dezenvolvimentu Nasoens Unidas (UNDP sigla Inglez) hodi halo levantamento ida kona-ba ezistensia PDHJ iha Timor-Leste.

Levantamento refere hala'o iha munisípiu hotu-hotu no RAEOA, ne'ebé envolve mais ou menus ema entre 393-482 hosi munisípiu ida-idak no RAEOA, nune'e sidadaun sira ne'ebé hola parte iha levantamento refere hamutuk 5,487 hosi idade 20 - 59, mane 3,018, feto 2,422, LGBTIQ+ 47, hosi total respondente Ema ho Defisiensia (EHD) hamutuk nain 192.

Rezultadu hatudu, porsaun signifikante hosi respondente sira la comprende PDHJ nia kna'ar espesífiku, inklui promove no proteje direitu Humanus no promove governasaun di'ak, ne'ebé:

- 1) 33.3% hosi respondente sira maka rona ona kona-bá PDHJ, 26.1% hosi respondente sira mak kompriende katak, PDHJ nia papél hodi promove no proteze direitus humanus, 22.6% comprende katak PDHJ nia servisu ida mak promove governasaun di'ak;

- 2) 50.5% hosi respondente sira iha Dili mak rona eh hatene ona kona-bá PDHJ, enkuantu munisípiu sira liu-liu iha Rejiaun Ponta Leste iha taxa ne'ebé ki'ik liu;
- 3) 76.8% hosi respondente sira mak hatene PDHJ liu-hosi televizaun, tuir fali maka Facebook (46.9%) no lia-fuan husi ibun ba ibun (31.4%);
- 4) Liu 80% hosi respondente sira mak afirma, sente susar atu asesu ba servisu PDHJ, obstaklu no/ka barreira prinsipál atu asesu ba PDHJ mak la hatene oinsá asesu nomós distânsia jeográfica;
- 5) Sidadaun sira sente deskontente no/ka lakon esperansa no konfiansa ba PDHJ, tanba sira ladun hetan resposta lailais no di'ak ba keixa mak sira hato'o. Nune'e mós to'o agora, sira nia problema balun kontinua pendente no la hetan solusaun.
- 6) Enkuantu, komunidade sira ne'ebé hela iha área remota menus informasaun kona-ba oinsá asesu ba PDHJ nia servisu. Maioria respondente agrikultór expressa sira-nia ladún interesse atu rezolve sira nia problema relaciona ho diskriminasaun, violasaun eh krime rumá liu hosi justisa formál. Komunidade sira dala barak liu hili dalan extra judisiál, iha nível komunidade, iha ne'ebé tau konfiansa ba Liainain eh lideransa lokál sira hodi halo Mídiasaun, negosiasaun no arbitrajen ba sira nia problema.

Tanba ne'e, nesesariu ba PDHJ no husu apoiu ba entidade estadu sira hodi hadi'ak asesibilidade no mekanizmu servisu, oinsa implementa medida sira atu hasa'e asesibilidade servisu PDHJ nian, liu-liu iha área sira ne'ebé dook no rurál sira, liu husi estabelese unidade servisu movel eh permanente iha Postu Administrativu sira hotu, haluan esforso ba fahe no simu informasaun iha área rural sira, no fornese apoiu online ka hotline gratuita ba simu keixa, nomós haforsa parseria no kolaborasaun ho parte interesada relevante sira, inklui ajénsia governu, organizasaun sosiedade sívil no lider komunitáriu sira.

Servisu hamutuk atu rezolve kestaun sistemátiku, advokasia ba mudansa política, no asegura protesaun no promosaun efetiva ba Direitu Humanus, nomós promosaun ba governasaun di'ak. Enkuantu, Relatório ne'e publika no lansa ona, no público bele asesu iha PDHJ nia portal ofisial [www.pdhj.tl](http://www.pdhj.tl).

#### **2.5.4. Monitorizaun ba Implementasaun Planu Asaun Nasional Ema ho Defisiensia**

Ministeriu Solidariedade Sosial no Inkluzaun (MSSI) hamutuk ho parseiru estratéjiku sira elabora no lansa ona planu asaun nasional Ema ho Defisiensia periodu 2021 – 2030, nu'udar komprimisiu estadu nian ba promove partisipasaun ema ho defisiente no igualdade moris sosial nian, ne'ebé proteje EHD sira nia direitu sivil, política, ekonomia, sosial no política, eleva asesu ba asistensia saude, edukasaun, formasaun profesional, transporte público, no infraestrutura ne'ebé sensivel ba ema ho defisiente,

nomós hamenus no/ka halakon estigma no diskriminasaun hasoru ema ho defisiensia iha sosiedade.

Planu ne'e orienta ba eleva partisipasaun ema ho defisiante no/ka organizasaun ba ema ho defisiante iha prosesu planeamentu, implementasaun no avaliaasaun ba política no programa estadu nian. Dezenvolve sistema informasaun ne'ebé kompreensivu no responsivu relasiona ho kondisaun, número no nesesidade espesifika ema ho defisiante nian iha Timor-Leste, promove enkuadramentu servisu mak tulun koordenaasaun interministerial, entidade públiku, sosiedade sivil inklui organizasaun sira ba ema ho defisiante, hodi implementa programa no atividade sira efetivu liu.

Nune'e PAN-EhD ne'e aborda asuntu ema ho defisiante nian iha setór hotuhotu, oinsa entidade sira iha konsensu política no/ka integra asuntu ema ho defisiante iha ajenda dezenvolvimentu nian.

Nune'e, PDHJ nu'udar orgaun estadu ne'ebé hala'o knar ba promove boa governasaun no direitus humanus, konfirma katak, PAN-EhD nu'udar política publika ida ne'ebé sensivel ba direitus humanus, nomós nia métodu servisu sira promve governasaun diak.

Nune'e, iha tinan ida ne'e (2024), PAN-EhD aprovadu ona tinan tolu, PDHJ hanoin katak, Timor-Leste presiza hatene to'o iha ne'ebé política publika ida ne'e nia implementasaun. PDHJ hetan tulun finanseiru hosi *United Nations Development Programme (UNDP)* hodi monitoriza implementasaun PAN-EhD durante periodu 2021 – 2023.

Atividade ne'e hala'o iha ministeriu xave 11 ne'ebé nu'udar implementador política publika refere, hanesan Ministeriu Justisa (MJ), Ministeriu Saude (MS), Ministeriu Juventude, Desportu, Arte no Cultura (MJDAC), Ministeriu Edukasaun (ME), Ministeriu Ensinu Superior, Siensia no Kultura (MESSK), Ministeriu Solidariedade Sosial no Inkluzaun (MSSI), Ministeriu Obras Publika (MOP), Ministeriu Transporte no Telekomunikasaun (MTK), Sekretariadu Estadu Igualdade no Inkluzaun (SEII), Sekretariu Estadu ba Formasaun, Política no Empregu (SEFOPE), Sekretariu Estadu Komunikasaun Sosial (SEKOMS). Tanba implementasaun planu ne'e interministerial, PDHJ mós vizita ba munispiu haat (4) hanesan Baucau, Covalima, Maliana, no Manufahi.

To'o tinan ida ne'e nia rohan, PDHJ konklui ona servisu ida ne'e, no tama ona iha prosesu elaborasaun relatóriu. Jestaun PDHJ sei apresenta relatóriu ba entidade sira hotu iha tempu tuir mai, dentru tinan 2025.

### **2.5.5. Fiskalizasaun Konstitusionalidade**

---

Haktuir Konstituisaun RDTL artigu 150, fó ba Provedór lejitimidade prosesual atu hala'o fiskalizasaun abstrata (susesiva) kona-ba konstitusionalidade ba regra lejislativa sira ne'ebé mak vigora.

Artigu 24 hosi lei N. 7/2004, de 26 de maiu (Estatutu PDHJ) altera ho lei N. 8/2009, de 15 de jullu, fó kompeténsia ba Provedór hodi bele husu ba tribunal rekursu atu deklara inkonstitucionalidade ba lei sira, inklui verifikasi saun inkonstitucionalidade tanba omisaun.

PDHJ nia fiskalizasaun husu esklaresimentu hosi entidade kompetente nune'e ema hotu iha interpretasaun ida ba testu aktu lejislativa sira nune'e bele fasilita ema hotu goza nia direitu fundamental ne'ebé konsagra ona iha Konstituisaun RDTL.

Nune'e, iha 2024, servisu asistensia juridika, administrativa no peskiza PDHJ halo ona verifikasi saun inkonstitucionalidade ba lei sira hanesan:

- 1) Halo verifikasi saun inkonstitucionalidade por omisaun ba medida lejislativa ida relaciona ho rejistru sivil hodi implementa tipu kazamentu sira ne'ebé prevee iha alínea 1º artigu 1.475 Kódigu Sivil nian, ne'ebé aprova hosi Lei Nú. 10/2011, loran 14 fulan-setembru, alteradu ho Dekretu-Lei nú.45/2012, loran 21 fulan-novemburu;
- 2) Halo verifikasi saun inkonstitucionalidade por omisaun tanba falta regulasaun kona-ba determinasaun saláriu mínimu iha nível nacionál aplikavel ba sidadaun sira ne'ebé hala'o serbisu doméstiku, atu bele implementa direitu fundamental ne'ebé prevee iha número 2 artigu 50º Konstituisaun RDTL nian;
- 3) Halo verifikasi saun inkonstitucionalidade por omisaun tanba falta regulasaun ezekutivu espesíku relaciona ho direitu ba rai komunitária sira iha kontestu ema indíjena sira, falta lejizlasaun ne'ebé regula ba demarkasaun bens imóveis komunitáriu no falta lei ida ne'ebé regula rejime zona protesaun komunitária no bens imóveis komunitária hodi implementa direitu sira ne'ebé prevee iha artigu 54º Konstituisaun RDTL;
- 4) Lei protesaun dadus pesoál – inkumprimentu ba artigu 38º Konstituisaun RDTL tanba falta lei implementadora.

Alein-de halo verifikasi saun inkonstitucionalidade por omissão PDHJ mós halo fiskalizasaun abstrata (susesiva) nomós fiskalizasaun legalidade ba lei sira, haktuir artigo 151 Konstituisaun RDTL nian. Nune'e iha 2024 PDHJ hala'o fiskalizasaun abstrata (susesiva) nomós fiskalizasaun legalidade ba lei sira hanesan:

- 1) Fiskalizasaun abstrata (susesiva) konstitucionalidade ba artigo 1475º iha Código Civil, ne'ebé aprova ona ho Lei N. 10/2011, de 14 de setembro, altera ona ho Decreto-Lei n. 45/2012, de 21 de novembro;
- 2) Fiskalizasaun abstrata (susesiva) konstitucionalidade ba N.º 1 hosi artigu 3.º Decreto-Lei N.º 21/2021, de 10 de novembro, ne'ebé kria subsidiu mensal transporte nian, mak altera ona ho Decreto-Lei n.o 80/2022, de 9 de novembro;

- 3)** Fisikalizasaun abstrata (susesiva) konstitusionalidade no fiskalizasaun legalidade ba lei N.º 20/2023, de 12 de dezembro (Procedimento de Concessão de Indulto e Comutação de Pena). Infelismente, pedidu refere hetan indeferimentu hosi tribunal rekursu iha fulan-fevereiru 2024
- 4)** Fisikalizasaun abstrata (susesiva) konstitusionalidade no fiskalizasaun legalidade ba lei N.º 20/2023, de 12 de dezembro (Procedimento de Concessão de Indulto e Comutação de Pena). Pedidu refere nu'udar versaun reformulada.
- 5)** Fiskalizasaun abstrata (susesiva) ba artigo 11.º hosi Decreto-Lei n.º 32/2011, de 27 de julho, kona-ba Jestaun no Alienasaun ba Bens Moveis Estadu Nian;
- 6)** Fiskalizasaun abstrata (susesiva) konstitusionalidade ba Polítika Nasional Planeamento Familiar (aprova ona ho rezolusaun Governo n.º 10/2022, de 9 de março).

PDHJ submete ona resultadu analiza jurídiku relasiona ho medida lejislativa hirak iha leten ba Tribunal Rekursu iha tinan 2024 no kontinua iha fulan-janeiru 2025, hodi toma medida adekuadu, nune'e bele asegura Timor-Leste nia política publika hahu hosi desizaun no medida lejislativu sira to'o iha implementasaun ne'ebé sensivel no promove boa governasaun no direitus humanus. To'o relatóriu ida ne'e produz, PDHJ seidauk hetan resposta no apresiasaun husi Tribunal Rekrusu.

## 2.6. Servisu Dezenvolvimentu Institutionál

### 2.6.1. Servisu Planeamentu no Orientasaun Estratéjiku



Foto 41: Provedór de Direitus humanus e Justiça **Vírgilio da Silva Guterres 'Lamukan'** hamutuk ho Provedór Adjuntu no Provedora Adjunta, iha enkontru konsellu direitu dahuluk tinan 2024 nian ne'ebé partisipa hosi Sekretariu Ezekutivu, Direitor no Diretora sira hosi unidade traballu idaidak iha Nasionál nomós Delegasaun Teritoriál, iha sala Biblioteka PDHJ, 11.03.2024

Provedór de Direitus humanus e Justiça (PDHJ) nafatin buka hametin kapasidade interna institusaun hodi melloria servisu institutionál liu-hosi enkontru estratéjiku no refletiu sira, nomós promove ambiente kolaborativu hanesan prosesu preparasaun planu operacionál ne'ebé envolve dirijente PDHJ nian iha nasional no rejonal ka Delegasaun Teritoriál sira hotu.

Prosesu ida-ne'e subliña importânsia hosi asaun hotu ne'ebé bele sukat no/ka bele atinje, nomós bele kontrola, inklui bele no/ka hodi asegura efikásia servisu.

Enkontru Konselu Diretivu dala neen ne'ebé hala'o iha tinan tomak hodi halo avaliasaun regulár ba progresu, dezafiu, no define asuntu estratéjiku sira hanesan jestau patrimóniu, rekonstrusaun edifisiu, no prontidaun atu partisipa iha fórum internasional sira tuir demanda Institutionál. Diskusaun ne'e la'ós de'it tékniku maibé mós kona-ba aspetu sira bem-estar pesoál nian liu-hosi ajustamentu orsamentu no regulamentu sira inklui oras estraordináriu.

Haree mós progresu iha diskusaun sira kona-ba halo revizaun ba manuál formasaun governasaun no direitus humanus. PDHJ rekoñese nesesidade atu atualiza nia aprosimasaun hodi aliña ho dinámika institucionál no nesesidade ba formasaun kontestuál no inkluzivu liután. UNDP nia apoiu ba prosesu ne'e hatudu parseiru sira nia konfiansa iha PDHJ nia transformasaun interna.

Alein-de Manuál formasaun, PDHJ mos diskute no tau preokupasaun ba avalia utilidade hosi padraun prosedimentu operasional sira (SOP sigla Inglez) relaciona ho servisu estudo no peskiza, fiskalizasaun no monitorizasaun, investigasaun nomós jestaun keixa.

**Realiza mós Enkontru Konsellu Konsultivu dala ida** hodi partilla servisu PDHJ nian durante tinan 2024, inklui sai uma nain ba enkontru SEANF, entrega relatóriu Anuál no planu Estratéjiku PDHJ 2024-2028 ba membru Konsellu Konsultivu Sira, partilha revizaun Organika PDHJ nian mak submete ona ba Gabinete Presidença Conselho Ministro (PCM).

Atividade hirak ne'e hotu reflete PDHJ nia esforsu atu hametin integridade institucionál, hasa'e kualidade servisu, no hasa'e kontribuisaun ba promosaun no protesaun direitus humanus iha Timor-Leste no iha rede rejonal nia laran.

### **2.6.2. Servisu Inspensaun Interna**

Durante tinan 2024, servisu inspesaun interna PDHJ halo servisu inspesaun relaciona ho lisensa, falta no diskontu salarial, fornesimentu catering ba atividades PDHJ 2024 iha DT sira, jestaun patrimoniu no lojistika, nomós halo investigasaun ba kazu estraordinariu tolu, no apresenta ka submete ona relatóriu inspesaun ba Provedór.

### **2.6.3. Servisu Apoio Jurídico**

Hodi asegura política no/ka desizaun sira instituisaun nian tuir padraun no prosedimentu inklui enkuadramentu legál aplikavel sira, durante periodu 2024, servisu jurídico PDHJ elabora pareser legal, nota informativa inklui nota jurídica internal no esternal hamutuk 79.

Apoio jurídico hirak ne'e tulun PDHJ hodi interpreta no aplika aktu sira inklui kontratu, regulamentu interno, no termu referénsia sira, hodi kumpre princípio legalidade no responsabilizasaun, identifika no mitiga pontensia risku legál sira ne'ebé bele prejudika instituisaun, hametin kapasidade instituisaun iha promosaun direitus humanus no governasaun di'ak.

## 2.6.4. Servisu Planeamentu, Monitorizasaun no Estatistika

### 1) Elaborasaun Planu Operasional ODHJ 2024

PDHJ liu hosi Gabinete Sekretariu Ezekutivu fasilita ona diresaun traballu sira PDHJ nian iha Dili nomós Delegasaun Teritoriál sira elabora planu operasional haktuir Planu Asaun Anuál 2024 mak aprova ona hosi Parlamentu Nasional ne'ebé inklui iha Orsamentu Jerál Estadu 2024.

Planu operasional ne'e importante hodi define no/ka orienta diresaun traballu sira iha prosesu implementasaun atividade, mobilizasaun rekursu nune'e garante/asegura realizasaun meta definidu. Enkuantu Gabinete Sekretariu Ezekutivu apresenta ona planu operasional ne'e iha Enkontru Konsellu Direitivu (EKD) datada 11 Marsu 2024, no iha momentu mak hanesan Provedór aprova planu refere.

### 2) Lansamentu no Aprezentasaun Relatório 2023



Foto 42: Provedór de Direitus humanus e Justiça **Virgílio da Silva Guterres** akompaña hosi Provedór Adjunto, Provedora Adjunta, Sekretariu Ezekutivu, Inspetor, Diretor, Diretora Unidade Traballu sira iha PDHJ nomós funzionáriu balu apresentasaun relatório anuál PDHJ 2023 perante plenaria ordinaria iha Parlamentu Nasional, 25.06.2024

PDHJ lansa ona relatório atividade no relatório kontas tinan 2023 iha loron 26 fulan Maiu 2024 iha ámbitu selebrasaun aniversariu PDHJ ba dala XX. Purtantu, hamatan ba artigu 11, 34 no 46 hosi Lei número 7/2004, 26 de maio, fó obrigasaun ba Provedór de Direitus humanus e Justiça atu apresenta relatório atividade no relatório finanseira tinan-tinan ba Parlamentu Nasional. Nune'e mós artigu 10, 37 no 38 Lei número 9/2011 de 17 de Agosto, obriga entidade pública sira hotu atu apresenta relatório finanseira anual ba Tribunal de Contas.

Apresentasaun Relatório Anual ne'e, nu'udar ezekusaun ba obrigasaun legal sira ne'ebé temi iha leten. Nune'e Provedór de Direitos Huamnos e Justiça hamutuk ho Provedória apresenta ona relatório atividade no relatório kontas ba Parlamentu nacionál liu husi sesaun Plenária Ordinária iha loron 25 juñu 2024.

Perante uma fukun Parlamentu Nasionál, konfirma katak Provedór de Direitos humanus e Justiça (PDHJ) nu'udar instituisaun independente ida ne'ebé iha knaar atu superviziona kumprimentu no protesaun ba direitos humanos no prinsípiu sira estadu direitu nian iha Timor-Leste.

Tinan-tinan, PDHJ hato'o relatório anuál ne'ebé kontein rezultadu servisu promosaun, monitorizasaun, fiskalizasaun, investigasaun, Mídiasaun no konsiliasaun, nomós rekomendasau sira ne'ebé diriji ba instituisaun estadu sira, inklui Parlamentu Nasionál (PN).

Plenaria ne'e rekoñese kontribuisaun PDHJ nian, maibé destaka mós dezafiu sira iha relasaun institusionál no mekanizmu resposta ba averiguasaun sira. Parlamentu Nasionál afirma no deklara apoiu servisu PDHJ no subliña importânsia kolaborasaun hodi avansa direitos humanos no prinsípiu estadu direitu.

Deputadu sira apresenta observasaun kritika relasiona ho importânsia rekomendasau sira PDHJ nian atu hetan konsiderasaun no resposta konkretu. Nune'e PDHJ presiza hadiak komunikasaun no kooperasaun ne'ebé besik liútán ba Parlamentu Nasionál.

Enkuantu, plenaria ne'e mós konfirma, PDHJ kontinua enfrenta falta kapasidade institusionál no rekursu sira hodi hala'o knar ho maximu, nune'e nesesaria ba Parlamentu Nasionál atu haree PDHJ nia orsamentu no kuadru jurídiku sira.

PDHJ kontinua halao knaar importante sira liu hosi promosaun, prevensaun no protesaun ba sidadaun sira nia direitu. Enkuantu Parlamentu Nasionál nu'udar Orgaun Soberanu ne'ebé reprezenta povu, iha responsabilidade atu asegura katak deskobrimentu no rekomendasau sira husi instituisaun independente ne'e hetan konsiderasaun hosi entidade publiqua sira. Nune'e presiza hametin koordenasaun, no hasa'e envolvimentu públiku, dezenvolve aproximaçasaun ne'ebé produtivu liu no lori impaktu direta ba hametin estadu direitu iha Timor-Leste.

### **3) Rejistru no Inventarizasaun Biblioteka**

---

Iha tinan 2024, Gabinete Sekretariu Ezekutivu kontinua rejistru livru sira iha biblioteka, no fasilita vizitante sira hodi asesu livru sira iha biblioteka PDHJ. Enkuantu, funzionariu no estajariu sira iha PDHJ mak barak liu asesu ba biblioteka.

#### 4) Monitorizasaun no Avaliasaun Regular



Foto 43: Jestaun PDHJ hasai foto hamutuk hafoin sesaun abertura atividade avaliasaun no retiro anuál 2024 iha Railaco, Ermera ho tema "Ita ba PDHJ"

Hodi asegura implementasaun planu operasional, Gabinete Sekretariu Ezekutivo mós monitoriza implementasaun atividade sira, liu hosi verifikasi termu referensia antes aprovasaun, nomós halo observasaun direta ba atividade balun, mak hanesan atividade formasaun ba funzionariu públiku iha Liquiça no RAEOA, ba PNTL no guarda prisionais iha Dili, estudante no komunidade iha RAEOA, PNTL iha Suai, nomós atividade sensibilizasaun ba komunidade iha Ainaro.

Alein-de halo monitorizasaun, Gabinete Sekretariu Ezekutivo mós halo avaliasaun regular (trimestralmente) hodi dokumenta progresu servisu haktuir rezultadu previstu mak define ona iha planu operasional ba kada diresaun, identifika kontransjimentu sira nomós haree solusaun alternativa sira.


Avaliasaun ne'e hala'o ho métodu tur hamutuk ho diresaun traballu sira hodi identifika rezultadu mak atinje ona, kontransjimentu mak enfrenta nomós solusaun alternativa hodi hakotu lakuna mak iha nune'e labele enfrenta problema mak hanesan iha tempu oin.

Enkuantu, rezultadu avaliasaun ne'e apresenta ona ba Provedór nomós jestaun tomak iha Provedória dos Direitos humanos e Justiça, nune'e mós atualiza iha Sistema dalan ba futuru Timor-Leste (DBFTL);

Purtantu, hodi hakotu tinan fiskla 2024, Provedór hamutuk ho jestau tomak iha Provedória dos Direitos Humanos e Justiça realiza retiro anual ne'ebé realiza iha Railaco, Ermera, datada 17-19 Dezembru 2024 ho tema "**Ita ba PDHJ**".

Liu hosi atividade ne'e, PDHJ konfirma katak, iha atividade balu atinji liu tarjetu, atinje tuir tarjetu, nune'e mós iha atividade balu mak la atinje tuir tarjetu.

### **5) Panorama Planu no Orçamento 2025**



Grafiku iha leten ilustra panorama orçamento PDHJ nian ba 2025. Iha Maiu 2024, PDHJ submete Planu Asaun Anuál (PAA) inklui orçamento estimativo ho montante hamutuk **US\$ 3,733,931.75** ba Ministeriu Finansas. Enkuantu iha Jullu 2024 PDHJ simu tetu fiskal hosi Ministeriu Finansas ho montante **US\$ 1,814,634.00**.



Foto 44: 29. Provedor de Direitos Humanos e Justiça Akompa hosi Provedor Adjunto no Adjunta, Sekretariu Ezekutivo, Inspetor no Diretor, Diretor Unidade Traballu PDHJ partisipa iha enkontru ho Komitee Revizaun OGE 2025 iha Salaun Ministeriu Finansas, Aitarak-Laran, Dili 22-08-2024

Hamatan ba planu atividade no meta sira, jestaun prepara no submete proposta adisional ba Komitee Revizasaun Orsamentu (KRO) ho montante **US\$ 1,643,737.00**, no PDHJ hetan resposta pozetiva ne'ebé KRO konsidera proposta adisional hosi PDHJ no aumenta tan verba **US\$ 324,734.00** nune'e orsamentu ba PDHJ iha tinan 2025 hamutuk **US\$ 2,139,368.00** hodi finansia programa rua, sub-programa hitu no atividade rua-nulu-resin-ida no realiza indikador 54.

Orsamentu ne'e diskrimina ba kategoria orsamentu tolu kompostu hosi 501 – Salariu Vensimentu **US\$ 1,402,463.00**; 502 – Bens Servisus **US\$ 696,905.00** no 504 – Capital Menor **US\$ 40,000.00**. PDHJ compromete atu ezekuta orsamentu ne'e ho responsabilidade tomak hodi realiza meta hotu mak define ona iha PAA 2025.

## **6) Servisu Jestaun Finanseira, Lojistika no Aprovizionamento**

### **6.1. Jestaun Finanseira**

Nu'udar deskreve ona iha parte dahuluk kona-ba planu/programa no orsamentu 2024 nian iha relatório ida ne'e. Nune'e iha parte ida ne'e sei deskreve kona-ba ezekusaun orsamentu refere.

#### **6.1.1. Ezekusaun Orsamentu Tuir Kategoria Despeza Sira**

Hamatan ba orsamentu 2024 ba PDHJ ne'ebé aloka deit ba kategoria despeza tolu kompostu hosi salariu & vensimentu, bens no servisu nomós transferénsia pública, entrentu kapital menor, no kapital dezenvolvimentu la iha alokasaun, kabe ba nesesidade instituisaun nian, nomós possibilidade sira mak iha bazea ba prosedimentu no/ka kuadru juríduku sira, PDHJ halo alterasaun orsamentu hodi fasilita servisu sira hotu tuir nesesidade instituisaun nune'e akontese mudansa ba verba alokadu iha kategoria despeza sira hanesan ilustra iha tabela tuirmai:

<b>Kategoria</b>	<b>Dotasaun inisial</b>	<b>Alterasaun</b>	<b>Dotasaun final</b>
501: Saláriu no vensimentu	1,317,463.00	\$0.00	1,317,463.00
502: Bens no servisu	728,928.00	( <b>\$76,985.00</b> )	651,943.00
503: Transferénsia pública	15,000.00	\$0.00	15,000.00
504: Kapital menor	-	\$76,985.00	76,985.00

Hatetuk ba orsamentu alokadu nu'udar define iha tabela ne'e, durante tinan 2024 jestaun PDHJ ezekuta orsamentu ho montante **US\$ 1,878,907.48** ekivale

91% husi total orsamentu alokadu. Purtantu ezekusaun diskrimina ba kategoria despeza sira hanesan hatudu iha tabela tuirmai:

DESKRISAUN	ALOKASAUN	EZEKUSAUN	%
Saláriu no vensimentu	1,317,463.00	1,210,918.56	92%
Bens no servisus	651,943.00	607,878.92	93%
Transférènsia pública	15,000.00	15,000.00	100%
Kapital menor	76,985.00	45,110.00	59%
<b>TOAL</b>	<b>2,061,391.00</b>	<b>1,878,907.48</b>	<b>91%</b>

#### 6.1.2. Ezekusaun Orsamentu tuir Programa

Orsamentu hirak ne'e hatan ba programa rua mak hanesan programa 157 – Direitus humanus no Boa Governasaun, nomós programa 510 – Funzionamento no Dezenvolvimentu Institusionál.

Nu'udar define ona iha tabela anterior, PDHJ la ezekuta tuir deit alokasaun inisial enkuantu halo ezersisu hodi halo alterasaun balun nune'e akontese mudansa ba montante orsamentu iha kategoria despeza sira ba programa idaidak hanesan ilustra iha tabela tuirmai:

Deskrisaun	Dotasaun inisial	Alterasaun	Dotasaun final
<b>157 Direitus humanus no boa governasaun</b>	<b>1,289,370.00</b>	<b>(29,520.33)</b>	<b>1,259,849.67</b>
Saláriu no vensimentu	914,480.00	(60,000.00)	854,480.00
Bens no servisus	359,890.00	30,479.67	390,369.67
Transferénsia pública	15,000.00		15,000.00
<b>510 Funzionamento no dezenvolvimentu institusionál</b>	<b>772,021.00</b>	<b>29,520.33</b>	<b>801,541.33</b>
Saláriu no vensimentu	402,983.00	60,000.00	462,983.00
Bens no servisus	369,038.00	(107,464.67)	261,573.33
Kapital menor	0.00	76,985.00	76,985.00
<b>Total</b>	<b>2,061,391.00</b>	-	<b>2,061,391.00</b>

Nu'udar hatudu iha tabela ne'e, durante tinan 2024 ezekusaun orsamentu tuir programa hanesan ilustra iha tabela tuirmai:

DESKRISAUN	DOTASAUN FINAL	EZEKUSAUN	%
<b>157-Direitus humanus no Boa Governasaun</b>	<b>1,259,849.67</b>	<b>1,129,812.88</b>	<b>90%</b>
Saláriu no Vensimentu	854,480.00	760,497.41	89%
Bens no Servisus	390,369.67	354,315.47	91%
Transferénsia Pública	15,000.00	15,000.00	100%
<b>510-Funcionamentu no Dezenvolvimentu Institusionál</b>	<b>801,541.33</b>	<b>749,094.60</b>	<b>93%</b>
Saláriu no vensimentu	462,983.00	450,421.15	97%
Bens no servisus	261,573.33	253,563.45	97%
Kapital menor	76,985.00	45,110.00	59%
<b>TOTAL</b>	<b>2,061,391.00</b>	<b>1,878,907.48</b>	<b>91%</b>

### 6.1.3. Alterasaun Orsamental

Nu'udar aprezenta ona deskrisaun no tabela sira anterior kona-ba jestau finanseira nian. Durante tinan 2024, jestau halo alterasaun orsamentu entre kategoria dentru programa no entre programa hamutuk US\$ 184,063.65 ekivale 9% hosi total alokasaun inisial, ho nia deskrisaun hanesan tuirmai:

#### 1. Alterasaun Entre Programa no iha Kategoria Despeza Hanesan

- Alterasaun orsamentu dentru kategoria despeza saláriu & Vensimentu, ne'ebé reduz husi rubrika 50101 "Salariu no abonu regular no permanete" iha prorgama 157 – Direitus humanus no Boa Governasaun ho montante US\$ 60,000.00 aumenta ba rubika 50102 "Abonu regular ou eventual" iha programa 510 – Funcionamentu no Dezenvolvimentu Institusionál hodi responde ba despeza sira relaciona ho subsidiu transporte, alimentasaun inklui outru abonu variavel no eventual.
- Alterasaun orsamentu dentru kategoria despeza bens no servisus iha programa 510 – Funcionamentu no Dezenvolvimentu Institusionál ho montante US\$ 30,479,67 hodi responde ba despeza sira relaciona ho eventu internasionál SEANF, eventu nacionál, atividade diseminasau, partisipa eventu internasionál iha prorgama 157 – Direitus humanus no Boa Governasaun

## 2. Alterasaun entre Kategoria despeza iha programa hanesan

Hodi halo akizasaun ba ekipamento teknolojia no informatika, komunikasaun, AC, nomós akizasaun ba veíkulu ida, jestauñ halo alterasaun ba orsamentu ho montante US\$ 76,985.00 hosi kategoria despeza bens no servisus ba kategoria despeza Capital Menor iha progama programa 510 – Funzionamentu no Dezenvolvimentu Institutionál.


## 3. Alterasaun iha Kategoria despeza no programa hanesan

Hodi responde ba despeza sira relaciona ho manutesaun veíkulu, imprensaun relatóriu, publisdade, akizisaun material limpeza no sanitaria, despeza operasional, apoiu atividade jestauñ rekursu umanu, pagamentu 15% ba estudu no formasaun, nomós avaliaisaun no retiru anuál, jestauñ halo alterasaun orsamentu ho montante US\$ 16.598,98 iha kategoria despeza bens no servisus, programa 510 – Funzionamentu no Dezenvolvimentu Institutionál.

### 6.2. Jestaun Patrimoniu no Lojistika

Patrimoniu sira ne'ebé PDHJ uza hodi hala'o nia funsaun mak hanesan tuirmai ne'e:

- **Ekipamento Eletroniku** – CCTV 4 ne'ebé sosa iha tinan 2011, makina photocopy 4 ne'ebé rua sosa iha tinan 2011, ida iha 2014 no ida iha 2016, PC/Desktop 99 ne'ebé sosa iha 2016, 2022 nomós 2024, laptop 13 ne'ebé sosa iha 2023, External 6 ne'ebé sosa iha 2022 no 2023, printer 9 ne'ebé sosa iha tinan 2023, projector 3 ne'ebé sosa iha tinan 2023, UPS 2 ne'ebé sosa iha tinan 2022, voice recorder 30 ne'ebé sosa iha tinan 2016 no 2023, camera 5 ne'ebé sosa iha tinan 2017, 2021 no 2023, Server 7 ne'ebé sosa iha tinan 2011, 2014 no 2022, Smart TV ida ne'ebé sosa iha 2023, no Access Point 5 mak sosa iha 2022.
- **Transporte** – PDHJ iha motorizada 11 ne'ebé sosa iha tinan 2015, nomós karreta hamutuk 21, ho nia tinan akizisaun hanesan ilustra iha grafiku tuirmai, inklui ho ida hetan doasaun iha tinan 2023:



- **Mobiliáriu no Ekipamentu Eskritóriu** – PDHJ iha AC 48 ne'ebé akiza iha 2011, 2014, 2016 no 2019. Iha gerador 4 ne'ebé akiza iha tinan 2010 oras ne'e kondisaun ladun diak ona. Jeleira 8 ne'ebé sosa iha tinan 2006 no 2008, Towa Portable 4 ne'ebé akiza iha tinan 2015 no kuaze kondisaun ladiak ona, nomós Makina Ko'a Du'ut 4 ne'ebé sosa iha tinan 2011 no kuaze kondisaun ladun di'ak ona.

Material no ekipamentu hirak ne'e hotu, maioria mak nia periodu utilizasaun ne'e liu ona tinan 5, ne'ebé dala balu prejudika servisu iha terrenu, nomós hasa'e kustu manutensaun nian.

### **6.3. Servisu Informasaun no Teknolojia (ICT)**

---

Oras ne'e PDHJ utiliza liña internet ne'ebé fornese hosi Ministeriu Transporte no Komunikasaun ne'ebé fornese ba PDHJ nacionál 20Mbps, no Servisu Delegasaun Teritorial 4, kada servisu Delegasaun Teritorial 10Mbps.

Sistema operasaun komputador iha PDHJ uza windows 10, enkuantu presiza troka windows 11 nune'e presiza atualiza hardware balun tanba la suporta ba windows 11.

### **6.4. Servisu Aprovizionamento**

---

Durante tinan 2024, servisu aprovisionamento realiza prosesu hotu hodi organiza PDHJ selebra kontratu ho setór privadu nune'e bele responde ba nesesidade Institucionál relasiona ho akizisaun material no ekipamentu IT, akizisaun no manutensaun ba veikulu, aluga fatin, fornesimentu hahan no material konsumiveis, fornesimentu combustivel, fornesimentu material sanitasaun, manutensaun AC no eletrisidade, akizisaun ba material eskritoriu, servisu imprezora no photocopy nomós servisu tradusaun.

Setór privadu hirak ne'ebé PDHJ servisu hamutuk mak Cellanivan Unip.Lda relasiona ho sosa material IT no anti-virus. Kontratu ho Auto Timor-Leste hodi sosa kareta ida, One Love II Unip.Lda hoodia halo manutensaun ba motorizada nomós Instanshop Unip.Lda ba produz xapa matrikula Acrylic ba Provedór no Adjuntu sira nia karreta.

PDHJ mós kontratu ho Delta Nova relasiona ho uza fatin ba atividade celebrasaun aniversariu PDHJ ba dala XX, no Novo Turismo ba hala'o atividade enkontru Anuál SEANF nian.

Kontratu ho Dezimar Unip.Lda relasiona ho fornesimentu catering ba DT RAEAOA, Domingfill Unip,Lda relasiona ho fornesimentu catering ba DT Same, Inder Prily hodi fornese catering ba DT Maliana, kontratu ho Matakoi Unip,Lda hodi fornese catering ba DT Baucau, nomós Rainka Unip,Lda fornese catering ba PDHJ Dili.

PDHJ mós selebra kontratu ho Fergo Unip.Lda fornese bee galon iha DT Same, W-Four Unip.Lda hodi fornese bee gallon ba DT Baucau, no Germina Unip.Lda hodi fornese bee galon ba PDHJ Dili.

Kontratu ho Hotel Timor relasiona ho fornesimentu hahan no uza fatin ba enkontru tékniku Grupu Traballu SEANF nian ba daruak. Kontratu ho Nimia Unip.Lda relasiona ho *Welcome dinner* SEANF nian. Kontratu mós ho W-Four Unip.Lda hodi fornese material konsumiveis nomós material sanitasaun nian ba PDHJ.

PDHJ kontratu ho Aitula Unip.Lda hodi fornese gazolina no Eto Unip.Lda hodi fornese gazoel ba PDHJ. Kontratu ho Ilinoi Unip.Lda hodi halo manutesaun ba AC no eletrisidade iha DT Baucau, no PDHJ Nasional. Enkuantu manutensaun ba AC no eletrisidade iha DT RAEOA responsabiliza hosi Nitbese Unip.Lda, no DT Maliana responsabiliza hosi Ranhakel Unip.Lda.

Kontratu ho Ai-Lay Unip.Lda hodi fornese material eskritoriu, Sylvia Dili Unip.Lda relasiona ho servisu imprezora no photocopy nomós selebra kontratu ho Sr. Jony Poulesa ne'ebé halo tradusaun simultanea iha Enkontru Tékniku atividade SEANF ne'ebé hala'o iha Timor-Leste.

#### 6.5. Esforsu ba Edifisiu Foun PDHJ



Figura 3: Visualization Exterior New Building of Provedória dos Direitos humanus e Justiça

Hodi asegura kontinuidade no sustentabilidade servisu sira iha entidade publiqua, nesesita kondisaun infraestrutura ne'ebé diak no seguru. Nune'e dezde 2019 Provedór de Direitos humanus e Justiça (PDHJ) gradualmente hahu prosesu sira ba konstrusaun edifisiu foun PDHJ nian. Inisiativa ne'e mosu hafoin identifika

kondisaun edifísiu atual komete estragu grave no estruturál ne'ebé ameasa ba funzionáriu públiku no utilizadór edifísiu ne'e.

Iha parte ida ne'e ami hakarak relata ba ita bo'ot sira hotu kona-ba prosesu sira ne'ebé PDHJ hamutuk ho entidade relevante sira hala'o ona relaciona ho konstrusaun edifísiu foun PDHJ hanesan tuirmai:

Entre Jullu to'o Agostu 2019, PDHJ rekruta enjeñeiru sívil ida no arkitetu ida hodi avalia nesesidade sira relaciona ho manutensaun no reabilitasaun ba PDHJ nia edifísiu, nomós prepara pasu inisiál sira ba konstrusaun edifísiu foun.

Purtantu, resultadu avaliaesaun inisiál ne'ebé hala'o iha Agostu 2019 hatudu, edifísiu tuan PDHJ nian hetan ona estragu estruturál ne'ebé signifikativu, nune'e la-seguru no funsionalmente la viável ona.



Foto 45: Foto Ai-Hali ne'ebé moris iha Edifísiu atual PDHJ nia leten, abut tama liu uma laran, no tempu udan, bee tama no halo bokon uma laran

Bazeia ba relatório tékniku ne'e, jestaun PDHJ hato'o kedas preokupasaun ne'e ba Secretariadu Grande Projetu (SGP) nomós Konsellu Administrasaun Fundu Infraestrutura (KAFI). Entretantu, prosesu reabilitasaun emerjénsia ba edifísiu tuan ne'e hala'o liu-hosi open tender iha lote rua (Lote 1 no Lote 2) iha tinan 2020 no remata iha tinan 2021.

Nu'udar asaun kontinuasaun, iha Juñu 2021 lideransa PDHJ orienta tekniku sira hodi prepara Termu Referénsia ba Dezeñu Detallu Enjeñaria nian (DED). Dokumentu ne'e

finaliza iha Julu 2021, Lideransa no ekipa tekniku PDHJ hato'o pedidu ofisiál ba KAFI kona- ba nesesidade konstrusaun edifísiu foun PDHJ nian, ho apoiu husi rezultadu teste estruturál (Concrete Hammer Test) husi Laborautóriu Nasional do Ministério das Obras Públicas (MOP) iha loron 6 Agostu 2021.



Foto 46: Dili, 10 Maiu 2024 – Provedór Adjunto Boa Governasaun, Rigoberto Monteiro, akompanha husi Sekretáriu Ezekutivo, Ambrosio Graciano Soares, ho Tékniku Enjeñaria na'in rua, marka prezensa iha Konsellu Administrasaun Fundo Infraestruturas (CAFI).

Entre Setembru no Outubru 2021, PDHJ estabelese koordenasaun ho pontu fokál SGP ba programa edifísiu públiku. Iha períodu husi Novemburu 2021 to'o Janeiru 2022, ekipa tékniku PDHJ completa ona dokumentu sira tuir rekizitu báziku antes submisaun ba KAFI. PDHJ ofisialmente hatama pedidu finansiamentu ba KAFI iha loron 28 fulan-Marsu tinan 2022, tuir prazu ne'ebé maka hakerek iha Sirkulár KAFI nian.

Hafoin ne'e, SGP fasilita Enkontru Pre-KAFI iha loron 2 Agostu 2022 ho PDHJ no ADN hodi diskute kona-ba validasaun dokumentu tékniku sira no estimativa kustu DED nian. ADN verifika Termu Referénsia no kustu estimadu US\$ 452,040 iha loron 8 fulan Agostu tinan 2022. Bazeia rezultadu verifikasi refere, iha loron 18 fulan Agostu tinan 2022 KAFI liu-hosi sesaun estraordináriu aprova finansiamentu ba implementasaun DED liu hosi Deliberasaun Nú. 51/VIII/CAFI/2022 no Nú. 54/VIII/FI/2022 CAFI.

Nune'e, iha loron 27 Setembru 2022, Komisaun Nasional Aprovizionamentu (CNA) ofisialmente loke konkursu ba servisu konsultoria preparasaun DED.

Iha Janeiru 2023, konsórsiu Konsultór Enjeñaria Claregam (Timor-Leste) iha kolaborasaun ho PT. Pandu Persada (Indonézia) sai manán-na'in ba projetu refere ho valór kontratu US\$ 380.000.00.

Nune'e iha loron 17 fulan-Abril tinan 2023 Provedór Virgílio Guterres asina kontratu ho manan nain refere no serbisu DED nian hahú ofisialmente iha loron 2 fulan-Maiu tinan 2023 liu-hosi Enkontru Kick-Off ho instituisaun sira ne'ebé iha relasaun hanesan ADN, ANLA, DNE-MOP, no SGP.

Serbisu DED nian finaliza iha Dezembru 2023 no ofisialmente halo Hand Over servisu DED hosi konsultór ba PDHJ nu'udar nain ba projetu iha loron 26 Marsu 2024. Pagamentu projetu DED nian, inklui retensaun 5%, selu tomak ho totál \$380,000.00

Hamatan ba DED refere, iha loron 28 Dezembru 2023, PDHJ hato'o pedidu ba SGP atu marka ajenda ba aprovasaun orsamentu husi KAFI. Molok aprovasaun finál, estimativa kustu konstrusaun no supervizaun nian hetan verifikasiadaun fila-fali hosi ADN iha Maiu 2024, ho rezultadu sira tuirmai:

- Kustu konstrusaun kalkuladu: US\$ 7,513,101.30
- Kustu supervizaun nian ne'ebé maka kalkula: US\$ 623,900.00

Iha loron 10 fulan-Juñu tinan 2024, KAFI aprova ona finansiamentu ba supervizaun no konstrusaun liuhosi sesaun estraordináriu, hodi CNA loke dalan ba prosesu konkursu ida iha fulan-Jullu tinan 2024.

Purtantu PDHJ konsiente katak, la konsege aloka ka inklui kustu ba demolisaun ka sobu edifísiu tuan iha Bill of Quantities (BOQ) inisiál. Tanba ne'e, PDHJ hato'o pedidu re-verifikasiadaun ba ADN, no iha loron 19 Setembru 2024, ADN hasai rezultadu verifikasiadaun ho kustu konstrusaun totál revizaun hamutuk US\$ 7,291,539,61 (inklui kustu sobu hamutuk US\$ 18,547,13).

Hafoin PDHJ submete BOQ revizaun ba CNA. Iha loron 4 fulan-outubru tinan 2024, CNA fó sai kona-ba kanselamentu prosesu aprovisionamentu bazeia ba Deliberausaun CAFI No. 108/IX/CAFI/2024 datada 26 setembru 2024. Entretantu iha loron 14 outubru 2024 PDHJ simu notifikasiadaun ofisiál kona-ba kanselamentu projetu refere.

Prosesu sira ba konstrusaun edifísiu foun PDHJ nian hanesan deskreve iha leten, nu'udar esforsu estratéjiku ida ne'ebé jestaun PDHJ hala'o liu ona tinan lima no envolve etapa tékniku no administrativu oioin, nomós koordenasaun entre instituisaun estadu sira. Maski to'o ona iha faze finál, submisaun no hetan aprovasaun finansiamentu ba DED no konstrusaun, ikusmai projetu ne'e parcialmente CAFI deside hodi kansela.


Ida ne'e hatudu dinámika política alokasaun fundu infraestrutura nacionál ne'ebé sujeita ba avaliaesaun fiskál no prioridade nacionál sira, enkuantu PDHJ nu'udar entidade publiqua estadu nian la tama iha prioridade hirak ne'e!

Ita nia esperansa, direitus humanus no governasaun diak nu'udar prioridade nacionál, nune'e presiza kria kondisaun ba promotor no protetor ba servisu refere.

### 2.6.5. Servisu Jestaun Rekursu Humanus

#### 1) Mapamentu Força Traballu PDHJ

To'o tinan 2024 nia rohan PDHJ nia forsa traballu hamutuk 148 kompostu hosi feto 62 (42%), no mane 86 (58%) ne'ebé klasifika ba modalidade kontratu hanesan ilustra iha grafiku tuirmai:




Iha 2023, PDHJ nia forsa traballu ho modalidade kontratu funzionari Públigu hamutuk 93, enkuantu iha 2024 aumenta ba 94 tanba Senior Profesional Boa Governasaun foin reativa fali iha 2024, no Ajente Administrasaun Públigu 34 aumenta ba 37 tanba iha inisiu 2024 motorista ida rejigna-an, nune'e PDHJ rekruta tan motorista nain tolú nomós ofisial lian jestual ida.

Enkuantu iha 2024 PDHJ mós rekruta tan espesialista Programasaun no Produsaun Audiovizual ema ida, Mídia no Relasaun Publiko ema ida, Jurista Junior ida hodi substitui jurista junior ida ne'ebé rejigna-an iha tinan 2024, nomós Tekniku Espesializadu IT ema ida ho modalidade kontratu *termo certo*, (lista forsa traballu PDHJ hanesan aneksu). Nune'e iha tabela tuirmai apresenta kona-ba kategoria no grau funzionáriu públigu no ajente administrasaun públigu sira iha PDHJ to'o 2024:

GRAU	FUNSIONARIU PÚBLIKU			AJENTE ADMINISTRASAUN PUBLIKA		
	FETO	MANE	TOTAL	FETO	MANE	TOTAL
A	-	2	2	-	-	-
B	6	12	18	1	-	1
C	13	17	30	-	-	-
D	20	9	29	3	5	8
E	3	5	8	3	9	12
F	2	3	5	4	12	16
G	-	2	2	-	-	-
<b>TOTAL</b>	<b>44</b>	<b>50</b>	<b>94</b>	<b>11</b>	<b>27</b>	<b>37</b>

## 2) Avaliasaun Dezempeñu (2023)

Nune'e Servisu jestauñ rekursu humanu PDHJ distribui no rekolla ona fixa avaliasaun dezempeñu ba tinan 2023 ba funzionari pùbliku permanente no Ajentes Administrasaun Pùbliku sira, no rezultadu hanesan ilustra iha grafiku tuirmai:



Enkuantu pessoal sira ho modalidade kontratu termu sertu hetan ona avaliasaun ba sira nia dezempeñu, no hotu-hotu di'ak minimu ho klasifikasaun bom, nune'e Xefe IMÍdiatu sira rekomenda hodi estende kontratu servisu iha PDHJ iha período sira tuirmai.

## 3) Formasaun no Kapasitasaun



Foto 47: Partisipante formasaun levantamento no analiza dadus ne'ebe fasilita hosi AIM-USAID serbisu hamutuk ho PDHJ, CAC, JSMP, Estatistica Nacional nomós CFP.

Nu'udar instituisaun independente ho mandatu konstitutionál atu promove no proteje Direitus humanus no governasaun di'ak, Provedória dos Direitus humanus e Justiça (PDHJ) kontinua esforsu atu dezenvolve no/ka hametin nia kapasidade rekursu humanu.

Iha tinan 2024, Diresaun Jestaun Rekursu Humanus (DGRH), PDHJ organiza nomós fasilita formasaun nomós induzaun internu ba pesoál sira PDHJ nian, nu'udar parte importante ida hosi estratéjia hakbiit Institutionál. Formasaun

hirak ne'e relasionala ho tema estratéjiku no téniku prinsipál lima, ne'ebé refleta abordajen olístiku ba hakbiit kapasidade professional PDHJ, mak adapta no/ka sensivel ba asuntu público sira, ne'ebé hala'o iha rai-laran no rai-li'ur (estranjeiru), hanesan deskritu iha tabela tuirmai:

Nu.	Tópiku Formasaun	Subtópiku / Materia Formasaun	Objetivu Formasaun	Partisipante
1	<b>Teknolojia no Mídia</b>	Mídia no Direitu Dijital Komputador Baziku (MS Office, aplikasaun eskritoriu)	Aumenta kapasidade dijital no konhesimentu IT ba funzionáriu atu bele uza teknologia iha knaar lorloron	36
2	<b>Jestaun Administrativu no Finansas Pública</b>	Planeamentu, Monitorizasaun no Avaliasaun Jestaun Finansas Pública Treasury Management (Back Office no Front Module) Kontabilidade ba setór público (Fase I)	Fortalece efisiénsia, transparénsia no kontabilidade Institusionál iha jestaun público	60
3	<b>Direitus humanus no Inkluzau</b>	Espasu Síviku Protesaun ba Defensor Direitus humanus LAPOR (Sistema Reklamasau Online) ASEAN no Direitus humanus	Hasa'e kapasidade ba promosaun no monitorizasaun direitus humanus no asesibilidade público nian ba servisu instituisional	48
4	<b>Igualdade Jéneru no Dame / Seguransa</b>	Igualdade Jéneru Planu Asaun Nasionál 1325 (Feto, Dame no Seguransa)	Reforsa integrasaun pespektiva jéneru iha política pública no proteje feto iha kontextu seguransa	28

<b>5</b> <b>Boa Governasaun no Lideransa Públiku</b>	Lideransa nível senior setór públiku Foti desizaun ne'ebé di'ak Governa sa'e di'ak (Good Governance - ASEAN)	Promove lideransa estratégiku, tomada desizaun étika no prinsípiu governasaun efikaz	51
---	--	--	----

#### 4) Estajiu no Peskiza iha PDHJ

Hodi fornese espasu ba aumenta esperiênsia direta ba estudante sira no apoia reforsu kapasidade rekursu humanu iha Timor-Leste. To'o iha 2024 nia rohan, Provedória dos Direitos Humanos e Justiça (PDHJ), liu-hosi Diresaun Jerál Rekursu Umanu (DGRH), simu estajiáriu hamutuk 59 ne'ebé kompostu hosi mane 24 no feto 35.

Estajiáriu sira-ne'e mai hosi entidade edukasionál no instituisaun oioin, ne'ebé servisu jestaurekursu humanu koloka ona tuir sira-nia area estudo, kursu, no formasaun akadémika iha unidade servisu PDHJ nia iha Dili, hanesan Gabinete Sekretariu Ezekutivo (GSE), Gabinete Relasaun Pública no Koordenasaun Institusionál (RPCI), Unidade Asistensia Jurídica, Administrativa no Peskiza (UAJAP), Diresaun Administração no Finansas (DAF), Diresaun Promosaun (DP), Diresaun Investigação (DI), nomós Diresaun Fiskalizaun no Rekomendasaun (DFR).

Entretantu, PDHJ mós loke espasu ba kolaborasaun akadémika liu-hosi facilita atividade peskiza. Durante tinan 2024, estudante na'in 14 kompostu hosi feto 10 no mane 4 hosi ensinu superior estatal no privadu sira iha Timor-Leste hala'o ona peskiza iha PDHJ.

Tópiku sira ne'ebé peskizadór sira levanta bazeia ba nesesidade akadémika nian relaciona ho asuntu estratégiku sira hanesan: Ratifikasiun Konvensaun Internasional kona-ba Direito Labarik iha Timor-Leste, igualdade géneru, análise implementasaun orsamentu ofisiál viajen PDHJ nian ba período 2022–2023, revizaun ba funsaun sira husi Diresaun Asisténsia Pública (DAP) bazeia ba Artigo 10 husi Lei no. 25/2011, kustu manutensaun veíkulu ofisiál PDHJ nian, dezempeñu burokrasia PDHJ nian iha ámbito dinâmica política nacional, nune'e mós kna'ar PDHJ hodi atende violasaun direitos humanos tuir Lei No. 7/2004.

#### 5) Diseminasaun Informasaun no Partisipasaun Enkontru

Durante tinan 2024, Servisu Jestaun Rekursu Humanu servisu hamutuk ho diresaun relevante sria hodi dissemina informasaun kona-ba servisu jestaurekursu humanu nian iha PDHJ ne'ebé foku ba rejime promosaun, oras

extraordinariu no pessoal sira ne'ebé simu 20% husi sira nia salario baze no ajustamentu tarefa servisu ba pessoal indikadu sira, ba funzionari/a sira iha Dili no DT sira (Baucau, Same, Maliana no Oecusse).

Servisu Jestaun Rekursu Humanu mós partisipa ona enkontru GJPRU dala rua iha Dili nomós aniversariu selebrasaun loron funsaun publika.

#### **2.6.6. Servisu Parseria no Kooperasaun Institusionál**



Foto 48: PDHJ, CFP, IGE no CAC renova akordu kuadrilateral hodi promove no proteje direitus humanos, promosaun governasaun diak nomós kontra korupsaun. Renovasaun akordu ne'e hala'o iha ámbitu selebrasaun loron internasional direitus humanus bad ala 76, 10.12.2024 iha Suai Room, Timor-Plaza

Durante tinan 2024, PDHJ asina akordu kooperasaun ho AIM-USAID ('SOC' for brevity, USAID support to PDHJ through USAID funded AIM Activity) relasiona ho servisu hambiit kapasidade Institusionál, peskiza no formasaun.

PDHJ mós asina akordu kooperasaun ho MAE relasiona ho atividade kapasitasaun ba orgaun suku iha teritoriu nasionál.

Asina akordu kooperasaun mós ho AJAR relasiona ho promosaun direitus humanus iha instituisaun estadu sira. Enkauntu koopera mós ho UNDP relasiona ho servisu promosaun ba iguldade no inkluzividate hodi hametin direitus humanus iha Timor-Leste.

Hodi implementa akordu entre PDHJ ho UNDP, PDHJ estabele kooperasaun ho Alumni Parlamentu Foinsa'e Timor-Leste (APFTL) hodi halo levantamento ba persepsaun publika kona-ba PDHJ nia ejistensia, nomós Centro do Estudo para à Paz e Desenvolvimento (CEPAD) hodi halo levantamento kona-ba esperiencia no pratika sira kona-ba prinsípiu governasaun diak iha instituisaun pública.

Alein-de kooperasaun servisu iha rai laran, PDHJ mós ativu iha kooperasaun internasionál, tantu ho UNDP, USAID-AIM, no forum ASEAN hanesan SEANF no AICHR, hodi esforsu atu habelar PDHJ nia influénsia iha nível rejjionál no global, nomós hakbiit sinerja entre sosiedade sivil, instituisaun estadu, no parseiru dezenvolvimentu sira hodi hatán ba dezafiu direitus humanus iha era ohin loron.



Foto 50: Provedór Direitus Umanus no Justisa (PDHJJ) akompaña hosi Provedora Adjunta, Xefe Gabinete, Sekretariu Ezekutivu, Diretora Promosaun no Xefe UAJAP realiza enkontru ho Komisária KOMNAS HAM Indonézia **Atnike Nova Sigiro** ho nia delegadu sira relasiona ho hasa'e protesaun direitus humanus iha área fronteira. Atividade ne'e hala'o iha El-Legendario, Lecidere, Dili, 17.11.2024



Foto 49: 23 Abril 2024, Provedór de Direitos Humanos e Justiça (PDHJ **Virgílio da Silva Guterres "Lamukan"**) asina Nota entendimentu relasiona ho estudu persepsaun públiku ba ezistensia PDHJ ho Presidente Alumni Parlamentu Foinsae Timor-Leste (APFTL) **Zaulino Gomes da Silva**

## SASATAN NO ALTERNATIVA SOLUSAUN SIRA

---

Durante tinan 2024 PDHJ hasoru obstáculo operasional ka Institusionál no estruturál barak ne'ebé fó impaktu ba efikásia implementasaun mandatu, inklui:

- 1) Rekursu umanu, material, ekipamentu no orsamentu limitadu, infraestrutura la adekuadu difikulta servisu PDHJ nian liuliu atu to'o iha área remota sira, ida ne'e mós inklui nível koñesimentu públiku ne'ebé ki'ik kona-ba kna'ar no funsaun PDHJ nian, iha-ne'ebé besik 30–33% de'it hosi público mak hatene kona-ba ezisténsia instituisaun ida-ne'e nian.
- 2) Sensibilidade entidade público sira nian ba averiguasaun no rekomendasau sira hosi PDHJ ne'ebé ladun tau konsiderasaun maximu, ne'ebé kontinua hamosu violasaun direitus humanus ne'ebé maka'as hosi ofisiál estadu nian, liuliu hosi Polísia Nasionál Timor-Leste (PNTL), ne'ebé relata barak liu iha kazu violasaun ba integridade física no seguransa pesoál sidadaun sira-nian. Nafatin dezigualdade asesu no diskriminasaun hasoru grupu vulnerável sira, inklui feto, ema ho defisiénsia, no komunidade LGBTQ+, tantu iha espasu público no iha nível família no iha instituisaun servisu báziku sira, nomos inefisiénsia governasaun nian, ne'ebé karakteriza ho sistema inspesaun no auditoria interna ne'ebé fraku no kualidade servisu público ne'ebé ki'ik nune'e la fó prioridade ba prinsípiu transparénsia no responsabilizaun.

Hodi responde dezafiu no obstaklu sira ne'e presiza, tuirmai rekomendasau no/ka estratéjia operasional sira, inklui:

- 1) Hametin nafatin Kapasidade Rekursu Umanu nian liu-hosi dezenvolve programa formasaun ho nível no temátiku ba pesoál sira tuir sira-nia kampu servisu, no enkoraja asesu ba formasaun nasionál no internasional hodi hametin kapasidade téknika no profisionalizmu.
- 2) Hadia mapeamentu ba nesesidade hodi organiza mobilidade operasional sira bazeia ba área serbisu ativu sira no rasionaliza karga tarefa ba pessoal sira hodi asegura utilizasaun veíkulu ho eficiente.
- 3) Dezenvolve mekanizmu kontratu servisu fornesimentu combustível iha rejiaun tomak, atu nune'e labele hetan difikulta prosesu distribuisaun.
- 4) Dezenvolve planu revitalizasaun hardware no software, hadia sistema rede internu, no aumenta reziliénsia sistema nian ba interrupsaun sira no lakon dadus.
- 5) Haree fila-fali kontratu no kobertura servisu internet nian ne'ebé eziste, no esplora opsaun fornesedór servisu alternativu sira ne'ebé estavel liu no distribui jeografikamente.

- 6) Asegura katak ekipamentu sira hanesan laptop, printer no dispozitivu komunikasaun sira disponivel ho adekuadu no aloka diretamente ba pesoál sira ne'ebé kaer knaar tékniku ka administrativu loroloron nian.
- 7) Dezenvolve aplikasaun sira bazeia ba web/movel ba relatório públíku, enkuantu hametin no/ka atualiza sistema Jestaun Keixa eletróniku (E-CSM) atu sai lalaís no loos liu.
- 8) Revizaun ba Manuál no Prosedimentu Serbisu (SOP) ba Protesaun, Investigasaun, no Fiskalizasaun inklui atualiza mata-dalan no/ka modulu treinamentu sira hodi harmoniza filafali matadalan serbisu nian hodi adapta ba dinámika kampu nian no rezolve dezafiu direitus humanus no governasaun nian ne'ebé maka evolui
- 9) Hadia Fasilitade Servisu no Seguransa iha Sede PDHJ hodi garante ambiente servisu ne'ebé seguro, moos no desente ba funzionáriu sira iha Edifísiu Sentrál PDHJ.
- 10) Dezenvolvimentu ba Sistema Jestaun Dokumentu no Arkivu ne'ebé Efetivu liu hosi dezeña no implementa sistema dokumentasaun modernu sira, inklui arkivu dijítal sira no klasifikasaun arkivu fíziku nian, hodi apoia responsabilizasaun no akompañamentu istóriku.

Alein-de estratéjia no rekomentadasun operasional, iha mós rekomentadaun no estratéjia balu ba entidade estadu sira hanesan tuirmai:

- 1) Hasa'e kapasidade institusionál PDHJ nian, hasa'e orsamentu, rekursu material, ekipamentu ne'ebé suficiente, nomós infraestrutura mak dignu no seguru hodi apoia operaun no intervensaun sira ne'ebé efetiva.
- 2) Dezenvolvimentu sinerjia setórial, entre PDHJ, instituisaun estadu, parlamentu, governu, no sosiedade civil, hodi hametin koordenasaun no efikásia fiskalizasaun ba dezeña no implementasaun política públíka.
- 3) Hametin enkuadramentu jurídiku nasional, inklui ratifica konvensaun Internasional Protesaun ba Ema Hotu-hotu hosi Desaparesimento Forsadu, no mós estabelesimentu lei sira kona-ba protesaun ba sasin, seguransa dijítal no radiodifuzsaun.
- 4) Reforma ba sistema administrasaun públíka, fó énfaze ba aplikasaun prinsípiu transparénsia, responsabilizasaun, la-diskriminasaun, no partisipasaun, liuliu iha prosesu foti desizaun no alokasaun rekursu estadu nian.
- 5) Hasa'e konxiénsia no edukasaun kona-ba direitus humanus, tantu liu-hosi integrasaun iha curríkulu edukasaun formál no kampaña públíka ne'ebé inkluzivu no sustentável.

## MAKTAKAN

---

Relatório Atividade PDHJ 2024 reafirma PDHJ nia papél importante nu'udar vanguarda ba protesaun direitus humanus no hametin governasaun di'ak iha Timor-Leste.

Liu-hosi programa/atividade sira mak implementa ona, PDHJ hatudu kompromisu ne'ebé konsistente atu hala'o nia mandatu konstitusionál maske hasoru no/ka enfretna limitasaun estruturál no operasional oioin. Aumentu iha número keixas no kazu sira ne'ebé rezolve, akompanha ho atividade divulgasaun no formasaun oioin iha territóriu nacionál tomak, reflete konfiansa público nomós nu'udar mekanizmu responsabilizaun pública.

Maibé, relatório ida-ne'e mós apresenta reflesaun crítiku kona-ba realidade kompleksu sira ne'ebé limita nafatin efikásia instituisaun público sira nian, hahú hosi kapasidade rekursu ne'ebé limitadu, sistema monitorizasaun interna instituisaun ne'ebé la óptimu, to'o resposta no/ka konsiderasaun ne'ebé fraku ba rekomendasaun sira PDHJ nian hosi instituisaun respondente sira.

Violasaun ba direitu husi ofisiál estadu, diskriminasaun hasoru grupu vulneravel sira, no prática administrasaun pública ne'ebé la partisipativu hatudu katak implementasaun príncipi direitus humanus no governasaun di'ak presiza nafatin atensaun sériu no hadi'a husi parte interesada sira hotu.

Iha ámbitu dezenvolve estadu direitu democrático, PDHJ haree katak protesaun ba direitus humanus no hametin governasaun la'ós de'it dimensaun normativu, maibé nu'udar pré-requisito príncipal atu kria dezenvolvimentu ekuitativu no sustentável. Tanba ne'e, PDHJ nia estratégia ba futuro foka liu ba tranzisaun husi abordajen responsivu ba keixa sira ba abordajen proativo liu-hosi monitorizasaun política pública, advokasia política, no reforma sistémica comprensiva.

PDHJ fiar katak susesu iha harii instituisaun estadu ne'ebé justu, efetivu no inkluzivu depende maka'as ba vontade política ne'ebé forte, envolvimentu ativo hosi parlamentu no governu, no partisipasaun signifikativa hosi sociedade civil no grupu sira iha base. Ho espírito ida-ne'e, PDHJ sei continua hametin kapasidade institucionál, estabelece parceria entre setór sira, no habelar alkanse servisu nian hodi garante katak laiha sidadaun ida mak husik hela iha kotuk iha protesaun direitus humanus no justisa.

Atu taka, PDHJ hato'o ninia apresisaun ba parte hotu-hotu ne'ebé fó ona apoiu ba implementasaun kna'ar no funsaun instituisaun nian durante tinan 2024. Reflesaun no lisaun sira ne'ebé aprende husi relatório ida-ne'e sei sai base atu hametin pasu estratégico sira ba oin hodi harii Timor-Leste nu'udar nasaun ne'ebé tane aas dignidade humana, justisa social, no supremacia lei.

\*\*\*

## ANEKSU LISTA FORSA TRABALLU PDHJ

---

Nu	Naran	Data & Fatin Moris	Sexu	Pozisaun
I	<b>Gabinete Provedór</b>			
1	Virgílio da Silva Guterres 'Lamukan'	Venilale-Baucau, 08/12/1966	M	Provedór
2	Rigoberto Monteiro	Viqueque/Ossu, 17/04/1976	M	Provedór Adjuntu ba asuntu governasaun di'ak
3	Maria Marilia Ximenes Castro de Oliveira da Costa	Ermera/Hatulia,04/03/1974	F	Provedóra adjunta ba asuntu direitus humanus
II	<b>Gabinete Relasaun Publiqua no Koordenasaun Institusionál</b>			
4	Silvino Saldanha Pereira	Liquiça, 12/03/1976	M	Xefe Gabinete
5	Aureo José António Savio	Lospalos, 06/11/1972	M	Senior Profisional ba area governasaun di'ak
6	Aurelia G Martins Babo	Dili, 19/11/1985	F	Ofisial Protokolu
7	Martinho Amaral Soares	Ainaro, 04/03/1960	M	Asistente Patrimoniu Estadu no Simu Keixas/Reklamasau

Nu	Naran	Data & Fatin Moris	Sexu	Pozisaun
8	Natividade Valetim Henriques	Bobonaro, 07/4/1985	F	Ofisial Protokolu no Pontu Fokal ba Promosaun area Direitus humanus.
9	Aurea de Araújo	Same, 25/02/1981	F	Resepcionista
10	Joana da Cruz	Ermera, 28/01/1992	F	Ofisial Mídia
11	Isau Peregrina Maia	Aileu, 25/03/1988	M	Motorista no Administrasaun
12	Gastao Canisio Dias de Vasconcelos	Dili, 27/04/2001	M	Administrasaun
13	Fidelia Soares Pereira Magno	Ainaro, 19 /01/1991	F	Sekretaria Provedór
14	Arsenio da Silva	Lautem, 20/02/1977	M	Motorista
15	Jorge Duarte Isac da Costa	Dili, 13/03/1993	M	Motorista
16	Idalia Virginia da Silva	Baucau, 13/01/1996	F	Sekretaria Provedór Adjunto ba area Governasaun Di'ak
17	Benvida Gusmao Alves	Baucau, 15/07/1997	F	Sekretaria Provedora Adjunta ba area Direitosu Humanus

Nu	Naran	Data & Fatin Moris	Sexu	Pozisaun
18	Benvindo Coutinho Jesus da Costa	Dili, 07/01/1988	M	Motorista
19	Olga Vila Nova Sequeira	Lautem, 18/01/1978	F	Téknika Espesializada Kooperasaun Institusionál
20	Antoninho Bernadino	Bobonaro, 26/02/1986	M	Tékniku Espesializadu Mídia & Relasaun Publika
21	Octavio Samara Gusmao de Oliveira	Dili, 19/08/1995	M	Tékniku Espesializadu Produsaun Audiovisual & Programasaun
22	Luciana do Nasimento Dias	Aielu, 02/11/1992	F	Tékniku Espesializadu Tradutor Lian Jestuál
23	Julio Alexandres fernandes Moniz Maia	Suai, 27/07/1993	M	Motorista
III	<b>Gabinete Sekretariu Ezekutivu</b>			
24	Ambrosio Graciano Soares	Dili, 07/12/1974	M	Sekretariu Ezekutivu
25	Ludovina das Neves Santana	Soibada/ Manatutu, 29/09/1978	F	Ofisial Elaborasaun Relatório no Pontu Fokal Mídiasaun
26	Angelita Goncalves Barreto	Liquiça, 13/01/ 1987	F	Administrasaun

Nu	Naran	Data & Fatin Moris	Sexu	Pozisaun
27	Paulo Lemos Maia	Dili, 20/09/1992	M	Asistente Biblioteka no Promosaun
28	Eusebio Assis Belo	Baucau, 23/05/1993	M	Tékniku Espesializadu Planeamentu, Monitorizaun, Evaluasaun no Relatório
29	Martinho Moniz	Niquir, Tilomar, Covalima 26/06/1993	M	Tékniku Espesializadu Planu no Programa
30	Justinu dos Santos	Dili, 24/08/1977	M	Motorista
IV	<b>Gabinete Inspesaun</b>			
31	Claudio do Rego	Lautem, 17/04/1962	M	Inspetór
32	Casimiro Ferreira Magno	Covalima, 25/02/1961	M	Ofisial Auditoria Interna no Pontu Fokal ba Asuntu Boa-Governasaun
33	Teresinha da Costa	Same, 01/02/1987	F	Ofisial Auditoria Interna no Fokal iha Area Promosaun Direitus manus
34	Izaida Maria dos Santos Menezes	Ermera, 11/04/1983	F	Ofisial Auditoria Interna no Pontu Fokal ba Direitus manus

Nu	Naran	Data & Fatin Moris	Sexu	Pozisaun
35	Paulina da Costa Caldeira	Manatutu, 04/12/1987	F	Administrasaun & Finansas
36	Luis Helio Rangel Pinto	Viqueque, 26/03/1994	M	Motorista
V	<b>Diresaun Monitorizasaun no Rekomendasau</b>			
37	Bartolomeu Conçalves	Ermera, 24/08/1978	M	Diretora Monitorizasaun no Rekomendasau
38	Catarina da Conceicao	Aileu, 10/03/1976	F	Monitorizador no Fiskalizador
39	Sonia Fernandes	Uatolari-Viqueque, 14/12/1980	F	Monitorizador no Fiskalizador
40	Dirce Maria Fernandes Xavier	Dili, 24/03/1984	F	Monitorizador no Fiskalizador
41	Domingas Soares da Crus	Manatutu, 23/07/1989	F	Administrasaun & Finansas
42	Cipriano de Fatima	Manatutu, 31/05/1983	M	Monitorizador no Fiskalizador
43	Carvarino dos Santos Cardoso	Ermera, 13/03/1978	M	Monitorizador no Fiskalizador
44	Antoninho da Silva	Manufahi, 19/11/1975	M	Monitorizador no Fiskalizador

Nu	Naran	Data & Fatin Moris	Sexu	Pozisaun
45	Angelo Rangel	Viqueque, 07/10/1980	M	Monitorizador no Fiskalizador
46	Januario dos Santos Pereira	Covalima, 27 Janeiro 1980	M	Monitorizador no Fiskalizador
47	Manuel Maia	Bobonaro, 15/10/1968	M	Asistente
VI	<b>Diresaun Promosaun</b>			
48	Marina Bernadina Gaio	Quelicai-Baucau, 20/05/1975	F	Diretora Promosaun
49	Jusmina Binti Alang Duro	Dili, 18/06/1982	F	Ofisial Promosaun
50	Margarida Francisca José Maria dos Santos	Dili, 05/09/ 1983	F	Ofisial Promosaun
51	Isac da Conceição	Baucau, 05/07/1982	M	Ofisial Promosaun
52	Maria de Jesus	Aileu, 04/07/1974	F	Ofisial Promosaun
53	Eduarda Peregrina Alves	Dili, 13/11/1987	F	Ofisial Promosaun
54	Jesuinho de Araujo	Atauru, 21/02/1987	M	Ofisial Promosaun
55	Celestino Gomes	Dili, 11/10/1984	M	Motorista & Administrasaun

Nu	Naran	Data & Fatin Moris	Sexu	Pozisaun
VII	<b>Diresaun Investigasaun</b>			
56	Terencia da Costa Nunes Maia	Covalima, 10/04/1985	F	Diretora Investigasaun
57	Valerio Magno Ximenes	Dili, 26/01/1977	M	Investigador
58	Herminia Pinto da Cruz	Dili, 24/04/1975	F	Investigadora
59	Nilza M. C. S. Berteni	Hatoudo / Ainaro, 09/11/1981	F	Investigadora
60	Ines Moreira	Quelicai / Baucau, 10/07/1982	F	Investigadora
61	António M. Soares da Costa Lopes	Dili, 08/05/1974	M	Investigador
62	Laurentino da Costa	Iliomar / Lautem, 03/06/1979	M	Investigador
63	Alarico Araújo F. Sequeira	Dili, 21/02/1978	M	Investigador
64	Eugenio Vicente Martins	Bobonaro, 30/07/1972	M	Investigador
65	Sidonio João Sequeira Soares	Viqueque, 27/05/1981	M	Investigador

Nu	Naran	Data & Fatin Moris	Sexu	Pozisaun
66	José Manuel Ferreira	Dili, 14/03/1971	M	Investigador
67	Elide Jeronimo Barros	Lospalos, 20/11/1990	F	Administration & Finance
68	António Carvalho Pereira	Aileu, 17 Abril 1970	M	Asistente
VIII	<b>Diresaun Assistensia Pública</b>			
69	Elsa do Rosario Viegas da Costa	Cairui-Manatutu, 23/07/1974	F	Diretora Assistensia Publiko
70	Josefa Soares de Jesus da silva	Dili, 17/04/1972	F	Ofisial Simu Keixas
71	Cesar Dos Santos	Dili, 17/12/1984	M	Ofisial Simu Keixas
72	Anita Sarmento da Fonseca	Soibada / Manatutu, 8/03/1969	F	Monitorizador no Fiskalizadorizasaun no Rekomendasun sira
73	Laurina Maria Soares Nesi	Dili, 07/05/1981	F	Monitorizador no Fiskalizadorizasaun no Hare Tuir Rekomendasun sira
74	Acio dos Santos	Lospalos / Lautem, 04/08/1986	M	Ofisial Simu Keixas

Nu	Naran	Data & Fatin Moris	Sexu	Pozisaun
75	Mateus Valadano Soartes de Fatima	Manatutu, 21/06/1986	M	Asistente Mídiasaun & Konsiliaisaun
76	Agustino Monteiro	Ermera, 14/02/1992	M	Administrasaun & Finansas
77	Akilis dos Santos	Bazartete / Liquica, 05/06/1968	M	Asistente
IX	<b>Diresaun Administrasaun no Finansas</b>			
78	José Maria de Assis Gonçalves	Lolotoe / Bobonaro, 09/04/1976	M	Direitor Administrasaun no Finansas
79	Domingos Soares	Manatutu, 28/01/1978	M	Xefe Departamentu Administrasaun & Finansas
80	Aryanto Nahak Bei Dato	Dili, 19/01/1982	M	Xefe Departamentu Lojística & IT
81	José dos Santos	Bazartete / Liquica, 07/05/1980	M	Xefe Departamentu Aprovisionamentu
82	Diana Silva Araújo	Dili, 28/03/1985	F	Ofisial Finansas & Pontu Fokal ba Boa Governasaun
83	Ludovina Boderek C. do C. Vieira	Dili, 28 /08/1983	F	Asistente Finansas & Apoiu Servisu Keixas/Reklamausaun

Nu	Naran	Data & Fatin Moris	Sexu	Pozisaun
84	Jacquelina da Gloria V. Ximenes	Baucau, 09/07/1985	F	Ofisial Finansas & Apoiu Servisu Keixas/Reklamasau
85	Natalia Afonso Moniz	Marobo-Bobonaro, 26/07//1983	F	Ofisial Finansas & Pontu Fokal ba asuntu Boa Governasaun
86	Maria Vitoria Ribeiro da C. Pereira	Dili, 20/09/1978	F	Ofisial Finansas no Pontu Fokal iha Area Boa Governasaun
87	Maria Jensen Pinto	Dili, 14/05/1988	F	Ofisial Aprovisionamentu no Pontu Fokal Direitu Digital
88	Nelia Elvira dos Santos	Oecusse, 14/08/1982	F	Ofisial Aprovisionamentu no Pontu Fokal ba area Direitus humanus
89	Edilson Marçal Fátima de Almeida	Dili, 03/08/1982	M	Ofisial Aprovisionamentu no Pontu Fokal ba area Boa Governasaun
90	Ana Veronica C. Freitas	Vamasse / Baucau 21/02/1982	F	Ofisial Aprovisionamentu no Pontu Fokal ba Keixas/Reklamasau

Nu	Naran	Data & Fatin Moris	Sexu	Pozisaun
91	Roger Leong	Dili, 23/01/1981	M	Ofisial Jestaun Patrimonio no Pontu Fokal ba area servisu Fiskalizasaun
92	Filomeno Paulo F. de C. Martins	Dili, 29/04/1975	M	Asistente Patrimonio Estadu no Apoiu Servisu Monitorizaun no Rekomendasaun
93	António Maria Ximenes	Manatutu, 12/08/1982	M	Asistente Patrimonio Estadu no Apoiu Servisu Monitorizaun no Rekomendasaun
94	Rosentina de Araújo	Maubisse / Ainaro, 05/05/1965	F	Asistente Patrimonio Estadu no Apoiu Servisu Keixas/Reklamasau
95	João Bosco Marques	Dili, 11/07//1991	M	Limpezador & Administrasaun
96	Regina Soares	Dili, 19/09/1998	F	Limpezador & Administrasaun
97	Josefa de Jesus da Silva	Ermera, 23/10/1987	F	Limpezador & Administrasaun
98	Kevin de Jesus Soares	Dili, 02/11//1999	M	Limpezador & Administrasaun
99	Jaime Antonio de Sousa Ena	Oecusse, 27 Dezembru 1992	M	Asistente IT

Nu	Naran	Data & Fatin Moris	Sexu	Pozisaun
100	Eulalia da Costa Pinto	Viqueque, 16/02/1989	F	Tekniku Espesialidade Arkitektu
101	João Carlos Tavares	Same, 03/10/1987	M	Tekniku Espesialidade Engeneirho
102	Armindo de Jesus	Fatululic-Covalima, 02/01/1983	M	Tekniku Espesialidade IT
103	Antonio Ferreira	Laculubar, 8/01/1990	M	Motorista
X	<b>Direção de Gestão de Recursos Humanos</b>			
104	Teresinha Ximenes	Baucau, 03/10//1974	F	Diretora de Gestão de Recursos Humanos
105	Apolinario Afonso	Mape / Lolotoe, 01/11/1977	M	Ofisial Jestaun Rekursu Humanus no Pontu Fokal ba area direitus humanus
106	Celestino Vidal Moreira	Baucau, 12/08/1983	M	Ofisial Jestaun Rekursu Humanus no Pontu Fokal ba EhD
107	Elvia Maria Jeronimo Guterres	Baucau, 06/04/1982	F	Ofisial Promotor (Formasaun no Kapasitasaun Institusionál)

Nu	Naran	Data & Fatin Moris	Sexu	Pozisaun
108	Abel dos Santos	Dili, 05/05/1969	M	Ofisial Desenvolvimentu Institusionál no Peskizador
109	Evalisa dos Reis Alves	Dili, 03/12/1985	F	Ofisial Desenvolvimentu Institusionál no Pontu Fokal Direitu Dijital
110	Noemia dos Santos	Lospalos, 23/04/1985	F	Baze dadus, Lisenças & Faltas
111	Nicolau da Conceicao Maia	Ermera, 13/01/1984	M	Motorista
XI	<b>Unidade Assistansia Jurídiku, Adsmistrativa no Peskiza</b>			
112	Filomena M. Fatima Dias	Dili, 07/05/1983	F	Xefe Unidade Assistansia Jurídiku, Adsmistrativa no Peskiza
113	Maeni Calado	Dili, 02 Janeiru 1972	M	Peskizador
114	Martinho Pereira	Molop / Bobonaro, 06 Janeiru 1977	M	Administrative Assistance Officer
115	Helena Pereira Madeira	Baucau, 14/11/1986	F	Jurista Nasional
116	Serafin Clemente Ximenes	Baucau, 23/11/1988	M	Administrasaun no Finansas

Nu	Naran	Data & Fatin Moris	Sexu	Pozisaun
117	Andreas da costa Monteiro	Lautem, 10/05/1993	M	Asistente Legal
118	Jose Martins do Rego	Dili, 09/03/1991	M	Jurista Junior
119	Jose Antonio do Rosario Soares	Dili, 26/03/1982	M	Jurista Nasionál
120	João Freitas	Bobonaro, 05/12/1974	M	Motorista
XII	<b>Delegasaun Teritorial Baucau</b>			
121	Joanita Silvira da Costa	Baucau, 22/03/1980	F	Diretora Delegasaun Teritorial Baucau
122	Agapito Rodrigues de Fátima	Baucau, 13/11/1981	M	Ofisial Simu Keixas no Investigasaun
123	Ana Elvira Manuela Belo	Baucau, 15/12/1986	F	Ofisial Promosaun
124	Zulmira Soares Sarmento	Viqueque, 03/06/1986	F	Monitorizador no Fiskalizador
125	Angelino Madeira	Lautem, 22/07/1974	M	Ofisial Finansas no Apoiu Servisu Fiskalizasaun
126	Julião de Jesus da Costa	Baucau, 02/07/1983	M	Motorista no Lojística

Nu	Naran	Data & Fatin Moris	Sexu	Pozisaun
127	Regina Asis Belo	Baucau, 07/09/1979	F	Asistente administrasaun
128	Elisabeth Soares da Silva	Baucau, 03/08/1994	F	Monitoring Officer
XIII	<b>Delegasaun Teritorial Maliana</b>			
129	Domingos Pinto Tavares	Bobonaro, 06/07/1973	M	Diretor Delegasaun Teritorial Maliana
130	Emilia da Cruz da Conceição	Bobonaro, 30/01/1973	F	Ofisial Finansas no Simu Keixas
131	Gelazio da Costa Carvalho	Ermera, 11/07/1985	M	Monitorizador no Fiskalizador
132	António da Costa	Zumalai / Covalima, 15/06/1982	M	Ofisial Simu Keixas & Investigador
133	Antonio Talo Bere	Bobonaro, 27/12/1968	M	Motorista & Lojística
134	Leonita de Jesus	Bobonaro, 14/04/1994	F	Administration Asistente
135	Saturnino Maria Leite	Bobonaro, 07/05/1983	M	Ofisial Promosaun
136	Antonio Maubere	Maliana, 10/01/1970	M	Limpezador & Lojística

Nu	Naran	Data & Fatin Moris	Sexu	Pozisaun
XIV	<b>Delegasaun Teritorial Same</b>			
137	Francelina Tilman	Same-Manufahi, 22/04/1972	F	Diretora Delegasaun Teritorial Same
138	Maria de Andrade Xavier	Same-Manufahi, 08/07/1983	F	Oficial promosaun no Administrasaun
139	Leila da Costa	Same-Manufahi, 23/08/1983	F	Oficial Simu Keixas no Investigasaun
140	Xisto Constantino Pinheiro	Same-Manufahi, 07 Agustus 1982	M	Oficial Promosaun
141	Flaviano Profirio	Same-Manufahi, 22/07/1988	M	Monitorizador no Fiskalizador
142	José Neno	Oeusse, 12/10/1988	M	Oficial Simu Keixa no Investigasaun
143	Orlando Orleans Soares	Bobonaro, 01/12//1976	M	Asistente administrasaun
144	Bernardino Marçal	Same, 05/04/1980	M	Lojística no Motorista

Nu	Naran	Data & Fatin Moris	Sexu	Pozisaun
XV	<b>Delegasaun Teritorial RAEOA</b>			
145	Paulo Ribeiro	Oecusse, 08/04/1983	M	Diretor Delegasaun Teritorial Oe-Cusse
146	Paulo António Lafo	Oecusse, 10/05/1978	M	Ofisial Simu Keixa no Investigasaun
147	Domingas da Paixão Quefi	Oecusse, 06/01/1988	F	Ofisial Administrasaun no Finansas
148	José Tefa	Oecusse, 11/04/1979	M	Ofisial Promosaun
149	Jose Hermenildo Correia	Oecusse, 30/01/1993	M	Ofisial Monitorizasaun no Fiskalizasaun
150	João da Cunha	Oecusse, 03/07/1977	M	Motorista no Lojistika
151	Paulo Oqui	Oecusse, 18/08/1981	M	Limpezador



Estrada de Caicoli Dili, Timor-Leste



+670 3331030, 3331070, 3331071



PDHJ Timor-Leste



[www.pdhj.tl](http://www.pdhj.tl)